

MOYENS

De Maistre Sebastien Bouthillier Doien de Luçon, & Chanoine prébendé en l'Eglise Cathedrale de ceste ville de Paris.

Contre Maistre Esmond Richer, Jean Gouault, & Pierre Bailly Docteurs en Theologie.



LES parties plaident sur le possessoire d'une Chanoinie & prébende en l'Eglise Cathedrale de ceste ville de Paris, & sont d'accord, que feu maistre Pierre de Serre a esté le dernier titulaire, & paisible possesseur d'icelle: mais leur contestation est, si elle a vacqué par la resignation pure & simple qu'il en a faicte auparavant son deceds, entre les mains de monseigneur le Cardinal de Gondy collateur d'icelle, ou bien si elle a vacqué par sa mort, d'autant que Bouthillier soustient qu'elle a vacqué par sa resignation, en consequence de laquelle il en a esté pourueu: Et au contraire Richer, Gouault, & Bailly soustiennent, que feu de Serre n'a peu resigner, & que ledit sieur Cardinal n'a peu admettre la resignation, d'autant que feu de Serre estoit malade de la maladie de laquelle il est decedé au mois de Juillet 1612. affecté aux graduez-nommez: Que la resignation ne vault rien: Que nonobstant icelle, la Chanoinie & prébende a vacqué par la mort de feu de Serre: Et cōsequemment qu'elle appartient à l'un d'eux, qui se disent tous graduez-nommez.

Contestation des parties.

Par la pretention de ces trois que Bouthillier, pour n'yser de redites, qualifiera trois graduez, il se veoit qu'ils ne pretendent rien à la Chanoinie & prébende contentieuse, sinon en vertu de leur lettres de degrez, de temps d'estude, & de nomination: Et consequemment que si elles leur manquent, & qu'elles soient defectueuses, ils n'y peuvent rien demander, & que la prouision de Bouthillier doit demeurer, comme elle est, bonne & vallable conformément au texte du Cōcordat in p. *Teneantur De collat. Et si, dit ce texte, Collatoribus ordinariis, aut patronis Ecclesiasticis in mensibus deputatis graduatis simplicibus aut nominatis, nō esset graduatus, aut nominatus, qui diligentias prefatas fecerit, collatio seu presentatio per collatorem, seu patronum Ecclesiasticum etiam eisdem mensibus facta alteri, quā graduato vel nominato, non propter hoc irrita censeatur.*

Richer, Gouault, & Bailly ne peuuent rien demander sinon en vertu de leurs pretendus degrez & nominations.


Or pour montrer que leurs qualités de graduez sont defectueuses & ne valent rien, Bouthillier soustient que par la Pragmatique, par l'Ordonnance du Roy Louys douzième, & par le Concordat, il faut trois lettres aux graduez-nommez, celle du degré, celle du temps d'estude, & celle de nomination: & toutefois Richer n'en a qu'une, qui est celle de sa nomination: d'autant que pour le regard de l'autre qu'il a communiquée & produite, dattée du premier Mars 1603. qu'il veut faire seruir de lettre de degré, & de lettre de temps d'estude, elle est nulle & ne vaut rien, pour plusieurs raisons.

Trois lettres requises pour les graduez-nommez.

Contre les pretendues lettres de Richer.

La premiere, Que les mesmes Pragmatique, Ordonnance du Roy Louys douzième, & Concordat veulent, qu'il y ayt yne lettre de degré,

A



& vne autre d'attestation de temps d'estude : & partant qu'une seule ne peut seruir pour les deux.

La difference & consequemment la necessité des deux se descouure par la forme des expéditions, qui en doiuent estre faictes : d'autant qu'il suffit, que les lettres de degré soient expédiées sous le seing du Scribe, & sous le seau de l'Vniuersité. Mais en celle du temps d'estude, il est necessaire qu'il y ayt deux personnes qui attestent, ou certifient, ainsi que dit Rebuffe en son traicté des Nominations, question vnzième, nombre deuxiesme : ou bien qu'il en apparaisse par certificat de la faculté, dont il y ayt registre fait, suiuant l'unzième article de l'ordonnance du Roy Louys douzième, ce qui n'est pas en la lettre de Richer.

La lettre prétendue par Richer n'est qu'un simple certificat.

La seconde raison est, que ceste prétendue lettre n'est qu'un simple certificat de ce que Richer dit auoir obtenu vnze années auparauant le datté d'icelle, & que tels certificats ne peuuent estre receus pour lettres de degré, ny de temps d'estude : d'autant que toutes les lettres, actes, contracts, & instrumens doiuent estre dattés du iour qu'ils s'ont faicts, octroyés, consentis & accordez, ainsi qu'il est traicté in l. libellorum D. de Accusat. Et sur la fin du tiltre *De Reg. iuris in sexto*, en ces mots. *Data Roma &c. Ioannes Andreas in cap. Abbate de sent. & re iudica.*

Bien est vray que les actes desquels les minutes & les registres doiuent demeurer perpetuels, peuuent estre expédiés des iours, mois & an, desquels ils sont dattés, sans faire mention du temps que la deliurance en est faicte, comme nous en auons l'experience certaine aux iugemens, & arrests que les greffiers deliurent ordinairement : & si la lettre de Richer estoit semblable, Bouthillier ne la voudroit debattre, d'autant qu'elle seroit au registre de la faculté.

Mais il n'y a rien de semblable en icelle : l'expédition n'en est pas faicte le douzième de May 1592. qui est le iour que Richer dit, & sa prétendue lettre le porte, qu'il a esté promu au degré de Docteur en Theologie : elle est du premier de Mars 1603. 11. années ou peu s'en faut, apres sa prétendue promotion : Il s'ensuit doncq qu'elle n'est, & ne peut estre en bonne forme, & qu'au contraire elle est nulle & ne vaut rien.

Que la prétendue lettre de Richer n'est signée de la main du Secrétaire, ny scellée du seau de l'Vniuersité, ny de la faculté.

La troisième raison est, que ceste lettre n'est signée de la main du Secrétaire de l'Vniuersité, ny scellée du seau d'icelle, comme il est requis par les mesmes Pragmatique, Ordonnance, & Concordat : voire elle ne contient pas la clause necessaire pour y apposer le seau, laquelle se trouue en toutes les autres produites au procez par les trois graduez, & mesme par Richer : clause, dis-je, de ceste substance, *ad premissum fidem & testimonium sigillum nostrum magnum presentibus litteris duximus apponendum* : ceste obiection comme tres-pertinente, est proposée par Richer au 28. article des contredicts qu'il a fournis contre la production de Bailly. Il doit donc recognoistre que si elle est bonne contre Bailly, comme sans doute elle est peremptoire, elle est pareillement bonne contre luy.

Et de dire qu'elle est signée de ce nom, Panet, que Richer prétend auoir esté grand bedeau de la faculté de Theologie, & que les lettres de degré, & d'attestation de temps d'estude en ceste faculté n'ont accoustumé d'e-

estre signées que du grand bedeau, ny seellées que du seau d'icelle: *hoc primū*, qu'il ne se trouuera point que Panet fust bedeau de la faculté au mois de May 1592. qui est le temps auquel Richer pretend auoir obtenu ceste seule lettre pour son degré & pour son temps d'estude: & qu'au cōtraire il y a preuue par des autres lettres produictes au sac de Gouault, & mesmes par l'extraict du cōpte des années 1591. iusques en l'année 1593. qu'un nommé La-Cour estoit bedeau, & consequemment que c'estoit à luy, & non pas à Panet, d'expedier les lettres, au cas que sur ce pretendu compte aucune expedition en deust estre faicte: ce qu'il n'a pas fait.

Et pour le regard du seau, la veuë oculaire iustifie qu'il n'y en a point: voire qu'il n'y en a iamais eu, ainsi qu'il a esté dit.

La quatriesme raison depend de la precedente, que puis que Panet n'est pas celuy lequel auoit rendu le compte de l'année 1592. auquel Richer est nommé, & qu'il ne s'en trouue point qui ayt esté rendu par luy, il s'ensuit qu'il ne deuoit entreprendre d'en faire aucune expedition, & que ce qu'il en a fait est vne entreprise euidente, ou plustost vne euidente fausseté.

Panet n'a rendu aucun compte sur lequel il ayt peu deliurer la pretendue lettre de Richer.

La cinquieme raison est que Richer ne montre point, & ne scauroit monstrier que Panet ayt eu aucune charge d'expedier ceste pretendue lettre, laquelle se rapporte à l'année 1592. durant laquelle la Cour estoit bedeau: que de l'auoir deliurée soy-mesme, c'est en somme l'auoir composée à sa fantaisie, sans aucune preuue, ny attestation de personne quelconque, & consequemment que leur pretendue fausseté demeure sans responce.

Panet n'a eu aucune charge d'expedier & deliurer ceste pretendue lettre à Richer.

Bien est vray qu'il y a mis ces mots dès le commencement. *Decanus, singularique Magistri facultatis Theologiae &c.* Et sur la fin ceux qui s'ensuiuent, *De mandato Dominorum Decani, & Magistrorum sacratissimæ facultatis Theologiae Parisiensis, &c.* Mais de preuue que ces mots soient veritables, il n'y en a point. Vn seul des Docteurs ne la signés, le seau d'icelle n'y est pas, ainsi qu'il a esté dit: Il s'ensuit donc qu'il n'est pas raisonnable de s'arrester à ce que Panet seul y escrit, ou plustost que Richer luy a fait escrire, estant aisé de cognoistre que c'est luy-mesme qui l'a bastie comme elle est, par ces mots qui s'ensuiuent, escripts de sa main, au dessous d'icelle: *Duodecima Maij 1592. adeptus sum lauream Doctorem.*

La sixiesme raison est, que de ceste pretendue lettre, que Richer veut faire seruir pour deux, il ne se trouue aucun registre ainsi qu'il a esté dit: ce qui toutefois est necessaire par la mesme ordonnance du feu Roy Louys douzieme.

Nul registre de la pretendue lettre de Richer.

Tant s'en faut qu'il y en ayt, qu'au contraire il se trouue vn compte de la mesme année, auquel il est escript comme Docteur, dès le cinquieme du mesme mois de May 1592. il faut donc de necessité que l'un ou l'autre soit faux: d'autant que s'il estoit Docteur le cinquieme, il est faux qu'il ayt esté promu à ce degré le douzieme, & si la promotion n'est que du douzieme, il est faux qu'il fust Docteur dès le cinquieme.

Richer s'est efforcé d'excuser ceste faute, sur ce qu'il dit, que le pretendu bedeau, qui est ce Panet, s'est trompé au datte, & qu'au lieu de mettre

en sa lettre le cinquiesme de May, il y a escrit le douziesme, mais ceste fau-
te ou plustost fausseté, n'est pas venue de Panet, ains de Richer, lequel ay-
ant composé ceste pretendue lettre, comme il a voulu, & l'ayant fait es-
crire sur le parchemin, il a escrit sous icelle de sa main les mots cy dessus
remarquez.

Preuve certai-
ne que Richer
n'a pas étudié
dix ans en Theo-
logie.

Et la septiesme & derniere raison est, qu'il y a preuue certaine, que Ri-
cher n'a point estudié les dix années requises par les mesmes Pragmati-
que & Concordat, auparauant qu'aucun puisse estre promu au degré
de Docteur & maistre en Theologie.

Primo, d'autant que ces dix années deuoient auoir commencé le dou-
ziesme May 1582. & continué iusques à pareil iour douziesme May 1592.
d'autant que par disposition de droit, *annorum quemadmodum dierum ap-
pellatione proximi intelliguntur. l. Eum qui Calendis D. De verbo. obligat.* & que
Richer a confessé qu'il auoit regenté trois de ces dix années en l'vniuersi-
té d'Angers, lesdictes trois années commencées à la saint Remy 1583. &
continuées iusques à pareil iour 1585. Il est donc impossible de dire qu'il
ayt estudié en Theologie les dix années.

Secundo, qu'il n'a esté fait maistre es arts, qu'au mois de Novembre 1582.
ainsi qu'il est verifié par l'extraict qui en a esté tiré du registre du Scri-
be de l'Vniuersité: & que de dire qu' auparauant ceste maistrise es arts il
eust estudié en Theologie, il ne se peut non plus.

Richer mesme l'a ainsi soustenu au 10. article des contredicts qu'il a
fournis contre Gouault: dont voicy les mots, en parlant du temps d'estu-
de des Bacheliers en Theologie. *Les six ans sont restraincts à cinq, & commen-
cent ab artium Magisterio in alumnis Academia Parisiensis.*

A ceste derniere raison Bouthillier peut iustement adiouster celle que
Richer a écrite au douziesme article des contredicts, qu'il a fournis cõ-
tre Gouault, que par les statuts & discipline de tout temps obseruée en la
faculté de Theologie, nul n'est reputé Bachelier, & ne peut impetrer let-
tres dudit degré, ny de nomination en vertu d'iceluy, sinon apres auoir
respondu de Tentatiue, & auoir esté rapporté capable en l'assemblée pu-
blique de ladicte faculté, par le tesmoignage du Docteur qui a presid, &
les suffrages des Bacheliers qui ont disputé audit acte, &c.

Ce sont les propres mots desquels a vsé Richer en cest article douzies-
me, & duquel Bouthillier inferé, que puis que par sa propre recognois-
sance, tout ce qu'il a escrit est requis à la promotion d'un Bachelier, il est
sans comparaison plus necessaire au degré de Docteur. Il ne rapporte rien
de semblable pour le sien, ny pour son pretendu temps d'estude: Il n'ap-
porter rien, dis-je, de toute ceste preuue, sans laquelle luy-mesme soustient,
que le degré de Bachelier n'a peu estre acquis vallablement à Gouault,
pour le rendre capable de demander aucun benefice en vertu de son de-
gré: Il s'ensuit doncq que par le propre tesmoignage sortant de sa bou-
che ceste mesme incapacité demeure en sa personne.

Incapacité en
la personne de
Richer à cause
de ses theses.

Outre la nullité, ou plustost la notoire fausseté de la pretendue lettre
de Richer, il y a vne autre incapacité en sa personne, laquelle prouiet des
theses abominables, qu'il proposa, soustint & disputa en l'année 1591. cõ-

tre la memoire du feu Roy Henry troisieme, & sur la pretendue beatitude de ce monstre horrible de Clemet, qui l'auoit assassiné: d'autant qu'encores que les fautes commises durant les guerres dernieres par ceux que nous appellions de la Ligue soient nettoies, voire du tout esteintes, par la clemence de laquelle a vſé le feu Roy Héry le Grand enuers ses subiects, & en consequence des abolitions qu'il luy a pleu de leur octroyer: Toutesfois ceux qui se sont attaquez directement aux personnes de nos Rois, comme a fait Richer, ne doiuent pas estre compris sous la generalité des autres: ou si par vne plus douce interpretation ils y sont compris, *Indulgentia ista quos liberat, notat, nec infamiam tanti criminis tollit, sed pœnæ gratiam facit, l. fin. c. De gener. abolit.* n'estant pour ceste occasion aucunement raisonnable de le iuger capable de la Chanoinie & prébende contentieuse, pour le mettre en la compagnie des Chanoines de l'Eglise de Paris, l'une des plus grandes & des plus Royales qui soient en ce Royaume.

Contre Gouault, Bouthillier, apporte cinq raisons peremptoires, dont la premiere est, qu'il n'a point de lettre de degré. Bien est vray qu'il se veut excuser de ceste defectuosité, sur ce qu'il pretend que celle de Bachelier a esté perdue, & qu'il en a leuë vne autre, par luy suppliée à la faculté de Theologie au mois d'Auril 1613. Mais de ceste pretendue perte il n'y en a point de preuue, & la nouuelle qu'il apporte ne luy peut seruir, d'autant qu'elle n'a point esté signifiée, ny coppie d'icelle laissée à monsieur l'Euesque de Paris.

Contre les pretendues lettres de Gouault.

Gouault

De dire qu'elle luy doit seruir, tout ainsi que Richer veut faire seruir la sienne, tant pour la preuue de son degré, que de son temps d'estude, Bouthillier au contraire a soustenu que celle de Richer est nulle, & ne vaut rien, par les raisons cy dessus representées: & que celle de Gouault ne vaut rien non plus.

Primò, d'autant qu'il faut qu'il y en ayt deux, l'une de temps d'estude, & l'autre de degré, ainsi qu'il a iustifié en la seconde raison proposee contre celle de Richer.

Secundò, qu'il ne s'en trouue aucun registre, & que les comptes faisans mention que Gouault a payé tous ses principes, & qu'il est mis au nombre des Bacheliers, ne sont pas suffisans pour iustifier qu'il ayt esté promu à ce degré, & encore moins qu'il ayt estudié en Theologie les cinq années requises pour l'obtenir.

La seconde raison contre les pretendues lettres de Gouault est tiree des contredicts de Richer, & remarquée cy dessus, qu'au cas qu'il y en eust qui fussent en bonne & deuë forme, que non, Gouault n'apporte point de preuue d'auoir respôdu de Tentatiue, & d'auoir esté rapporté capable en l'assemblée publique de la faculté, par le tesmoignage du Docteur qui a presidé, & des suffrages des Bacheliers qui ont disputé audit acte, auparauant lequel il ne s'est iamais veu ny pratiqué, qu'on ayt donné lettre de Bachelier. &c.

La troisieme est contre les pretendues lettres de Gouault, que le datté de la lettre de son attestation de temps d'estude a esté changé: d'autant qu'au lieu qu'il estoit du premier Auril 1599. l'on y a mis le premier de

Mars: ceste preuue estant certaine par les deux extraicts que Richer â tirez des registres des greffes des insinuations de ce diocese de Paris, & de celuy de Troye, aufquels ceste mesme lettre â esté insinuée, & la coppie d'icelle enregistree du premier d'Auril: les extraicts sont produicts sous la cotte de l'inventaire de Richer.

La quatriesme tiree pareillement des contredicts de Richer, & verifiée par les pieces produictes sous la cotte de son inventaire est, que ceste lettre d'attestation de temps d'estude porte, que Gouault auoit estudié six ans & plus, auparauant sa promotion au pretendu degré de Bachelier: ce qui ne peut estre veritable, d'autant que les six ans requis pour le degré de Bachelier ont esté reduicts à cinq, qui ne doiuent commencer que à *die adoptionis* de ceux qui ont estudié en vne autre vniuersité, & que Gouault n'a esté adopté en l'vniuersité de Paris, où il pretend auoir pris son degré que le quinziésme Auril 1592. & consequemment qu'il est impossible, qu'au mois de Mars ou d'Auril 1599. que l'on dit estre la date des lettres de temps d'estude & de son degré, il ayt estudié les cinq années requises pour obtenir le degré de Bachelier.

Et la cinquiesme raison contre les lettres de Gouault est pareillement tiree des 24. & 25. articles des contredicts de Richer, que l'acte d'insinuation de ses lettres de degré & de temps d'estude du 17. Mars 1599. est nul, & ne peut estre veritable: & Bouthillier n'en peut apprendre autre moié, sinó que les lettres de téps d'estude se trouuēt du premier d'Auril 1599. ainsi qu'il â esté dict, que les lettres de degré doiuent estre du mesme iour: & partant qu'il est impossible de dire qu'elles aient esté insinuées le 17. du mois de Mars. Il en adioust vn plus fort, que ces mesmes lettres de degré n'ont esté suppliees à la faculté de Theologie que le quinziésme du mois d'Auril 1613. & consequemment qu'il est impossible qu'elles eussent esté insinuées au mois de Mars ou d'Auril 1599.

Bailly

Contre les pretendues lettres de maistre Pierre Bailly.

Contre maistre Pierre Bailly, Bouthillier apporte aussi l'argument & la preuue qu'il a tiree des pieces, & des contredicts de Richer. Sçauoir que ces lettres de certificat ou temps d'estude, contiennent qu'il a estudié *in iuris canonici facultate, per quinquennium, à principio mensis Februarij anni Domini millesimi quingentesimi nonagesimi tertij, vsque ad diem data*, qui est du 16. Februrier 1598. & que cela n'est pas veritable, sous correction, d'autant qu'aux années 1593. & 1594. il estoit en la ville & Vniuersité de Reims, où il estudioit en Philosophie, au College des bons enfans de ladicte ville, sous vn Regent nommé Iacques Gomont: il est donc impossible de dire qu'en ces mesmes années il estudiait en droit Canon en ceste ville & vniuersité de Paris: dont la preuue est claire par les pieces que Richer â produites, & extraictes des registres de la mesme vniuersité de Reims, cotees en son inventaire. Puis donc que ceste pretendue lettre de temps d'estude se trouue nulle, & non veritable, Bouthillier soustient qu'en vertu d'icelle, Bailly ne peut rien pretendre en la Chanoinie & prebende contentieuse.

Apparoissant que les lettres de degré & d'attestation de temps d'estude de ces trois graduez sont nulles & ne valét rien, & qu'en vertu d'icelles

ils n'ont peu demander la Chanoinie & prebende contentieuse, il s'ensuit qu'ils ne sont recepuables en sorte quelconque à débattre la Collation qui en a esté faite à Bouthillier, lequel pour ceste occasion n'auoit aucun subiect d'entrer plus auant en defféces pour la soustenir. Mais afin de monstrier que tous les argumens que ces trois graduez proposent pour la débattre sont impertinents: ils disent que la resignation faite par feu de Serre, l'admissio d'icelle par monsieur le Cardinal collateur ordinaire, & la collation qu'il en a faite à Bouthillier ont esté basties *in fraudem* des graduez, ausquels ceste Chanoinie & prébende a esté rauie, & conséquemment qu'elles sont nulles, & ne valent rien.

De verité Bouthilliers s'est trouué aucunement empesché à comprendre, surquoy ces graduez veulent asséurer leurs moiens de prétendue fraude: d'autant qu'aucun d'eux la fondent sur la regle *De infirmis resignantibus*, laquelle ils soustiennent auoir esté faite contre les resignations frauduleuses, & mesme contre celles qui se font purement & simplement entre les mains des ordinaires Collateurs: aucuns la fondent sur ce qu'ils prétendent, que par la mesme regle telles resignations sont defenduës: les autres la fondent sur ce qu'elle a esté faite en faueur des expectans comme estoient les mandataires Apostoliques auparauant qu'elle fust faite, & comme sont aujourd'huy les nommez par vous messieurs, à cause de vostre indult, pour le ioyeux aduenement du Roy à la Couronne, ceux que sa Maiesté nomme pour le serment de fidelité, & les graduez simples & nommez, afin d'empescher qu'ils ne fussent priuez de la iuste esperance des vacations des benefices: & principalement Richer & ses adheras la fondent sur ce que par la disposition du droit commun toutes les fraudes sont defenduës, que les resignations des beneficiers malades, & qui decedent des maladies desquelles lors qu'ils resignent ils sont detenus, sont frauduleuses, pour priuer les graduez, & les nommez des benefices lesquels sans les resignations leur escheroient, & leur seroient iustement acquis, & conséquemment qu'elles sont nulles & ne valent rien.

Que la regle ayt esté faite contre les resignations frauduleuses, c'est chose que Bouthillier accorde & recognoist tres-veritable: mais il soutient que cela ne se doit entendre que des resignations conditionnelles, faites *in Curia*, entre les mains du Pape, & non pas de celles qui sont faites purement & simplement entre les mains des Collateurs ordinaires, dont il apporte trois raisons peremptoires & pertinentes.

La premiere, Que ceste regle est avec les autres sous le tiltre *De regulis Cancellariae*, c'est à dire, de la Chancellerie de Rome: & conséquemment qu'elles ne doiuent pas estre estenduës hors de la mesme Chancellerie contre les ordinaires Collateurs.

La seconde, que *Regule Cancellaria non possunt dici constitutiones generales*, ainsi que dit *Anchoranus in Concil. 297. nu. 1. quia patet, dit-il, quod per eas Papa sibi ipsi, in suis agendis, leges imponit, sua voluntate, vt si fecit, vel non valeant, vel obseruentur*. Ce qui se vcoit en ceste regle, laquelle a esté bastie par le Pape Boniface huitiesme, non pour la garder, ains pour y déroger quand il voudroit, comme l'experience nous fait cognoistre, que tous les Papes

Obiection des trois graduez que la prouision par la pure & simple resignation de feu de Serre octroyée à Bouthillier est frauduleuse.

Que la regle De infirmis a esté faite cōtre les resignations conditionnelles, in fauorem, faites en Cour de Rome.

La regle De infirmis sous le tiltre des regles de Chancellerie de Rome.

Qu'elles ne peuuent estre appellées constitutiones generales.

ses successeurs y ont derogé & derogent tous les iours, de forte que par le moyen de leurs derogations, elle demeurera inutile. Puis donc qu'elle ne depend que d'eux, & de leur volonté, il n'est pas raisonnable de l'estendre contre les ordinaires.

La regle faicte
seulemēt pour
obuier à deux
fraudes.

La troisieme, qu'elle a esté faicte pour obuier seulement à deux fraudes, lesquelles se commettent ordinairement en Cour de Rome: l'une que par les resignations conditionnelles, & en faueur de certaines personnes, qui estoient ordinairement admises, les benefices estoient rendus hereditaires, & l'autre que par le moien des mesmes resignations les Collateurs ordinaires estoient priuez du droit de conferer les benefices de leurs collations: & en consequence d'eux, les mandataires expectans estoient priués de leurs expectatiues.

Cela est confirmé par le glosateur des regles de Chancellerie du Pape Innocent huitiesme, *Ista, dit-il, regula facta venit, ad obuiandum malitiis hominum, maximè Curialium, qua si infirmus credebat se euadere non posse, resignabat in fauorem alicuius.*

Denuò, cela est confirmé par Gomes sur la mesme regle, en la premiere question: *nam mens, dit-il, istius regula fuit, ne infirmi grauitè agrotantes, presentientes finem vitæ adesse, de beneficiis suis, veluti de rebus profanis, in consanguineos suos, successionis vice disponant, & in modum vltimæ voluntatis illa illis relinquunt.*

Pareillement cela est confirmé par Du-Moulin num. 36. & quelques autres subsequens, sur la mesme regle: *viua, dict-il, ipsa ratio, & finis huius regulæ duplex est, prima ne beneficia fiant hereditaria, præsertim per eos, qui quamdiu vixerunt, numquam cedere voluerunt: morientes autem, velut supremo quodam iudicio, & instar successionis hereditariæ, transmittere satagunt in certam personam, velut testamento institutam, contra canones cap. Apostolica. De fil. presby. cap. consuluit De iure patrona. nisi enim quadamtenus frenaret hæc regula, promptum esset cuius, in mortis articulo, heredem, vel successorem beneficii deligere, & per Pape, Legatiue cursores, instituere, quod nec summo quidem Pontifici licitum est, p. his omnibus, & ibi glo. c. si ergo, octaua questi. prima Card. Florent. in Clem. ne Romani, in principio, questi. 5. De Elect. c'est la premiere raison.*

Il adioute la seconde immediatement apres les mots precedents, *secunda, dit-il, ne ordinarij omnino frustrerentur iure suo, quod fere penitus absorberetur: cum enim duo tantum sint frequentes modi vacandi, videlicet per cessum, vel decessum cap. quamuis, 2. De Prab. in sexto cap. vlt. de verbo signif. in sexto: & tam rarissimè contingat, ordinarios conferre posse per cessum, quam raro contingit beneficia merè & absolutè resignari, hoc est sponte prorsus abdicari, (quod etiam iura numquam præsumunt, cap. super hoc, De renunt.) sed frequenter in fauorem, quod Papa solus admittit, ad quem ob id quotidie curritur, & superest ordinariis sola vacatio per obitum, qua tamen sepe frustrantur per præuentiones, quas Papa usurpant, & adhuc (si quando contingere posset ordinarium diligentiorè esse cursoribus Papæ velocioribus Aquilis) facile esset cuius vel in ipso mortis articulo, procuratore præmisso, diligentiam omnem ordinarij, imò vacationem omnem anteuertere, resignando in fauorem, in manibus Papæ, qui velut Dea fortuna, clausis oculis, non digniorè, sed præoccupatè dicitur: & sic ordinarij etiam facultate conferendi per obitum priuarentur.*

Après

Après auoir representé ces deux causes & raisons de la regle, pour ob-
 uier aux deux fraudes, lesquelles y sont nettemēt expliquées, il les resoult
 en ces mots, immédiatement escripts apres les precedents, *Quibus ambabus*
fraudibus hac regula, velut vno collyrio, quadamtenus medetur. Par lesquelles
 clauses en effect, il enseigne bien clairement que la regle n'a esté faicte
 que pour empescher les mesmes deux fraudes, l'une que les benefices ne
 fussent rendus hereditaires, & l'autre que les collateurs ordinaires ne fus-
 sent frustrés de leurs legitimes collations, & les mandataires des legiti-
 mes vacations, par le moien desquelles apres le deceds des beneficiers ils
 deuoient estre pourueus.

Or de dire que ces deux fraudes fussent commises par les collateurs
 ordinaires, il ne se peut: d'autant que pour le regard de celle, par laquelle
 les benefices estoient rendus hereditaires, ils n'ont iamais eu le pouuoir
 d'admettre des resignations conditionnelles *in fauorem*, lesquelles portēt
 avec soy la necessité, que les benefices resignez ne peuuent estre confe-
 rez à autre qu'à ceux en faueur desquels sont passées les resignations, &
 lesquels par ceste necessité de ne conferer à autre qu'à eux, sont assen-
 rez de succeder aux benefices de leurs resignans.

Les deux frau-
 des contre les-
 quelles a esté
 faicte la regle
 ne tomboient
 & ne pouuoient
 tomber aux or-
 dinaires.

Et au contraire, par les resignations pures & simples, sans condition,
 & sans la faueur de personne quelconque, nul ne peut s'asseurer d'auoir
 le benefice du resignant, ny de luy succeder en iceluy: d'autant qu'il est
 en la puissance du collateur ordinaire de le conferer à telle personne que
 bon luy semble: & partant impossible de dire que par le moien de telles
 resignations les benefices puissent estre rendus hereditaires.

De dire aussi que les ordinaires admettoient, & qu'encores aujour-
 d'huy ils admettent des resignations, lesquelles en apparence sont pures
 & simples, mais en effect conditionnelles par les promesses secretes, que
 les resignans tirent d'eux, de conferer en faueur de ceux qu'ils leur nom-
 ment, c'est en effect accuser les ordinaires d'un trafic simoniaque de be-
 nefices: trafic, dis-je, qu'ils peuuent commettre, quand ils conferent par
 mort, aussi bien que par resignation, & lequel il faut chastier exempla-
 irement s'il est verifié. Mais de le presumer sans preuue, ce seroit vne iniusti-
 ce tres-euidente: & consequemment lors qu'il n'y en a point de preuue,
 nul ne peut douter que les resignations ne doiuent demeurer en leur for-
 ce, tout ainsi que les collations par mort, contre lesquelles il n'y a point
 de preuue de ceste corruption.

Contre l'obie-
 ction que les
 ordinaires s'ac-
 commodent
 avec les resi-
 gnans malades.

Et pour le regard de l'autre fraude, par laquelle les ordinaires colla-
 teurs estoient priuez de la liberté de leurs collations, & les expectans mā-
 dataires de leurs legitimes expectatiues des benefices qui pouuoient
 vaquer, il est impossible de dire qu'elle fust introduicte par les resigna-
 tions pures & simples faictes entre les mains des collateurs ordinaires:
 d'autant que tant s'en faut qu'en les admettant ils fussent ou peussent
 estre priuez de leurs collations, qu'au contraire elles leur estoient comme
 elles leur sont conseruees, pour conferer les benefices resignez à telles
 personnes que bon leur semble, tout ainsi que s'ils vaquoient par mort.

Par les resigna-
 tions pures &
 simples les
 droicts de con-
 ferer sont con-
 seruez aux col-
 lateurs.

Le semblable est verifié pour les expectans Apostoliques, qui estoient

lors que la regle â esté faicte: d'autant que tant s'en faut que par les resignations faictes entre les mains des collateurs ordinaires, ils fussent priuez de leurs expectatiues, qu'au contraire, les mesmes expectatiues leur estoient confirmées, voire executées par les collations que les ordinaires estoient obligez de leur donner des benefices resignez, lesquels ils pouuoient demander, tout ainsi que s'ils vaquoient par mort: estant certain que les mandats Apostoliques s'estendoient sur tous les genres de vacation, tant *per cessum, quàm per decessum*, ainsi que Gomes â écrit sur la mesme regle *quest. 3. 4. Staphileus De litteris gratia tit. de variis caus. vacat.* Et nous en auons vn exemple *De vacatione per cessum in cap. 2. De renunt. in sexto.*

Les benefices
permutés ne
pouuoient estre
demandez par
les mandataires.

Il est vray que les permutations en estoient exceptées, & que les mandataires Apostoliques ne pouuoient demander les benefices compermutés, lesquels deuoient estre conferez aux compermutans, & non autres, par la loy de la permutation, ainsi qu'il â esté plus amplement déclaré, in *Clem. vn. De rer. permutat.*

Sinon que les
permutations
fussent fraudu-
leuses.

Mais le Pape Boniface huietiesme, auteur de la regle, â donné le remede contre ceste exception in *cap. vn. De rer. perm. in sexto*, qu'elle n'auroit point de lieu, au cas que les permutatiôs se trouuassent frauduleuses, n'estant pour ceste occasion aucunement besoin aux mandataires de recourir à la regle *De infirmis* que luy mesme auoit faicte.

Voyla pourquoy apparoissant que la regle â esté faicte pour empescher ces deux fraudes: La premiere, que les benefices ne fussent rendus hereditaires, & la seconde, que les collateurs ordinaires ne fussent priuez de leurs collations, ny les mandataires de leurs expectatiues: que ces deux fraudes se commettoient ordinairement en cour de Rome, par les resignations conditionnelles in *fauorem*: & qu'au contraire elles n'estoient & ne pouuoient estre commises par les resignations pures & simples qui se faisoient entre les mains des collateurs ordinaires, il s'ensuit, & la consequence est necessaire, que la regle n'â esté faicte sinon contre celles qui se faisoient entre les mains du Pape en cour de Rome, & non pas contre celles qui se faisoient purement & simplement entre les mains des ordinaires collateurs: & partant qu'elle n'â point de lieu contre eux.

Cela est dauantage expliqué par Du-Moulin sur la mesme regle num. 38. *Porro, dit-il, vtraque ratio cessat, quando ordinarius ipse cessionem admittit. Ergo hac regula, neque ex natura huiusmodi regularum, nec ex verbis, nec ex mente, seu causa finali, locum habet in ordinario, & est ipsa veritas in terminis iuris, & post primam huius nostri tractatus editionem idem tenuit Ioannes Imbertus in Enchirid. in verbis, regule Cancellaria, vbi citat Petrum Anchoranum, cons. 297. vbi non loquitur de hac regula, quæ etiam tempore suo nondum erat facta. De posteriore ratione, per se liquet: cum enim in manibus ipsius ordinarij resignatur, nullo modo metuendum est ne per prauentiones Papa frustretur iure suo. De priore quoque constat, quia coram ordinario non potest fieri resignatio in fauorem: sed tantum mera & absoluta abdicatio, ita ut ei liberum sit conferre cui vult, pro pastoralis officio idoneiorem deligere: & sic per cessum in manu ordinarij non aperitur, sed magis excluditur occasio fraudandi canones, qui vetant successionem hereditariam in beneficiis, &c.*

La regle se rap-
porte au iour

La troisieme raison, pour monstrier que la regle *De infirmis* n'â point

esté faicte contre les collateurs ordinaires est, que les 20. iours limitez par icelle, ne doiuent estre comptez, sinon du iour du consens, la forme & solemnité duquel n'a iamais esté cogneuë ny practiquée aux resignations faictes entre les mains des ordinaires, & le texte de la regle *De consensu*, qui est la quarante-troisiesme de celles d'Innocent huitiesme, iustifie qu'elle n'a esté faicte que pour les resignations qui s'admettent, & se doiuent expedier en cour de Rome, ou bien aux legations de sa Sainteté.

du consens, lequel n'a iamais esté apposé aux collations des ordinaires.

Puis donc que ceste forme de consens n'a iamais esté receuë aux collations des ordinaires, & qu'encore auourd'huy elle n'y est en sorte quelconque recogneuë, ny practiquée, il s'ensuit que la regle laquelle ne peut sortir effect, sinon du iour de ces consens, ne peut estre en sorte quelconque accommodée contre eux.

Cela est confirmé par la conferance de ceste regle, & de celle *De publicandis*, estant celle *De publicandis* conceuë en termes expres des resignations qui s'admettent *in curia, & extra curiam*: & celle *De infirmis* ne dit rien de semblable: ains se rapporte seulement aux prouisions, esquelles le consens est requis.

Cela est confirmé par la conferance des deux regles *De public.* & *De infirmis.*

Si les Papes qui ont fait, confirmé, & continué ces deux regles eussent voulu qu'elles fussent effectuées, & executées, *tam in curia quam extra curiam*, il ne faut pas douter qu'ils n'eussent exprimé ces mesmes mots en celle *De infirmis*, tout ainsi qu'en celle *De publicandis*: ne l'ayant pas fait, c'est à dire, qu'ils ne l'ont pas voulu, ou plustost qu'ils ne l'ont pas trouué raisonnable, & qu'au contraire ils ont trouué iuste de restreindre celle *De infirmis* aux resignations *in fauorem*, qui seroient admises par nostre S. Pere, & ses Legats, esquelles le consens est requis, ainsi qu'il a esté dit, & non pas celles qui se font entre les mains des collateurs ordinaires, esquelles le consens n'est pas requis.

Ce qui peut auoir meules saincts peres d'ordonner ceste diuersité de disposition, procede de la principale des deux causes, pour lesquelles ces mesmes regles ont esté faictes, sçauoir afin que par le moyen des resignations les benefices ne peussent estre rendus hereditaires.

Ils ont veu que par celles faictes *in fauorem* en cour de Rome, & par mesme moyen en leurs legations, les benefices estoient rendus hereditaires, d'autant qu'ils ne pouuoient les conferer à autres, qu'à ceux qui auoient esté choisis par les resignans & denommez en leurs procuratiōs: ils ont veu que les resignatiōs qui se faisoient entre les mains des collateurs ordinaires estoient exemptes de ce soupçon, d'autant qu'en les admettant ils pouuoient conferer les benefices à telles personnes que bon leur sembloit: ils ont donc arresté qu'il n'estoit pas raisonnable d'y adiouster qu'elle auroit lieu *tam in curia, quam extra curiam*: & consequemment qu'il n'y a point d'apparence de dire qu'elle se doiue estandre plus auant, qu'aux resignations qui se faisoient en cour de Rome, lesquelles sans la solemnité du consens ne peuuent estre expedées.

Au contraire pour la regle *De publicandis*, ils ont considéré que si apres vne pure & simple resignation admise par l'ordinaire, & la collation sur ce expedée, au cas que celuy lequel estoit pourueu par ceste collation, la

collateurs ordinaires, en faueur desquels elle à esté faicte. Il s'ensuit, ainsi Mais non contre les ordinaires.
que pareillement il à esté dit, que les graduez ne s'en peuuent ayder contre eux.

Et de faict Du-Moulin sur la mesme regle num. 33. resoult qu'ils ne s'en peuuent ayder de soy-mesme, ains par le seul droict des collateurs, *quia, dict-il, hac regula non est facta in fauorem graduatorum, vel mandatariorum aut similibus expectantium: sed in fauorem ordinarij &c.* peu apres lesquels il adiouste les mots qui s'ensuiuent. *Et sic eiusmodi expectantibus bene potest hac regula prodesse, in consequentiā: videlicet in quantum, vi huius regula, prouisio per obitum reuertitur & spectat ad ordinarium grauatum: sed directo non possunt iuari hac regula, quæ de ipsis non loquitur, nec eorum fauorem directo respicit.*

Cela sera mieux entendu par le priuilege accordé à messieurs les Cardinaux, par lequel les Papes ne les peuuent preuenir dedans les six mois, ny déroger à la regle *De infirm.* pour les benefices, dont ils peuuent disposer: & en consequence de ce aduenant qu'il en vaque durant les mois affectés aux graduez, nul ne peut douter que lesdicts sieurs Cardinaux ne soient tenus de les conferer aux mesmes graduez, & que les collations qui leur en sont deliurées ne soyent semblables à toutes les autres qu'il leur plaira d'accorder à ceux qui ne sont graduez, c'est à dire, de mesme nature & avec mesme prerogatiue, qu'elles ne peuuent estre preuenues par les prouisions du Pape, ny l'effect d'icelles empesché par ses derogations à ladicte regle: ce qui ne seroit pas, si Messieurs les Cardinaux n'auoient point ce priuilege par leurs indults: De sorte qu'en effect les graduez en iouissent non point de leur chef, ains de celuy de Messieurs les Cardinaux, tout ainsi qu'ils iouissent de la disposition de la regle *De infirm.* du mesme chef des collateurs, en faueur desquels elle à esté faicte.

Quand cela cesseroit, qu'enon, les Decrets de la Pragmatique & du Concordat, sur lesquels seuls est fondé le priuilege des graduez *in p.* Item, *quod*, sous le titre *De collat. in Pragmatica*, & du Concordat *in p. & in super*, sous le mesme titre, decident en termes expres que les graduez ne peuuent demander les benefices vacans par resignations pures & simples, ny par permutations faictes entre les mains des ordinaires.

Il y à pareillement quatre raisons pour lesquelles les collateurs ordinaires sont exempts de toutes suspensions de fraude, lors qu'ils conferent les benefices de leurs collations, soit qu'ils vquent par mort, ou par resignations pures & simples faictes entre leurs mains: dont la premiere est, que par disposition de droict la liberté de conferer appartient aux Euesques, pour les benefices de leurs dioceses *in can. omnes basilica 16. quest. 7.* ce qui doit estre gardé pour les autres collateurs sur les benefices suiets à leurs dispositions.

Particulierement que la liberté d'admettre des resignations leur appartient: que sans leur volonté, ou celle de nostre saint Pere, les beneficiers ne puissent resigner, & qu'il depende d'eux de les admettre, & de conferer les benefices vacans entre leurs mains, les textes y sont formels *in cap. admonet. & cap. quod in dubiis De renunt.*

Puis donc que ceste liberté leur est acquise, il est impossible de dire,

L'exemple sur l'indult de Messieurs les Cardinaux.

Par les Decrets de la Pragmatique & du Concordat, les graduez ne peuuent rien pretendre contre les resignations pures & simples admises par les ordinaires.

Les mesmes resignations exemptes de fraude, tout ainsi que leurs autres collations.

La liberté de conferer appartient aux collateurs ordinaires.

Celui lequel vse
de ses droicts ne
faict iniure, dol,
ny fraude cōtre
personne.

que lors qu'ils en vsent, & mesmes lors qu'ils admettent des resignations pures & simples faictes entre leurs mains, ils puissent estre accusez de cōmettre aucun dol, aucune fraude, ny aucune tromperie: dont la raison est prompte, que par disposition de droict, celui lequel vse de ses droicts, *ne mini facit iniuriam, licet alter forte ex eo damnum patiatur.*

Cela est confirmé par le texte in l. *Proculus D. de damno infecto*, où le Iurifconsulte dict que celui lequel iure *quid in suo facit, quamuis promississet damni infecti vicino, non tamen teneri ea stipulatione: velut*, dit-il, *si iuxta mea adificia habeas adificia, ea que iure tuo altius tollas, aut si in vicino tuo agro, cuniculo vel fossa, aquam meam auoces: quamuis enim & hic aquam mihi abducas, & illic luminibus officias, tamen ex ea stipulatione actionem mihi non competere.*

Le semblable est décidé par la regle *Nullus De reg. iur. Nullus videtur dolo facere, qui suo iure utitur. Idem in l. Iniuriarum p. primo D. De iniur. Is qui iure publico utitur, non videtur iniuriæ faciendæ causa id facere: iuris enim executio non habet iniuriam.* Les Euesques & autres collateurs ordinaires *utuntur iure publico & quasi ab initio nascentis Ecclesiæ constituto, & sibi quesito*: ils en vsent, dis-je, lors qu'ils admettent les resignatiōs pures & simples faictes entre leurs mains, & en conferant les benefices qui sont en leurs dispositions. Il s'ensuit donc que personne ne se peut iustement plaindre d'eux, ny les accuser, qu'ils facent iniure ou preiudice aux graduez, ou autres personnes quelconques, quand ils ne font rien dauantage, que d'admettre les resignations, & de conferer les benefices resignez à tels qu'il leur plaist.

Dauantage ceste doctrine est confirmée par le texte in l. 3. p. *is tamen D. De libero homi. exhib. quia dolo*, dit-il, *non videtur facere, qui suo iure utitur*: Estant d'ailleurs ce texte remarquable en ce que lege *Fabia cauebatur, ut liber homo qui hominem ingenuum, vel libertinum inuitum celasset, vincitum habuisset, amouisset sciens, dolo malo, & c. eius pœna teneretur l. penult. D. De lege Fabia plagia.* Et néanmoins il se trouuoit que celui lequel estoit celé & caché fust veritablement de serue condition, & esclau de celui qui ne l'ayant pas recogneu le receloit, le texte dict, que *non tenetur pœna legis Fabiæ: quoniam non videtur*, dict le Iurifconsulte, *iniuriæ faciendæ causa id facere: iuris enim executio non habet iniuriam.*

Et cela est encores micux expliqué in l. *fluminum p. fina. D. De damno infecto*, ut puta, dict le Iurifconsulte, *in domo mea puteum aperio, quo aperto, vena putei præcisæ sunt: an teneor? ait Trebatius, non teneri me damni infecti, neque enim existimari operis mei vitio damnum tibi dari, in ea re, in qua iure meo vsus sum.*

La doctrine de
celuy lequel vse
de ses droicts
confirmée par
les Theologiēs.

Ceste doctrine est confirmée par Thomas de Vio le Cardinal Caicetan sur saint Thomas in *secunda secunda, articulo secundo*, au verset commentant, *secundum. Et nemo*, dit-il, *damnum facit, nisi qui facit illa quæ facere ius non habet, ut regula iuris & c.* Ce qu'il a confirmé au verset, *ad secundum, & firmatur*, dict-il, *sed declaratur ex iure ciuili. D. De oper. noui nuntiat. l. 2. vbi dicitur, quod præscindendo venas in fundo meo, per quas deriuatur aqua ad puteum alterius causa damnificandi, teneor: si autem ut propriæ consulam vtilitati, in aliquo adificio, non teneor iuxta allatam regulam arguendo.*

Il est vray qu'il se trompe en l'allegation, d'autant qu'au lieu de la loy secunde *De oper. noui nuntiat.* il deuoit citer la loy premiere in p. *denique D. De*

Aqua & Aque, pluui. arcenda, où le Iurifconsulte dict en termes plus elegans: denique *Marcellus* notat, cum eo qui in suo fodiens & vicini fontem auertit, nihil posse agi, nec de dolo actionem competere, & sane non debet habere, si non animo vicino nocendi, sed suum agrum meliorem faciendi, id fecit.

Le collateur ordinaire lequel admet vne resignation pure & simple faicte entre ses mains, agit iure suo in suo fundo, in distributione scilicet beneficiorum, quæ ab illo dependent, in quibus, quasi in suo fundo, illius dignitas ex parte est constituta, lors mesmement qu'il les confere à personnes capables. Et partant de dire qu'en le faisant librement, volontairement, sans aucune consideration de gain, ou autre paction illicite, il doiuue estre reputé fraudeur, & trompeur, toutes les loix, & la raison naturelle y resistent.

La seconde raison pour laquelle le collateur ordinaire ne peut estre accusé d'aucune fraude ou tromperie, lors qu'il admet des resignations pures & simples faictes entre ses mains, est qu'il ne faict rien qui luy soit deffendu, qu'il ne puisse & ne doiuue faire. Et que par la mesme disposition de droict, *Nullus damnum facit, nisi id faciat, quod facere ius non habet in l. nullus D. De reg. iur.* A quoy se rapportent les textes in *l. contra leges*, & in *l. fraud.* D. De legib. par lesquelles *fraudem is facere dicitur, qui saluis verbis legis sententiam eius circumuenit, & quando id fit quod lex fieri vetat.* Et generally nous estimons fraude, quando aliquid fit, quod non debet fieri in *l. contra leges*, & in *l. fraudem D. De his quæ in fraudem facta sunt, vt restit.*

Nullus damnum facit, nisi qui id facit, quod facere ius non habet.

C'est ce qui est dit in *l. si quis integris D. qui & à quib. manum.* en ces mots, quoniam *fraus legi facta esset: & de rechef en ces mots, ipso iure rescindi, quod fraudandæ legis gratia fuisset adscriptum.* Et nous pouuons dire le semblable es cas, esquels aliquid contra stipulationem molimur, conformément à l'opinion de Balde, au deuxiesme de ses conseils, dont luy-mesme rend la raison in *l. que fortuitus num. 8. c. De pignorat. act.* où il explique le mot *fraudem, quasi contra fidem*, estant pour ceste occasion tres-veritable de dire que la fraude ne peut estre presuëe, sinon que nous entreprenions de faire ce qui nous est deffendu, soit par les loix, ou par des conuentions legitimes.

La fraude ne peut estre presuëe, sinon quand nous entreprenons de faire ce qui est deffendu.

Cela est verifié en l'exemple de ceux lesquels par la prohibition de la loy, vsque ad certum dumtaxat modum capere possunt: s'il aduient qu'un testateur legue à vne personne de ceste qualité, *licitam quantitatem*, & qu'outre ce legs, il recognoisse luy deuoir ex causa depositi, ou autre semblable, ceste recognoissance, sinon qu'elle soit d'ailleurs verifiée par quelque preuue certaine, est censée frauduleuse, videtur enim, eo quod ille plus capere non poterat, in fraudem legis hac in testamento adiecisse, c'est le texte expres in *l. qui testamentum D. De probat. scilicet, d'autant que extat prohibitio.*

Prohibition de donner ultra licitam quantitatem.

Il est deffendu aux debiteurs de rien faire qui puisse preiudicier à leurs creanciers in *l. prima, & toto titulo D. De his quæ in fraud. & c.* Et delà vient que si quelqu'un chargé de debtes, & comme proche de s'absenter entreprend indirectement quelque chose, par le moyen de laquelle le payement de ce qui est deu à ses creanciers peust estre empesché ou diminué, quelque pretexte qu'il puisse prendre, & mesmes de la faueur de la liberté par luy donnée à ses esclaves, locus est Edicto, & manumissiones reuocantur, sinon que par la loy *Aelia sentia*, l'un des affrâchis peut retenir la liberté, en

Prohibition au debiteur de rien faire au preiudice de ses creanciers.

Ne quidem fauore libertatis.

Prohibition de
donner entre
mary & femme.

acceptant l'heredité de son maistre, s'il n'a point d'autre heritier. Tot. tit. lo *Quib. manumit. non licet, apud Iustinianum: scilicet*, d'autant que extat prohibitio.

Deffence de
prester à vsure.

Deffence en ma-
tiere de seruitu-
tes.

Si la prohibitio
& deffence sont
ostées, il n'y a
plus de suiet de
presumer aucu-
ne fraude.

Les donations sont deffenduës entre le mary & la femme, & de là vient aussi, que si au lieu de donner par vn mary à sa femme, il interpose des personnes, & des contractz, si la preuue en est faicte, tout ne vaut rié: *veluti si aliquem sibi donaturum vxori sue donare iusserit, nullius est momenti, quod actum est, in l. 3. ad finem. D. De Donat. inter vir. & vxor. Item si debitor viri pecunia iussu mariti vxori promississet, & si vxor viri creditori donationis causa promiserit, l. si sponsus p. si debitor eod. tit.* Ce qui est gardé en plusieurs autres actes semblables recitez en la mesme loy, & presque en tout le tiltre: *scilicet*, d'autant que extat prohibitio.

Il est deffendu de prester de l'argent à vsure, & de là vient que ceux lesquels pour la couurir empruntent le pretexte des contractz de ventes, & autres, par le moyen desquels ils l'exercent: Si la preuue en peut estre faicte, tout doit estre cassé, comme vsuraire, ainsi qu'il est décidé, & les Docteurs le traictent *in cap. illo vos De pignorib.* d'autant que extat prohibitio.

Si seruitus ista constituta sit, ne vicinus luminibus officiat: c'est à dire, ainsi que Vlpian l'interprete ne lumina cuiusquam obscuriora fiant: si quid vicinus faciat ad luminis impedimentum, prohiberi potest l. inter seruitutes D. De seruit. Prad. Urban. scilicet, d'autant que extat impediendi prohibitio.

Il seroit aisé d'en apporter vn grand nombre d'autres exemples: Mais il suffit de ceux cy dessus escripts, pour monstrier que la prohibition & la deffence sont les seules causes de la fraude & de la nullité des actes. Ostez le prohibitio, les actes demeureront entiers & sans aucú soupçon de fraude.

Cela est expressement décidé *in cap. Non debet De consang. & affin.*: en vn cas des deffences faictes de se marier, *in secundo & tertio affinitatis gradu. Cum ergo*, dit ce texte, *prohibitiones de coniugio in secundo & tertio affinitatis genere minime contrahendo, & de sobole suscepta ex secundis cognationi viri non copulanda prioris, & difficultatem frequenter inducant, & aliquando periculum pariant animarum: cum cessante prohibitione, cesset effectus, constitutiones super hoc editas, sacri approbatione Concilij reuocantes, presenti constitutione decernimus, vt sic contrahentes liberè copulentur.*

Il y en a vn autre exemple *in l. vn. C. si Rector Prouin. &c.* où il est deffendu aux Recteurs, c'est à dire, aux gouuerneurs des Prouinces, de traiter ou faire contracter pour leurs enfans, parens, ou domestiques aucun mariage avec ceux de leurs Prouinces, c'est vne prohibition tres-expresse. Mais leur administration estant finie, *poteestate sublata, & cessante prohibitione*, les Empereurs ont baillé la liberté de paracheuer le mariage commencé, si les prouinciaux persistent en leur volonté. *Impleri autem id postea, discent-ils, matrimonium non vetamus, quod tempore potestatis, ob eas personas de quibus loquuti sumus, arrhis fuerat obligatum, si sponforum consensus accedat: scilicet*, d'autant que sublata fuit prohibitio.

Ostons la prohibition de donner plus qu'une certaine somme à ceux auxquels il n'est loisible d'vser de plus grande liberalité: ostons celle qui est faicte aux debiteurs de rien entreprendre au preiudice de leurs créanciers: ostons celle qui deffend au mary & à la femme de se faire des donations:

ostons

ostons celle qui deffend de prester à vsure, & la conuention prohibitiue de n'apporter aucun empeschement à la lumiere de la maison d'autrui, tout ainsi que le Pape a osté la prohibition de contracter aucun mariage au second & troisieme degre d'affinité: ostons, dis-je, toutes ces prohibitions, les actes demeureront licites, la liberté de les faire demeurera pareillement entiere, & tous les arguments de fraude que l'on peut rechercher, ne seruiront de rien pour aneantir vn acte, lequel en ce faisant sera permis & ne se trouuera point deffendu.

Il a esté dit cy dessus, que les beneficiers peuuent librement resigner leurs benefices par la permission de leurs superieurs, qui sont les collateurs ordinaires & nostre saint Pere, lequel est ordinaire des ordinaires, & que la liberté d'admettre les resignations pures & simples est acquise aux collateurs ordinaires, dès leur naissance: voire quasi *ab ipso nascentis Ecclesie initio*: il ne se trouuera point que ceste liberté ayt oncques esté deffenduë, sçauoir aux beneficiers de resigner, & aux collateurs ordinaires d'admettre les resignations: il s'ensuit, que puis qu'elle leur est demeurée entiere, & sans aucune prohibition, il est impossible de dire qu'en l'excutant ils commettent aucune fraude, dol ny tromperie.

La troisieme raison pour laquelle nous ne pouuons presumer aucun soupçon de fraude contre les resignations admises par les ordinaires, encores qu'il s'agisse du priuilege des graduez, & des nommez par le Roy, est que le priuilege de leurs degrez & nominations ne leur attribuent qu'une simple esperance, & expectatiue d'obtenir des benefices, au cas qu'ils vaquent par mort: & consequemment que ce genre de vacation ne se peut entendre aux resignations: dautant que par disposition de droit *vnus genus vacationis aliud non comprehendit*, par le texte expres *in cap. susceptum. De rescript. in sexto.*

Les graduez n'ont qu'une esperance & expectatiue par mort.

Particulierement contre les graduez, les Decrets de la Pragmatique & du Concordat leur deffendent de rien pretendre aux benefices resignez, ainsi qu'il a esté dit: Il s'ensuit donc que la prohibition est contre eux, & non contre les beneficiers & les ordinaires.

Et la quatrieme raison est que les simples esperances & expectatiues des biens, qui nous sont comme destinés pour y succeder, & pour tomber en nos mains, n'induisent aucune prohibition, & ne peuuent empescher que ceux qui les possèdent en disposent, & que ceux lesquels y ont quelque droit de superiorité ne les reçoient & auctorisent.

Les simples esperances & expectatiues n'apportent aucune prohibition, ny consequemment aucun soupçon de fraude.

Il n'y a point d'esperance au monde, qui deust estre plus certaine que celle par laquelle nous disons que les enfans doiuent succeder aux biens de leurs peres, auxquels ils sont tellement appelez, que *etiam, viuis patribus, quodammodo bonorum paternorum domini censeantur*, l. in suis D. De suis & legit. hered. Qui est celuy qui voulust dire que ceste seule esperance si naturelle & si fauorable, ostast aux peres la liberté de disposer de leurs biens? Il seroit honteux de l'auoir seulement pensé.

L'esperance & expectatiue des enfans pour succeder aux biens de leurs peres.

Bien est vray que les peres n'en peuuent disposer par testament & derniere volonté, sinon à la charge de laisser sur iceux les legitimes à leurs enfans. Mais tant s'en faut que ceste consideration face preiudice à la The-

se, par laquelle nous disons qu'il n'y â point de fraude, sinon qu'il y ây quelque deffence, ou prohibition, contre laquelle nous voulions entreprendre: tant s'en faut, dis-je, qu'elle y face preiudice, qu'au contraire elle sert pour la confirmer: dautant que la prohibition estant contre les peres de ne disposer de leurs biens, au preiudice des legitimes de leurs enfans, la disposition, s'ils en font au contraire doit demeurer nulle, & ne vaut rien: *scilicet*, dautant que *extat prohibitio*.

At verò, s'ils en disposent, laissant les legitimes à leurs enfans, les dispositions doiuent demeurer comme elles sont bonnes & vallables, *scilicet*, dautant qu'il n'y â point de prohibition pour ce regard, comme elle est pour les legitimes.

L'expectatiue de la succession des peres aux biens qu'ils ont donnés à leurs enfans.

Quand vn pere donne quelque heritage à son fils, la loy veut que si le fils decede sans enfans, l'heritage retourne au pere *in l. Constitutionis noue Capitulum C. De bon. que liber*. Y eust-il iamais vne expectatiue & vne esperance plus iuste & plus legitime que ceste-cy, pour conseruer au pere ce qu'il auoit donné à son fils? Et toutefois il est certain & indubitable en droit, que le fils de son viuant en peut librement disposer.

Si donc des expectatiues, & des esperances si naturelles & si fauorables, n'induisent aucune prohibition de disposer, pourquoy dirons nous que l'expectatiue & l'esperance des graduez, pour succeder aux benefices qui peuuent vaquer par mort dedans leurs mois, doiuent oster aux beneficiers la liberte de les resigner, & aux collateurs ordinaires d'en admettre les resignations?

L'expectatiue & l'esperance des graduez n'empesche les resignations.

Et si nous considerons particulièrement les benefices comme chose separee de la nature & qualite des autres biens, l'experience nous apprend que l'expectatiue des graduez, & des nommez par le Roy en vertu de vostre indult, *pro iucundo aduentu*, & *pro iuramento fidelitatis*, ne peuuent empescher que les beneficiers ne resignent, toutefois & quantes qu'il leur plaist, soit entre les mains des ordinaires, ou en cour de Rome. Et partant de dire que la seule faculte de succeder par les graduez aux benefices qui peuuent vaquer par mort dedans leurs mois, *inducat resignandi prohibitionem*, il ne se peut.

Les Theologiens assurent que ceux qui empeschent l'effect des expectatiues beneficiales ne commettent aucune fraude ny peché

Imò verò, si nous prenons l'aduis des plus seueres censeurs de nos sciences, & qui regardet de plus pres, ce qui peut apporter quelque charge de peché en nos ames, ils resoluent, que si quelqu'un empesche que l'expectant ne puisse obtenir le benefice, lequel luy est affecte par son expectatiue, il ne peut estre accuse d'aucune fraude, ny tromperie, pourueu qu'il ne le face point *animo dumtaxat nocendi*: ains pour son profit particulier, ou de quelque autre, lequel il estimera digne de seruir à l'Eglise, conformément à ce que saint Thomas â traicte *in secunda secunda quest. 62. articulo 2. versiculo ad Quartum*.

C'est ce que dict encore plus expressement Thomas de Vio Cardinal Caietan, sur le mesme auteur, *in eadem secunda secunda, quest. 92. articulo secundo, versi. Tertium*, en ces mots, *Tertium est*, dit-il, *quod nullus teneatur ad restituendum, nisi vt iterato statuatur illum in possessione rei sue: nulla ratio apparet, quare ego impediens alium à consequutione beneficij, in quo nihil iuris vnumquam habuit, tenear re-*

stitueret totum, vel partem: ex hoc namque, quod nihil iuris vñquam est sibi *quasitum* in aliquo, sequitur quod nihil fuit suum, & per consequens sequitur, quod nihil sibi est restituendum: & si diceretur quod habet ius in spe, hoc non valet. Tum, quia ius in spe non est ius: sicut nec diues in spe, est diues: Tum, quia restitutio ei in spe, tunc habet locum, quando aufertur ius quod habet in re, in qua fundatur illa spes, vt patet in destruente semina vel diripiente instrumenta artis, quorum vsu quis cum familia viuit, & similibus: in omnibus enim, ablatio seu damnificatio, fit alicuius rei in qua actu habet ius, qui damnificatur, quæ est fundamentum spei: in casu autem proposito nullius rei ius habet actu ille, qui impeditur à consequutione.

Parcillement c'est ce que dit *Martinus Aspicuelta Doctor Nauarrus* in *Manuali Confessariorum* cap. 17. num. 69. articulo secundo. Quod restitutio, siue reditio præsupponit ablationem secundum mētem omnium, quam *Sotus* vbi supra exprimit: at cui nihil iuris est, nihil iuris aufertur, quia priuatio præsupponit habitū. *Decem. D. De verbo. oblig. & cap. ad dissoluendum De Desponsat. impub.*

Les graduez & les nommez par le Roy soit en vertu de vostre indult ou en vertu de son ioyeux aduenement à la couronne, & pour le serment de fidelité n'ot autre droit que in spe, & en expectatiue, ainsi qu'il a esté dict. Puis donc que ceux qui les empeschent ne sont censez, ny reputez commettre aucune fraude, ny aucun peché qui les oblige d'en faire restitution; il s'ensuit à plus forte raison, que les beneficiers qui resignent, & les collateurs ordinaires qui admettent les resignations, selon la liberté qui leur est naturellement acquise, & ne leur a iamais esté deffenduë, il s'ensuit, dis-je, qu'il est impossible de les accuser qu'e resignant, & en admettant les resignations pures & simples faictes entre leurs mains, ils puissent commettre aucune fraude.

Et de là resulte, que puis qu'il n'y a point de fraude, nous deuons refoudre, comme il est certain & indubitable, que les resignations pures & simples faictes entre les mains des ordinaires, doiuent demeurer fermes & stables: & consequemment qu'il n'y a moien quelconque de les accuser d'aucune fraude.

Richer se voyant combatu par les raisons cy dessus representées, auxquelles il n'a peu respondre vn seul mot, il s'est efforcé de verifier que les Docteurs ont esté d'avis que la regle doit auoir lieu contre les resignations qui se faisoient, & se font encores entre les mains des collateurs ordinaires, lors que les resignans sont malades, & qu'ils meurent dedans les vingt iours apres auoir resigné. Mais tant s'en faut que Bouthillier vueille reietter cest argument, qu'au contraire il l'emploie pour monstrier que la regle n'a point de lieu contre les resignations admises par les collateurs ordinaires, d'autant que depuis l'année 1298. que le Pape Boniface huitiesme a faict ceste regle, iusques en l'année 1500. qui sont deux ceus années & dauantage, il y a eu vn grand nombre de Docteurs, vn seul desquels n'a escrit, que ceste regle deust auoir lieu contre les resignations pures & simples faictes entre les mains des collateurs ordinaires.

D'entre leur nombre les plus celebres sont *Ioannes Andreas, Cynus, Olradus de Ponte, Calderinus, Bartholus, Albericus de Rosate, Baldus, Angelus de Vbaldis, Bartholomæus de Saliceto, Petrus de Anchorano, Anthomius de Butrio,*

Aucun des anciens Docteurs n'a esté d'avis que la regle ayt lieu contre les ordinaires.

Les plus celebres Docteurs qui ont esté depuis l'an 1298. que la regle fust faicte, iusques en l'année 1500.

Johannes de Immola, Ludovicus Pontanus aliàs Romanus, Panormitanus, Alexander de Immola, Bartholomeus Capola, Marianus Socinus, Petrus Philippus Cornaeus, Nicolaus Boerius, & Andreas Siculus Barbatia, ainsi que recite *Valentinus Foresterus lib. 3. histo. iur. Ciuil. Romani.*

La liberté des ordinaires entiere auparauant la regle.

Richer doit recognoistre qu'auparauant que la regle fust faicte, la liberté de resigner purement & simplement entre les mains des collateurs ordinaires, & la mesme liberté d'admettre par eux les resignations estoit entiere. Il doit dauantage recognoistre qu'il y â peu de vacations qui peussent aduenir plus souuent que par les resignations pures & simples, faictes entre les mains des ordinaires, *etiam* par des beneficiers malades, & que le deceds des resignans, dedans les vingt iours: & toutefois durant vn si long temps, lequel reuiet à deux cens tant d'années, ainsi qu'il â esté dict, il ne s'en trouue vn seul, lequel ayt esté d'auis que ceste liberté des ordinaires ayt esté aucunement changée, ny que ceste regle deust auoir lieu contre eux.

Vn seul de tât de Docteurs n'â escript que ceste liberté leur ayt esté retranschee pour executer la regle contre eux.

Si durant ce long temps qu'ils ont vescu, il eust esté receu, que la regle auroit lieu contre les ordinaires, il ne faut pas douter qu'eux, quoy que soit aucuns d'un si grand nombre, qui faisoient profession d'enseigner le droict Ciuil, & le droict Canon estably par les Papes, n'en eussent laissé quelque chose par escript, attendu mesmement qu'auparauant la regle la liberté des ordinaires estoit entiere, ainsi qu'il â esté dict.

Ne se trouuant vn seul d'eux qui l'ayt escript, ny qui ayt recogneu, que depuis qu'elle â esté faicte, il y ayt eu aucun changement, ny aucune diminution en la puissance & autorité des collateurs ordinaires, il s'ensuit que ce seroit se tromper de croire que ceste regle ayt onques esté pratiquée, ny executée contre les resignations pures & simples faictes entre leurs mains.

Imò verò, tant s'en faut, qu'un seul d'un si grand nombre ayt esté d'auis que ceste regle eust lieu contre les resignations pures & simples, admises par les collateurs ordinaires, qu'au contraire la pluspart l'ont mesprisée, & n'en ont point escript du tout, voire aucuns ont reiecté la regle.

Ioannes Andreas.

Le plus ancien de tous, *Ioannes Andreas* â escript sur le chapitre second *De renunt.* & sur le chap. *Vnique De rer. permutat. in sexto*, ausquels il est parlé des fraudes: il n'ignoroit pas que la regle eust esté faicte: il parle des expectans: il ne dit vn seul mot de la regle. Il est donc aysé de cognoistre, que de son temps il ne s'en parloit aucunement contre les ordinaires.

Cinus.

Cinus n'auoit garde d'en rien escrire: d'autant qu'il reprouuoit les constitutions du droict des Papes, ainsi qu'il est aysé de cognoistre, parce qu'il â escript *in l. Quoties C. De iudic.* Il estoit donc bien esloigné d'en approuuer les regles, entre lesquelles est celle *De infirmis.*

Oldrade.

Oldrade en son conseil 324. propose vn oncle beneficier, vieux de cent années, & *ultra*, voire si maladiſ que *de die in diem, de illius morte sperabatur* (ce sont les mots dont il vse) Il propose, dis-je, vn oncle ayant resigné en faueur d'un nepueu, entre les mains du Pape, decédé deux mois apres, & sur ce il â escript quelques arguments de fraude, sans condamner la resignation ny la prouision expedée sur icelle.

Nul

Nul ne peut douter, qu'en ceste hypothese, en laquelle il s'agissoit de la resignation faicte par vn malade si vieux & si maladiſ, il n'eust quelque ſuieſt de parler de la regle, & de l'effect d'icelle, & meſmes ſi elle eſtoit executée contre les ordinaires collateurs, & toutefois il n'en dit vn ſeul mot.

Calderinus n'en â rien dit, & Bartole â bien eſcrit in l. *Filia mea agra* D. *ſolut. Matrim.* que par ce texte *fraus praſumitur ex eo, quod maritus uxori infirma repudium miſerat*, prenant quelque argument ſur l'infirmité: mais de la regle, il n'en dit vn ſeul mot: quoy qu'elle ſoit fondée ſur la meſme conſideration de l'infirmité.

Albericus â bien eſcrit en ſon Dictionnaire, que *urgente infirmitate reſignans beneficium, & volens intrare monaſterium, ſi non intrauit, reſtituitur ad beneficium* 17. *Queſt. 2. can. 1.* Et ne faut pas douter qu'en interpretant le mot *infirmitas*, il n'eust ſuieſt de parler de la regle fondée ſur la meſme infirmité: & toutefois il n'en â rien dit non plus.

Balde ſur le meſme texte, in l. *Filia mea*, â bien eſcrit, que *renunciatio facta in fraudem, non prauidicat expectanti*, & qu'au cas de ce meſme texte, *fraus praſumitur, quia filia erat agra*. Il ne faut pas douter que ſ'il eust eſtimé que la regle eust deu eſtre gardée contre les ordinaires, ſuieſts à remplir les expectans, il n'en eust dict quelque choſe, & toutefois il n'en â rien dit non plus.

Angelus de Vbaldis & Bartholomæus de Saliceto n'en ont pareillement rien eſcrit: & pour le regard de Petrus de Anchorano, il auoit beaucoup de ſuieſt d'en eſcrire au 430. de ſes conſeils, où il â propoſé l'hypothese d'un aieul, lequel voiant ſa petite fille & niepce en droicte ligne malade, & preſte de mourir, l'auoit emancipée pour la faire teſter à ſon profit, & toutefois il n'en â rien eſcrit.

Anthoſius de Butrio n'en â point eſcrit non plus: & quoy que Iohannes de Imola eust vn pareil ſuieſt d'en eſcrire, que Bartole & Balde ſur le texte in l. *Filia mea*: toutefois il ne parle vn ſeul mot de la regle, ains ſeulement que *reſignatio facta in fraudem expectantis, non prauidicat expectanti*, par le texte in cap. 2. *De renunt. in ſexto*, lequel, ainſi qu'il ſera dict en ſon lieu, ne parle de la regle, ny des ordinaires collateurs.

Ludouicus Romanus en ſon conſeil 342. parle bien de la regle *De infirmis*: Mais tant ſ'en faut qu'il l'approuue, pour auoir lieu contre les collateurs ordinaires, qu'au contraire les mots qui ſ'enſuiuent, ſont eſcrits dès le commencement de ce conſeil: *An verò ex vi ipſius reſignationis in manibus Romani Pontificis facta, &c.* par leſquels il parle expreſſement de la resignation faicte en cour de Rome, & non pas entre les mains de l'ordinaire: voire tant ſ'en faut qu'il ayt eſtimé, qu'elle deust eſtre eſtendue contre les ordinaires, qu'au contraire il aſſeure num. 1. que *à iure communi exorbitat, & reſtringi debet ad terminos ſuos, non autem extendi ad irritationem valida reſignationis*.

Il ne ſ'en trouue rien non plus aux commentaires, ny aux conſeils, questions & diſputes de Panormitanus, qui eſt le premier, & le principal des Docteurs qui ont interpreté le droict Canon, & Alexander de

Imola, n'a fait que repeter ce que Jean de Imola son frere en auoit escrit deuant luy, & qui a esté cy dessus remarqué.

Capola.

Mais c'est vne chose estrange, qu'encores que Capola ayt fait vn grand traicté des simulations, & des fraudes, iusques au nombre de 26. chapitres, qu'il appelle *cautelae*, il ne s'y trouue vn seul mot de ceste regle.

Marianus Socinus
& Philippus Cornæus.
Boerius.

Marianus Socinus & Philippus Cornæus n'en ont rien escrit non plus. Et tant s'en faut que Boerius ayt estimé que la regle deust auoir lieu contre les ordinaires collateurs, qu'au cōtraire, il resolt en effect, qu'ellen'y a point de lieu, ainsi qu'il se veoid, parce qu'il a escrit *De potestate Legati à latere quest. 1.* où il propose num. 33. si le Legat pouuoit déroger à la regle *De infirmis*: & apres auoir conclud qu'il y pouuoit déroger, il remue vne autre question num. 107. *Sed hic*, diét-il, *redit maximum dubium: quia licet dictus reuerendus Dominus possit dicta regula, si quis in infirmitate &c. & alius regulis derogare, & hoc sine dubio, vt satis supradictum est, an hac possit in praiudicium Pragmaticæ sanctionis, ac nominatorum, & graduatorum vniuersitatum regni Fræcis, &c.* Ce sont les mots dont il vse, apres lesquels, & num. 110. ceux qui s'ensuiuent sont escrits: *In contrarium*, diét-il, *videtur dicendum, quia beneficia permutata, vel simpliciter resignata, non cadunt sub nominatione vel gradu, nec profecto faciunt turnum. Textus est ad litteram, in dicta Pragmatica tit. De collat. vers. item quod omnia prædicta beneficia &c. vbi congregatio Ecclesiæ gallicane ordinauit, quod omnia beneficia per ordinarios conferenda, quocumque modo vacauerint, aliàs quàm ex causa permutationis, vel simplicis resignationis faciant turnum, etiam si per viginti dies resignantes non vixerint, cum edictum sit generale, & generaliter intelligendum, l. 3. p. hæc verba D. De Negot. gest. nec nos distinguere debemus l. De pradio. D. De publ. act. & sic profecto prædicta regula, Si quis in infirmitate, &c. non potest habere locum in beneficiis resignatis vel permutationis causa coram ipso. Et cum nihil de dicta regula dicatur, non est opus derogatione.*

Ceste resolution est confirmée par le mesme auteur en la seconde décision nu. 44. *Præterea, certum est, diét-il, quod beneficia collatiua & electiua à pari indicantur cap. cum in cunctis p. clerici De elect. & appellatione beneficij, omne beneficium comprehenditur, in regula beneficium De reg. iur. in sexto: facit cap. periculosum De sententia excommuni. eod. libr. & plur. Io. de Selua in 1. parte tract. benefic. quest. 2. & 3. sed omnia beneficia, per ordinarium conferenda, quocumque modo vacauerint, aliàs quàm ex causa permutationis, vel simplicis resignationis, faciunt turnum respectu presentationis, vel collationis, illis de vniuersitatibus faciende, ita quod sub vacatione beneficiorum collatiuorum, graduatis & nominatis affectorum, non comprehendantur beneficia simpliciter resignata aut permutata in cap. 1. p. item quod omnia, &c.*

Andreas Siculus
Barbatia.

Et pour le regard d'Andreas Siculus Barbatia, il auoit quelque suiet de discourir de ceste regle, au 18. du second volume de ses conseils, où il parle des fraudes, qui se pouuoient commettre contre les expectans, & mesme, en recitant l'opinion de Balde, sur le texte in l. *filie meæ*, mais il n'en dit rien non plus.

Il y a plusieurs autres Docteurs lesquels ont vescu depuis l'année 1298. que la regle a esté faite par Boniface VIII. iusques en l'année 1500. qui sont plus de deux siècles entiers, ainsi qu'ils sont

recitez par le mesme auteur Valentinus Foresterus. Bouthillier recognoist ingenuëment qu'il ne les â pas tous veus : mais il se cuide assuerer qu'il ne s'en trouuera vn seul, lequel ayt parlé de ceste regle contre les collateurs ordinaires.

Apparoissant que les principaux & plus renommez cy dessus representez, n'ont rien escrit de la regle, que ceux qui en ont fait mention ne l'ont recogneuë, sinon pour vne constitution du Pape : qu'ils n'en ont rien dict contre les collateurs ordinaires : & qu'au contraire, il y en â lesquels l'ont reprouuée, & ont assueré qu'elle n'auoit point de lieu contre les ordinaires, Bouthillier peut hardiment assuerer, que puis que durant le cours de tant d'années, il ne se trouue vn seul de tant de grands person- nages qui l'ayt interpretée ny approuuée contre les ordinaires en faueur de personne quelconque : il s'ensuit qu'ils n'ot pas estimé que cela se deust faire, ny que par leurs aduis les ordinaires collateurs aient tant soit peu esté priuez de la liberté qui leur appartient comme naturelle attribuée à leurs charges par les Conciles, & par le consentement de toute l'Eglise Chrestienne, d'admettre des resignations pures & simples, & de conferer les benefices ainsi resignez à telles personnes qu'ils ont voulu.

C'est l'argument de saint Hierosme, in *Catalogo scriptorum Ecclesiasticorum*, auquel apres auoir fait mention d'un liure intitulé, les periodes de S. Paul, de Theclas, & de l'histoire d'un lion baptisé : & apres les auoir condamnez, comme apocrifes, & supposez, il en réd la raison : que saint Luc lequel estoit ordinairement avec saint Paul n'en auoit rien escrit : *Quale enim, dit-il, indiuiduus Comes Apostoli, inter ceteras eius res, hoc solum ignorauerit?*

Bouthillier passe outre, & soustient que depuis l'année 1500. iusques en l'année 1550. que la cour â iugé indefiniment, que la regle *De infirmis* n'auoit point de lieu cōtre les collateurs ordinaires : voire iusques en l'année 1560. il ne se trouuera que deux auteurs, lesquels aient esté d'auis, que ceste regle doit auoir lieu contre eux : sçauoir Gomes & Rebuffe.

Philippus Decius l'un des plus anciens & des principaux de ce siecle, a reprouuée ceste regle, & assuer en son conseil 223. num. 2. qu'elle est *contra ius commune, quia cum in veritate beneficium vacauerit, per renuntiationem factam simpliciter, iuxta notata per glosam in cap. si propter, in verbo vacabunt: De rescript. in sexto, &c. ista regula inducit per fictionem, quod censeatur vacare per mortem* : & adioute peu apres que *fundata est in voluntate summi Pontificis cui ita placuit.*

Guilielmus Benedicti in cap. Rainutius, in verbis, in extremis positus, num. 26. recognoist, que la regle â esté faicte contre les resignations de cour de Rome, en faueur des ordinaires : ce n'est pas donc contre eux qu'elle â esté bastie. Voicy ces mots *Sicut renuntiatio beneficij facta per infirmum non valet, tamquam facta in præiudicium ordinarij collatoris, nisi resignans viuat per viginti dies, post, vt in reg. Cancellarij incipiente, si quis in infirmitate constitutus.*

Maistre Iean Imbert in *Enchiridio* sous ces mots, *Regula Cancellaria De infirmis resignantibus*, resoult qu'elle n'â point de lieu contre les resignations admises par les collateurs ordinaires, sans qu'il y ayt apporté aucune limitation.

Et feu maistre Charles du Moulin l'a ainsi tenu par les mots qui s'en-

Puis que tant de grands person- nages n'en ont rien dit, il faut inferer que cela n'est pas.

Gomes & Rebuffe entre les Docteurs qui ont esté depuis l'année 1500. iusques en l'année 1560. ont esté seuls d'auis que la regle eust lieu contre les ordinaires. Philippus Decius contre la regle. Guilielmus Benedicti dit que la regle â esté faicte cōtre les resignations de cour de Rome, pour conseruer les droicts des ordinaires.

Maistre Iean Imbert, Que la regle n'â point de lieu contre les ordinaires.

Du-Moulin est du mesme aduis

fuivent num. 38. sur la mesme regle : auquel apres la dispute qu'il auoit fait sous les nombres precedens. *Ergo*, dit-il, *hæc regula, nec ex natura huiusmodi regularum, nec ex verbis, nec ex mente, seu causa finali locum habet in ordinario, &c.*

Il est vray qu'en d'autres nombres, il semble auoir esté de contraire aduis, que la regle auoit lieu contre telles resignations, lors qu'il s'y trouue des soupçons & presumptions de fraudes. Mais il fera iustificié en son lieu que celles qu'il en remarque ne peuuent de rien seruir contre les resignations pures & simples faictes entre les mains des ordinaires.

Richer voiant qu'il luy est impossible de verifier que la regle *De infirmis* ayt lieu contre elles, il s'efforce de verifier que *infirmas, & vacatio beneficii per obitum imminens, inducunt probationem fraudis*, ce sont les mots desquels il use en vne grande partie des articles de ses contredicts, comme s'ils composoient vne maxime certaine, contre tous ceux qui resignent estans malades.

Contre la maxime par laquelle Richer veut que *infirmas & vacatio beneficii imminens inducunt probationem fraudis*. Elle est verifiée faulse par les resignations admises en cour de Rome.

Pour monstrier qu'elle est vitieuse, & ne vaut rien, il y en a deux arguments indubitables : l'un que si les beneficiers malades passent procurations pour resigner en cour de Rome, & que les resignations soient admises avec la derogation à la regle, laquelle est ordinaire en leurs provisions, quoy que les beneficiers malades meurent dès le lendemain, nul n'a iamais douté que telles resignations ne soient bonnes & valables. Il est donc faux, sous correction, que *per infirmitatem & per obitum imminentem, inducatur fraudis probatio*.

Et l'autre resultant de l'autorité de l'arrest donné en l'année 1550. sur le possessoire de la cure de la Boissiere: qu'au cas qu'ils resignent purement & simplement entre les mains des ordinaires, au temps qu'ils ne sont chargez d'aucunes expectatiues, les collations qu'ils accordent sur telles resignations demeurent fermes & stables. Il s'ensuit donc qu'en ce cas la maxime de Richer demeure pareillement faulse sous correction.

Il dira, peut estre, & c'est ce qu'il s'efforce de verifier que la maxime est veritable, que *infirmas & vacatio beneficii per obitum imminens, inducunt probationem fraudis*, lors qu'il y a des expectans, ausquels les ordinaires sont obligez de conferer les benefices vacans par mort, comme sont les nommez, en vertu de l'indult accordé à messieurs de la Cour : ceux qui sont nommez *pro incundo aduentu, & pro iuramento fidelitatis*, lesquels ne sont restraincts à aucune limitation de temps, & les graduez durant les mois qui leur sont affectez.

Qu'elle ne peut auoir lieu en faueur d'aucun expectant.

Mais si on luy demande en quel lieu il a pris ceste doctrine, il demeurera muet: d'autant que toutes les auctoritez qu'il apporte pour la confirmer n'y ont iamais pensé, & n'en parlent en sorte quelconque.

Ce chapitre vniue *De rer. permutat. in sexto*, ne parle de la maladie du resignant, ny de sa mort, ains decide, que nonobstant les mandats Apostoliques, les beneficiers peuuent librement permuter leurs benefices, pourueu que les permutations ne soient frauduleuses. *Quid quid*, à la maxime de Richer, *De infirmitate & vacatione beneficii per mortem imminens*: rien du tout.

Qu'elle ne peut estre confirmée par le chapitre vniue *De rer. permutat. in sexto*.

Ceste decifion eft fondée fur vne raifon dependante des mandats Apostoliques, par lesquels, ainfi qu'il â esté dit cy dessus, les collateurs ordinaires estoient obligez de conferer aux mandataires, les benefices qui feroient refignez entre leurs mains, aufli bien que ceux qui vaqueroient par mort.

Le Pape Boniface VIII, auteur de ceste Decretale l'â ainfi ordonné, fur ce qu'il eftimoit iniuste, que ce qui vaquoit par permutation fust conferé à autres qu'aux permutans, ayant neantmoins limité ceste puissance de permuter, pourueu qu'il n'y eust point de fraude.

Cela ne peut conuenir aux nommez, ny aux graduez, lesquels ne peuvent demander autres benefices que ceux qui vaquent par mort: il s'enfuit donc que ceste Decretale ne leur peut aucunement feruir, & quand elle pourroit estre estendue par quelque argument en leur faueur, que non, ce ne feroit que *in permutatione*, pour laquelle feule ceste Decretale â esté faicte, & non pour les benefices qui vaquent par resignations simples, lesquels ne leur font pas deuz, ny affectez, comme ils font deuz & affectez aux mandataires.

Les mefmes raifons feruent contre le chapitre fecond *De renunciatione in sexto*, lequel ne difpofe rien d'un beneficiere qui refigne eftant malade, & qui meurt apres auoir resigné: ains d'un trompeur, qui voiant le poffeffeur d'un benefice de grande valeur, pressé de vieillesse & de maladie, lequel benefice pourroit tomber entre les mains du mandataire Apostolique, s'il mouroit; ce trompeur, dis-je, refigne un benefice qu'il auoit de peu de valeur, entre les mains de l'ordinaire, pour remplir le mandataire, qui estoit contrainct de l'accepter, pour apres l'auoir remply, se faire cōferer l'autre benefice de grand reuenu, lequel estoit prest de vaquer, c'est la substance de l'hypothese de ce texte, fur laquelle le Pape Boniface huitiesme â respondu, qu'au cas que le beneficiere malade decede, & que par fa mort le benefice de grande valeur soit conferé à ce trompeur, il doit estre priué de l'un & de l'autre.

La decifion eftant fi claire, de quel front peut dire Richer, que ce fait du benefice de grande valeur, vacant non par la resignation du malade qui en estoit pourueu, ains par fa mort, puisse estre accommodé à la validité ou inualidité de la resignation faicte par un beneficiere malade? Cela eft indigne de response.

Les raifons cy dessus representées feruent de response aux autoritez de Balde, Oldrade, Jean de Immola, Bella mera, & Anchoranus, tous lesquels ont vescu auparauant le Cōcile de Basle, paracheué en l'année 1442. ainfi qu'il se peut voir par ce qui â esté cy dessus escrit de Valentinus Foresterus, & qu'il eft confirmé par Iohannes Fichardus Francofurtensis en son liure intitulé *Vita recentiorum Iurisconsultorum*, celui de Mantuæ Patavinus, intitulé *Epitomes virorum illustrium, qui vel scripserunt, vel iurisprudentiam docuerunt*, & consequemment auparauant qu'il fust parlé du priuilege des graduez, ny des nommez par le Roy: eftant pour ceste occasion indubitable que tout ce qu'ils en ont escrit, n'estoit que pour les mandataires Apostoliques, & non pour les graduez, ny pour ceux auxquels le Roy ac-

Ny par le chap.
secōd *De renunt.*
au mefme liure.

Ny par les au-
toritez des
Docteurs que
Richer allegue.

corde ses nominations.

Bouthillier en peut dire autant d'Alexandre de Immola, Stephanus Bertrandus, & Aymo Craueta, qu'ils n'ont escript que pour les mandataires: & si Richer disoit que leurs decisions doiuent estre gardées pour les graduez, & les nommez par le Roy, Bouthillier luy accordera tres-volontiers qu'elles soient gardées pour les permutations frauduleuses, contre lesquelles à esté faicte la Decretale vniue *De rer. permutat. in sexto*, mais nō pour les resignatiōs pures & simples, ausquelles par les textes expres de la Pragmatique & du Cōcordat les graduez ne peuuent rien demander.

Derechef sur la difference d'entre les resignations pures & simples, & celles de permutation.

Parcillemeut Bouthillier recognoist que les textes de la Pragmatique & du Concordat, comprennent les resignations pures & simples, & celles *causa permutationis*, sans y auoir escript aucune difference: & de verité par les mots d'iceux, les graduez ne peuuent rien pretendre aux vnes, ny aux autres: mais les interpretes ont estimé que s'il y auoit de la fraude aux permutations, il les falloit excepter de la disposition de ces textes: d'autant que les permutations estans necessaires pour conferer aux compermutans, & non autres, les ordinaires mesmes y pouuoient estre trompez, tout ainsi que les Papes aux resignations conditionnelles *in fauorem*.

Particulierement la pretendue maxime de Richer n'est confirmée par l'opinion de Balde.

Particulierement l'opinion de Balde *in l. filia mea*, est fondée sur ce qui à esté iustificié cy dessus, que *nulla fraus presumi debet*, sinon lors que nous entreprenons quelque chose contre les loix, & contre les conuentions legitimes: qu'en ce texte *fraus presumitur*, non pas sur la maladie de la femme, sur sa mort, que Richer appelle *infirmiorem & vacationem*, prenant la vacation pour la mort: ains sur ce que le mary auoit contreuenue à sa promesse en ces mots *renuntiatio, siue repudium, factum, vel facta, in præiudicium paterne stipulationis*.

Sur le mesme argument Balde resoult que la resignation, laquelle ne pouuoit estre que *ex causa permutationis*, ne faisoit point de preiudice aux mandataires expectans, si elle estoit frauduleuse: d'autant qu'en termes expres, les permutations frauduleuses faictes au preiudice des mandataires Apostoliques, estoient deffendues par le chap. vniue *De rer. permutat.*

Qu'ils ne pouuoient escrire que des permutations.

Et pour monstrier que son opinion ne pouuoit estre que des permutations, & non des resignations pures & simples, il à esté dit, & la verité est telle: que si elles estoient pures & simples, les mandataires pouuoient demander les benefices ainsi resignez, & que les collateurs ordinaires estoient contraincts de leur en deliurer les collations, sans qu'il fust besoin de faire aucune perquisition de fraude. Il est donc impossible de dire que ce qui en à esté traicté par Balde puisse estre entendu d'autres resignations que celles qui estoient faictes *causa permutationis*.

La pretendue maxime de Richer nullement confirmée par Oldrade.

Oldrade en son conseil 324. à escript, ainsi qu'il à esté dit cy dessus, l'hypothese d'un quidam, qu'il appelle H. Durant mandataire: un autre, qu'il denote par la lettre F. Sacriste de l'Eglise de Numatence, vieus de cent ans, duquel on attendoit la mort, & lequel ayant passé procuration pour resigner la Sacristie en faueur de son nepueu, qu'il appelle P. & y ayant des pactions illicites faictes entre eux, se faict pouruoir de la mesme Sacristie, estant l'oncle resignant decedé deux mois apres, & H. Durant

mandataire, pourueu par la mort, & soustenant que la resignation estoit frauduleuse. Sur ceste hypothese, il conclud en ces mots. *Ex prædictis itaque concluditur, articulos dicti H. Durant admittendos, tamquam claros, pertinentes & bene compositos: & probatos euacuare in totum intentionem partis aduersæ.* Mais encores que la maladie de l'oncle, & sa mort aduenüe deux mois apres la resignation soient certaines par ceste hypothese, & que le mandataire expectant accusast de fraude ceste resignation, il ne dit ce que dit Richer par sa pretendüe maxime, que *Infirmetas & vacatio beneficij imminens inducant præsumptionem fraudis.*

Si les deux extremittez de la pretendüe maxime de Richer, *nempe infirmitas & vacatio beneficij per obitum imminens*, eussent esté, comme il pretend, suffisantes pour verifier la fraude, Oldrade eust iugé ceste resignation frauduleuse: nel'ayant pas faict, & au contraire ayant conclud que les faicts du mandataire estoient pertinens, s'ils estoient verifiez, faicts, dis-je, que nous ne pouuons estimer estre autres que ceux des pactions illicites, faictes entre l'oncle & le nepueu. Il s'ensuit qu'il a iugé que les deux circonstances de la pretendüe maxime de Richer, voire encores qu'elles soient accompagnées de la proximité qui estoit entre l'oncle & le nepueu, ne sont pas suffisantes pour conuaincre que la resignation soit frauduleuse.

La 344. decision de Bellamera, traite de *permutatione*, & n'appartient en sorte quelconque à la maxime de Richer.

Elle n'est confirmée non plus par Bellamera. Ny par Anchoranus.

Anchoranus en son conseil 430. propose le faict de l'emancipation qu'un pere a faict de sa fille malade *tempore imminētis infirmitatis, cum signo pestilentie, morte sequuta*, afin qu'elle fist son testament, par lequel elle instituast comme elle institua son heritiere la fille d'elle mesme, & qu'elle substituast son pere emancipateur: fille, dis-je, de sa fille, laquelle estant en vne ville infectée de peste, estoit morte vn mois apres le deceds de sa mere.

Sur ce il propose la question d'entre le pere emancipateur, & les heritiers legitimes de sa petite fille, si les biens luy doiuent appartenir, ou bien aux legitimes heritiers, & d'autant que le testament dependoit de l'emancipation, apres auoir disputé la question d'une part & d'autre, il resout que l'emancipation estoit nulle, & ne valoit rié, non pas sur la seule consideration de la maladie de sa fille, & de l'estat de sa petite fille, estant dans vne ville pestiferée, en danger de la mort, qui luy suruint peu de iours apres: ains sur ce que pour destourner la legitime succession, & la faire tomber à soy-mesme, & non pour autre cause, le pere auoit fait ceste emancipation, sans laquelle sa fille n'eust peu tester. *Qui in potestate D. De testament.*

Si long temps auparauant l'accident de la maladie de sa fille, ceste emancipation eust esté faicté, & que la fille ainsi emancipée eust fait son testament avec la mesme institution & substitution, il n'y eust eu aucun subiect de la debatre, comme estant faicté, sans aucune impressiō, ou soupçon de la puissance paternelle: d'autant qu'il est permis à toute personne de disposer de ses biens, selon sa volonte, mais apparoiſſant au faict

de ce conseil, apparoissant, dis-je, *consilio & euentu*, que l'émancipation n'auoit esté faicte pour autre suiet par le Pere, que pour empieter les biens de sa fille: Anchoranus â iugé que c'estoit vne tromperie, prohibée par la loy; & consequemment que l'émancipation & le testament faict en consequence d'icelle, par le pere emancipateur, pour empieter tous les biens de sa fille, estoient nuls, & ne valaient rien: Qui est bien loin de la maxime par laquelle Richer veut que *infirmetas & vacatio beneficij immi-nens inducant presumptionem fraudis*.

Les textes citez par Anchoranus sont tous en actes prohibez.

Il â donc iugé que c'estoit chose prohibée au pere, de faire vne emancipation de sa fille, pour sous le pretexte d'icelle, empieter ses biens: & de faict toutes les autoritez, & les exemples qu'il apporte pour confirmer son aduis sont en actes prohibez & deffendus par conuentions legitimes ou par disposition de droict.

Celuy de la loy *Filia mea* fondé sur la promesse du mary, & la stipulation du pere.

Celle qu'il apporte du texte in *l. Filia mea* est fondée sur la promesse du mary, & la stipulation du pere, à laquelle le mary ne pouuoit contreuenir, ainsi qu'il â esté dit: *Duarenus* confirme ceste interpretation, & afin de la confirmer encores dauantage, s'il plaist à la Cour de le proposer seulement vne femme malade de la maladie dont elle est morte, sans qu'il y eust aucune stipulation de restituer le dot à son pere, & que le mary l'ayt repudiée vne heure deuant sa mort, Qu'est-ce que son pere peut demander rien du tout. Et le mesme texte le decide en ces mots, *Dicendum*, dit-il, *in eum casum, quem non pepigit, mulieri actionem esse*: c'est à dire, que le pere n'y peut rien pretendre.

Celuy de la loy *Si filia D. De diu. & repud.* ne parle de maladie ny de mort.

Bouthillier en peut dire autant du texte in *l. Si filia D. De diuort. & rep.* auquel il ne se parle de maladie ny de mort aduenüe en consequence d'icelle, ains d'une fille laquelle in *dote profecticia*, s'estoit efforcée de tromper son pere, qui n'approche rien de la pretendüe maxime de Richer, & encores moins du faict de ce procez, auquel nul ne peut dire que le collateur ordinaire vsant des droicts qui luy appartenent, & ne luy sont aucunement deffendus, ains permis en termes si expres, lesquels ont esté representez cy dessus, commette aucune tromperie contre personne quelconque.

Celuy in *l. Si maritus p. fin. D. Qui & à quib. manum.* parle d'un acte deffendu.

Contre le texte in *l. Sed si maritus p. fin. D. Qui & à quib.* il en faut prendre l'intelligence, ex *l. Prospexit*, sous le mesme tiltre: où il est dict, que *Vxor, quæ diuertit, omnes omnino seruos suos manumittere, vel alienare prohibetur*: c'est la prohibition sur laquelle *Vlpian* respond in *d. l. Si maritus p. fin.* Que si constante matrimonio, mulier dum diuortium cogitat, manumittat vel alienet, & hoc dilucidis probationibus fuerit approbatum quasi id in fraudem legis factum sit, non debet alienatio manere, nec manumissio.

Idem in *l. post contractum D. De Donat.*

La mesme raison se trouue in *l. post contractum D. De Donat.* par laquelle ceux qui sont coupables de crimes, ne peuuent rien donner au preiudice des condamnations qui peuuent interuenir contre eux à cause des mesmes crimes.

Contre l'argument que habetur pro cincto, &c.

Et contre la loy *Huic scriptura, D. ad leg. Aquil.* & l'argument que habetur pro cincto, qui de proximo est cingendus, & pro perduto, quod statim est perdendum, & pro dato, quod paratum est ad dandum, ut colligitur hic, dit-il, & in *l. Filius familias*

familias D. De testam. milita. Bourhillier respond que ce sont fictions, lesquelles ne changent rien de la verité, & encores moins de la validité des actes, par lesquels les mesmes fictions peuuent estre arrestées ou du tout retranchées: comme il est iustificié au cas du mesme texte, *in l. huic scriptura*, auquel *seruus vulneratus mortiferè, pro mortuo haberi poterat, ex eo vulnere*: & toutefois ceste fiction est entierement interrompue, *si postea ruina, vel naufragio, vel alio ictu maturius perierit*: dautant qu'il n'est pas mort de ceste blessure, ains par le nouuel accident de la ruine, & du naufrage. Il en faut dire autant de *eo quod perdendum erat*, & y adioulter que tout cela se doit entendre, es cas permis & non deffendus: *adeo* que par le mesme argument, si le futur donateur se repët de l'intention qu'il auoit de donner, nul ne peut douter que ceste repentance ne reuoque la fiction, par laquelle *consebatur donasse*: & si quelque chose estoit apparemment proche de sa perte par la mort du propriétaire d'icelle, & si vn benefice deuoit estre perdu par quelque accidont proche de tomber sur le beneficier, il n'y a rien qui empesche, que le propriétaire ne preuienne la perte en donnant ceste mesme chose, ou en la vendant à tel qui la pourra conseruer, ny que le beneficier destourne la perte de son benefice, s'il luy plaist de le resigner, ainsi qu'il luy est permis.

Stephanus Bertrandus, & Aimo Craueta, parlent de *permutatione*, les raisons de laquelle n'appartiennent en sorte quelconque à la pretendue maxime de Richer, & encores moins à celle de la resignation pure & simple, ainsi qu'il a esté dit. Et neantmoins au cas qu'il se falust arrester aux arguments qu'ils proposent, ils desirent trois presumptions *antequam permutatio fraudulenta dici possit*. La premiere que le resignant fust malade, c'est à dire, de la maladie, de laquelle il fust mort: La seconde que la permutation fust d'un benefice de grande valeur, contre vn autre de peu de reuenue: Et la troisieme qu'elle fust entre deux personnes conioinctes, comme l'oncle & le nepueu: encores y en-a-il vne autre requise par Craueta, que la permutation soit faicte *patronis contradicentibus*.

Stephanus Bertrandus & Aimo Craueta ne confirment nō plus la pretendue maxime de Richer.

Si toutes ces circonstances sont requises auparauant qu'une resignation *ex causa permutationis*, puisse estre iugée frauduleuse, il s'ensuit que la maxime de Richer ne peut estre suffisante, ny consequemment veritable que *infirmis & vacatio beneficij probabiliter imminens inducat probationem fraudis*.

Elle n'est confirmée non plus par le glosateur de la Pragmatique.

L'auctorité qu'il propose du glosateur de la Pragmatique parle aussi De permutatione: *adeo* qu'apres auoir escrit *in p. Quod omnia in verbo, permutationis, que beneficia resignata ex permutatione non debentur graduatis expectantibus, sed compermutantibus*. Il adioulte ceux qui s'ensuiuent, *nisi fraudulenta foret*, & y met les mesmes circonstances de *infirmo qui mortuus est intra viginti dies*, qui est en effect la regle De infirmis; que ce soit *inter patruum & nepotem*: & si *pingue beneficium, cum tenui permutetur*: sans qu'il y ayt vn seul mot de *simplici resignatione*.

Mais dautant que Richer se veut preualoir des mots qui s'ensuiuent escrits par le mesme glosateur *Similiter, moriens, non dicitur cedere beneficium: aliud enim est cedere, aliud decedere*: comme si par iceux, il eust voulu resoudre,

Ny par l'interpretatiō de Richer sur des mots du mesme

glosateur, que
moriens non dici-
tur cedere benefi-
cium, &c.

que celui qui moriens, c'est à dire, *proximus morti, resignat nihil agit*: & comme si la resignation faicte par celui qui est malade, & proche de la mort, estoit frauduleuse: & que nonobstant icelle le benefice vacast par mort. Bouthillier respond que ceste interpretation est sous correction fausse, & contre l'intention de l'auteur, lequel a voulu seulement expliquer que ceux qui sont contraincts de quitter leurs benefices, & qui les quittent de fait, en prenant & gardant vn autre benefice incompatible, en se mariât, en acceptant vn Euesché, & en se soumettant à tels autres genres de vacations: ceux-là, dis-je, les font vaquer: que de fait par tels moiens ils les quittent, tout ainsi que s'ils les resignoient: & que neantmoins ces genres de vacation ne laissent de faire ouuerture aux graduez pour remplir leur tour, c'est à dire, pour demander les benefices ainsi vacans, sans que toutefois ils soient compris en l'exception des benefices qui vaquent par resignations pures & simples, ou bien *ex causa permutationis*, qu'ils ne peuuent demander, dont il rend la raison en ces mots, *potius enim priuatione iuris, quā renuntiatione vacant*: & pour rendre l'explication plus claire, le mesme auteur y a mis ceste clause, *Similiter moriens non dicitur cedere beneficium, sed decedere*: c'est à dire, qu'encore qu'il le quitte & l'abandonne en mourant, toutefois il ne peut estre censé le resigner, pour estre compris en l'exception de ceux qui ne font point de tour, & lesquels ne peuuent estre demandez par les graduez, non plus que ceux-là ne peuuent estre censez vacans par resignation, qui sont quittez par l'acceptation d'un second benefice incompatible par le mariage, par la profession, & par l'acceptation d'un Euesché, cela est si clair qu'il est impossible de le desnier.

Ny par les pretendues presumptions de fraude que feu Maistre Charles Du-Moulin a proposées, qu'il fonde sur la disposition de droit, & non sur la regle.

Contre l'autorité de feu Maistre Charles Du-Moulin, Bouthillier recognoist, qu'apres auoir receu les presumptions de fraudes aux permutations, il en escrit trois aux nombres 111. & 112. *infirmis, coniunctionis personarum, affectionis & reservationis beneficii*, & les estend aux resignations simples, les fondant numero 114. en la disposition de droit. Mais cela estant directement contraire, à ce qu'il auoit escrit auparauant, que la regle *De infirmis* n'auoit point du tout de lieu contre les resignations admises par les collateurs ordinaires, il n'est pas raisonnable de s'y arrester: dont la raison est prompte, que puis que luy-mesme n'y a pas voulu admettre ceste regle, il s'ensuit que les moiens de fraude qu'il propose, & lesquels dependent en effect de la mesme regle, n'y doiuent estre receus, par les raisons qui ont esté cy dessus representées, & desquelles Du-Moulin n'a parlé en vn seul endroit de ses commentaires: sçauoir, que les ordinaires lesquels vsent des droits qui leur appartiennent, & qui leur sont acquis dès leur naissance du consentement de toute l'Eglise Chrestienne, & qui ne leur ont iamais esté ostez, ny retranchez: ains leur ont esté expressément reservez, tant par la pragmatique, que par le Concordat: eux, dis-je, qui ne fôt rien que ce qui leur appartient, ne peuuent estre censez & reputez commettre les fraudes, & les tromperies, traffics & yurongneries, desquelles Richer les veut effrontément charger.

Dauantage contre ces trois presumptions escrites par feu Maistre Charles Du-Moulin, Bouthillier respond que puis qu'il les fondeoit sur

la disposition de droict, & non sur la regle, c'estoit à luy de considerer quelle estoit par le mesme droict la faculté de resigner, & d'admettre des resignations pures & simples entre les mains des ordinaires, auparavant que la regle eust esté faicte: comme de verité c'est là où il les faut reduire, pour cognoistre si telles resignations pouuoient estre iugées frauduleuses, & si elles estoient accusées de fraude, sous pretexte de ces mesmes trois presomptions.

Si pour confirmer qu'elles fussent lors iugées frauduleuses, Richer peut apporter vn seul texte, & vn seul auteur, qui ayt vescu deuant l'année 1298. que la regle fut faicte, lequel ayt dit, que les resignations pures & simples peussent estre accusées de fraude, Bouthillier baissera la teste: ne s'en trouuant point, il soustient que les resignations doiuent demeurer entieres, libres, & exemptes de ces mesmes pretendues presomptions, tout ainsi qu'elles estoient auparavant qu'elle eust esté faicte.

Elles ne furent jamais proposées auparavant la regle, & ne s'en trouue rien en droict.

Or de dire qu'elles fussent subiectes à aucune de ces presomptions de fraude, outre ce qui a esté dict, qu'il n'y a point d'auteur qui l'ayt escrit, il est impossible, d'autant que nul ne peut dire qu'en les consentant par les resignans malades, & en les admettant par les collateurs ordinaires, il ayt subiect de se plaindre d'auoir esté trompé.

En ce temps là nul beneficier ne pouuoit resigner son benefice sans le consentement de l'ordinaire collateur: le collateur de sa part ne pouuoit estre contrainct de conferer à personne contre sa volonté, Quelle personne donc pouuoit-il frauder? quel homme est-ce qu'il pouuoit tromper, en admettant ces resignations, & en conferant à qui bon luy sembloit: il n'y en auoit point. Richer ne le scauroit remarquer.

Et s'il replique que les mandataires expectans pouuoient estre trompez, par le moien de telles resignations: tant s'en faut que cela soit veritable, qu'au contraire ces mesmes resignations reuenoient du tout à leur profit: d'autant qu'apres les auoir admises, le collateur ordinaire estoit contrainct de leur conferer les benefices resignez. En quoy donc pourrions nous dire, que par les mesmes resignations ils fussent trompez?

Ceste resolution demeurant, comme elle est veritable, qu'il faut considerer les resignations en la forme qu'elles estoient auparavant la regle, pour cognoistre si elles pouuoient estre accusées de ces trois presomptions de fraude, & qu'il appert euidentement qu'en ce temps là, il n'y auoit aucun soupçon pour les accuser, il s'ensuit, & la consequence est necessaire, qu'elles ne peuuent estre receuës non plus auourd'huy pour les faire declarer frauduleuses: & consequemment que c'est en vain, & sans subiect, sous correction, que feu Maistre Charles Du-Moulin a escrit, que par ces trois pretendues presomptions, elles doiuent estre iugées frauduleuses.

Et si Richer expliquoit derechef que depuis la regle, le priuilege a esté accordé aux graduez, tant par la Pragmatique, que par le Concordat: & que par les Decrets de la concession & confirmation d'iceluy, les resignations pures & simples peuuent estre accusées de fraude sur les circonstances que Du-Moulin a remarquées, la responce est prompte & peremptoire, que les Decrets de ce priuilege ne contiennent vn seul mot contre les

ordinaires, ny que la liberté qu'ils auoient d'admettre des resignations, ayt esté en sorte quelconque changée ny reuquée, pour donner ouuerture de les accuser de fraude par ces pretenduës presomptions: voire que tant s'en faut que par iceux il y ayt aucun changement pour ce regard, qu'au contraire ils portent en termes expres, qu'en vertu d'iceluy, les gradez ne pourront rien pretendre ny demander aux benefices qui seroient resignez entre les mains des collateurs ordinaires: & partant de dire que les decrets de ce priuilege aient introduict contre les ordinaires vne accusation de fraude, qui n'estoit & ne pouuoit estre auparauant par la disposition de droit, il n'y a point d'apparence.

Particuliere-
ment contre la
premiere pre-
tenduë presom-
ption de fraude
fondée sur l'in-
firmité.

Outre ces responses generales contre les pretenduës presomptions de fraude, escrites par Du-Moulin, & afin de respondre particulièrement à chacune d'icelles, où est-ce que Richer pourra trouuer en tout le corps du mesme droit, que l'infirmité suiuiue de la mort, puisse seruir d'aucune presumption de fraude? Il est permis à toute personne de disposer iustques au dernier soupir de sa vie, *l. 1. C. De sacro. Eccles.* Et le Iuriconsulte dit, *in l. 2. D. Qui Testam. fac. poss. que eius temporis, quo aliquis facit testamentum, integritas mentis, non corporis sanitas exigenda est*: la donation faicte à moriente demeure bonne & valable: imò, si elle ne fait point mention de mort, elle est censée faicte entre vifs, & irreuocable, *vt magis moriens, quam mortis causa donasse videatur*, & Gomes en la mesme question, sur la regle *De infirmis*, à escrit *ex Anton. in cap. ex transmissa De renunt.* pour le dernier priuilege de l'infirmité, que *non facit actum nullum, nisi sanam mentem excludat*. Pourquoy donc dirons nous, que *fraudis presumptionem possit inducere*?

Contre la secō-
de fondée sur la
consanguinité.

Sur la seconde presumption fondée sur la consanguinité & proximité, Bouthillier recognoist que par la raison du texte *in l. Data C. De Donat. inter coniunctas personas, quiduis facile, pro negotij opportunitate, consingi potest.* Mais Richer ne peut dire que cela puisse estre censé en la personne du collateur, lequel n'est parent ny allié de celuy auquel il confere.

Il ne peut dire non plus qu'aucune fraude puisse estre remarquée, s'il y a de la consanguinité & proximité entre le resignant, & celuy auquel le collateur ordinaire confere le benefice resigné: d'autant que la collation ne depend ny de l'un, ny de l'autre: ains du collateur avec lequel il n'y a point de parentele.

Et neantmoins au cas qu'il y en eust, nous trouuons bien en droit, que le collateur lequel *ex affectu carnali*, confere à quelqu'un de ses parens le benefice qui vient à vaquer, *sive per cessum, sive per decessum*, grauiter errat, ainsi qu'il est traicté *in cap. vn. vt Eccles. benef. sine diminut. confer. & in cap. nemo De simon.* Mais que *in vilius damnum, aut detrimentum fraudem faciat*, il ne se trouuera point de texte qui le die: au contraire, il est aisé de recueillir des mesmes textes, qu'au cas que le parent se trouue digne & suffisant, la collation est bonne & valable, comme elle est honneste & iuste, au lieu que s'il estoit incapable elle seroit iniuste & deshonneste, c'est l'opinion de Panorme, sur ce texte *num. 3.* & sur ce mesme suiet, que *id quod iustum & honestum est, non debet exerceri fauore consanguinitatis, vel priuata amicitia, aliàs quod in se iustum & honestum est, efficitur inhonestum, & iniustum.*

Et afin

Et afin de faire cognoistre que la consideration de la parentele & consanguinité, n'est pas vne consideration suffisante pour induire aucune presumption de fraude, Richer doit recognoistre que les fondations qui sont faictes par des particuliers, à la charge que les benefices par eux fondez, ne puissent estre conferez à autre qu'à ceux de leur lignage, sont tellement approuuées, qu'elles ne peuuent estre accusées de fraude.

Sur la troisieme & derniere pretendue presumption de fraude dependante de l'affectation des benefices, la Cour peut recueillir des moiens cy dessus representez, qu'il est impossible de dire qu'aucun benefice puisse estre affecté aux graduez, ainsi que leur priuilege a esté interpreté, sinon en vn seul cas de vacation par mort.

Contre la troisieme fondée en l'affectation.

De verité les textes des Decrets tant de la Pragmatique, que du Concordat, comprennent tous les benefices, par quelque genre qu'ils puissent vaquer, fors & excepté ceux qui vaquent par resignations faictes entre les mains des ordinaires purement & simplement, ou par cause de permutation: mais l'usage a reduict les graduez à ce point, & eux-mesmes l'ont ainsi recogneu, qu'ils n'en peuuent demander sinon qu'ils vaquent par mort.

S'il leur plaist d'vser de leur droict, tel qu'il leur est acquis par les mesmes Decrets, ils les peuuent demander, soit qu'ils vaquent par mort, par le mariage, par la profession, par incompatibilité, par crime, induisant vacation, ou par autre quelconque genre qu'ils puissent vaquer: & ce sont de verité les cas ausquels les benefices leur sont affectez.

Mais puis qu'en termes si expres, les mesmes Decrets ont voulu qu'ils ne puissent rien pretendre aux benefices qui vaquent par les resignations pures & simples, faictes entre les mains des ordinaires, *qua fronte*, peuuent ils soustenir qu'ils leur sont affectez?

De dire comme a fait Du-Moulin, que *reservatum sit beneficium graduatibus, si infirmus eo mense decesserit prout contingit, adeo ut euentu, quasi declaratum sit, resignationem fuisse factam, in damnum expectantis*, il y auroit quelque apparence, au cas qu'en faueur des graduez & des nommez, il fust deffendu aux beneficiers de resigner. Mais de deffenses, Richer est d'accord qu'il n'y en a point, sinon vne qu'il appelle *implicite*, laquelle toutefois luy-mesme ne peut expliquer, & l'impuissance de ceste explication en l'entendement de Richer, & l'experience ordinaire nous doit faire cognoistre que c'est vne extrauagance d'esprit, & qu'il n'y en a iamais eu, ainsi que desia il a esté iustificié par les raisons cy dessus representées, ausquelles Bouthillier adiousterá, ou plustost il ne craindra point de repeter qu'il a tousiours esté, comme encore il est loisible aux beneficiers, sains ou malades, de resigner, d'enuoier à Rome sans aucune consideration de l'euenement, en faueur de telles personnes que bon leur semble, & non autres: c'est à dire, en bons termes, pour le regard des malades, lors qu'ils ne peuuent plus garder leurs benefices, pour les laisser à ceux, au profit desquels comme à leurs heritiers testamentaires, ils ont designé de les conseruer.

Contre la prohibition implicite inuentée par Richer.

Si telles resignations lesquelles portent leur vice, & leur honte sur le

front, pour rendre les bénéfices hereditaires, sont permises, cômest peut Richer soustenir, que sur la consideration d'un futur euenement, il soit deffendu à vn beneficiere de resigner entre les mains du collateur ordinaire purement & simplement, & non sous aucune condition de le conferer à autre qu'à celuy qu'il luy plaira, qu'il en estimera le plus digne, & le plus capable pour luy conferer?

Mauuais es-
chappatoire
pour Richer sur
la puissance du
Pape.

Pareillement de dire que l'une des libertez de resigner est tolerée, à cause de la plenitude de la puissance, laquelle appartient à nostre saint Pere, c'est vn mauuais eschappatoire, mesmement en la personne de Richer, lequel a fait estat de la combattre: d'autant que s'il y a du mal en la personne du beneficiere qui resigne, il est commis par luy hors de la presence du Pape, *eo quasi momento*, qu'il a, comme l'on dit, la mort entre les dents, & que voiant qu'il ne peut plus viure, il passe procuration pour resigner son benefice, en faueur de celuy auquel il veut laisser: procuration, dis-je, laquelle sert de testament de ceste sienne & derniere volonte. Et partant de l'excuser sous pretexte de la presence de sa Saincteté, qui en est bien esloignée, c'est pure moquerie.

Si donc ceste liberte de resigner, ou plustost de tester de son benefice, est permise & auctorisée, pourquoy dirons nous qu'il soit deffendu de resigner purement, sans aucune designation de successeur, entre les mains du collateur, lequel ainsi qu'il a esté dit, le peut conferer à qui bon luy semblera?

Denuò, si n'y ayant point de prohibition de resigner en Cour de Rome, les resignations notoirement infectées d'une disposition testamentaire, & hereditaire sont permises aux beneficiers, sans estre accusées d'aucun soupçon de fraude, pourquoy est-ce que celles qui se font sans aucun vice de succession, ny d'heredité, seront estimées frauduleuses?

Ad extremum, si les bénéfices ne sont point affectez aux graduez, lors que pour en disposer par forme de succession, ils sont resignez en Cour de Rome. Pourquoy dirons nous qu'ils leur soient affectez, lors que sans aucun vice de succession, ils sont resignez entre les mains des collateurs ordinaires?

La conference de ces deux formes de resigner conditionnellement ou plustost hereditairement en Cour de Rome, & purement sans aucune esperance d'heredité ny de succession entre les mains des collateurs ordinaires, ceste difference, dis-je, est suffisante, pour monstrier que les bénéfices ne sont aucunement affectez aux graduez, sinon es cas & aux genres de vacations, par lesquels ils les peuuent demander.

Mais encores y-a-il vne raison pertinente & peremptoire, pour monstrier qu'il n'y a point d'affectation sur ceux qui sont resignez: sçauoir que s'il y en auoit sur ceux qui vaquent par resignation, aussi bien que sur ceux qui vaquent par mort, par mariage, par profession, par incompatibilité de bénéfices, par crimes, par condamnation, & autres semblables accidens, il n'y auroit point de difference entre tous ces genres de vacation: & toutefois les Decrets de la Pragmatique & du Concordat, y ont establi vne difference si expresse, qu'il est impossible de la desnier: *Imo*, il est

impossible de l'accommoder ailleurs qu'à ceste affectation, pour faire que les benefices vacans par resignation ne fussent aucunement affectez aux graduez, & que par tous les autres genres de vacation ils leur fussent affectez, cela, sous correction ne reçoit point de response.

Il suffiroit à Bouthillier d'avoir iustifié que les trois presumptions de Du-Moulin ne sont pas suffisantes pour faire iuger frauduleuses les resignations pures & simples, faictes entre les mains des collateurs ordinaires: mais quand on luy auroit accordé qu'elles fussent, que non, qu'est-ce qu'il auroit aduancé, si au faict particulier de ceste cause, il veut suiure la resolution de ce mesme auteur, rien du tout: d'autant que Bouthillier n'estoit parent ny allié de feu de Serre.

Qu'au cas que les presumptions de fraude deussent estre receuës, que non, la cause de Bouthillier ne laisse d'estre bonne par la resolution de Du-Moulin.

Quand il seroit parent, que non, la resignation en vertu de laquelle il a esté pourueu de la chanoinie & prebende contentieuse, ne laisse d'estre bonne & valable, par la resolution du mesme auteur, num. 124. sur la mesme regle, dont voicy les mots: *Contra prædicta exempla*, dit-il, *primum illud de resignatione infirmi, & collatione nepoti facta, cessat quando ex aliis coniecturis fraus excluditur, vel honesti ratio præpoller: ut si auunculus senex agrotans permutat dignitatem, vel pingue beneficium, cum tenui nepotis Doctoris, & præstantis viri, talis beneficii digni, & partibus suis in eo functuri: huiusmodi enim permutatio, nec fraudulenta est, nec alicuius labis aut simonia suspecta. Quamvis enim concurrat duplex ratio affectionis, vna sanguinis, & nature; altera virtutis & honesti: ista non dicitur accidentaliter nec impulsiva, sed præcipua, & finalis causa, saltem non vitiatur per concursum naturalis amoris, qui non contrariatur charitati: sed magis illi subseruit, & sanguinis affectio recte ordinata non debet in invidiam trahi. Ita in propriis terminis decidit Aegidius Bellamera, post Hostiensem in cap. tuam num. 8. De eta. & qualita. præficiend. multo magis dico in resignatione simplici: & sic per obitum infirmi etiam tempore nominati graduati vel mandatarii, nihil vacabit.*

Bouthillier est en termes beaucoup plus forts: Dieu luy a faict la grace d'avoir esté nourri & esleué parmi les lettres, & les sciences: il est Licencié en Droit, ainsi qu'il a esté dit: il a exercé, comme encore il exerce, sa profession Ecclesiastique avec honneur & reputation. Il s'ensuit donc qu'au cas que toutes les presumptions de prétendues fraudes, proposées par Du-Moulin, deussent estre receuës, que non, la cause demeure ferme non seulement contre Richer, ains aussi contre Gouault & Bailly, lesquels ne sont fondez sur autres arguments que les siens.

Capacité de Bouthillier.

Ceste resolution de Du-Moulin n'ayant peu contenter l'esprit de Richer, il insiste par l'autorité, comme il dit, du mesme auteur, que *lex nova debet intelligi secundum priorem*, & que *in dubio clausula prioris censeri debet repetita in sequenti*: mais ce grand personnage se trompe, d'autant qu'il estime que la loy de la liberté reservée aux ordinaires collateurs, par la Pragmatique & le Concordat, d'admettre des resignations pures & simples, ceste loy, dis-je, comme nouvelle, doit estre interpretée, & réglée selon les dispositions des Decretales, qu'il dit estre interuenues long temps auparavant, & qu'il dit estre la seconde, *sic præbendam*, De renunt. celle qui est vniue *De rer. permut. in sexto*, & la Clementine aussi vniue *De renunt.*

Contre ce que Richer a écrit que la loy de la liberté & du droit d'admettre des resignations par les ordinaires soit nouvelle.

Bouthillier est d'accord de la doctrine de Du-Moulin, que les dernie-

res loix doiuent prendre leur interpretation des premieres. Mais que la loy de la liberte, reservee par la Pragmatique, & par le Concordat aux ordinaires collateurs, d'admettre des resignations pures & simples, soit nouvelle, c'est en cela, que Richer se trompe grandement: d'autant qu'elle est acquise aux ordinaires presque des leur naissance, ainsi qu'il a esté dit cy dessus. Et particulièrement elle est declarée par le canon, *omnes Basilica*, arresté au Concile d'Orleans, tenu enuiron l'année 507. du temps du Roy Clouis, sept cens tant d'années auparauant ces Decretales, & la Clementine alleguée par Richer, lequel s'il entend quelque chose aux Analogies est tres-mal instruit en la Chronologie.

Voila pourquoy apparoissant que la loy du pouuoir, & de la liberte des ordinaires est la premiere, & de si long temps plus antienne, que le priuilege des graduez & des nommez, & que la reserve de la mesme liberte contenuë en iceluy, Bouthillier soustient que s'il y falloit rechercher quelque interpretation, il seroit necessaire de la prendre de la premiere & plus antienne loy, qui est celle des ordinaires, & non pas du priuilege des graduez & nommez, lequel est de si long temps postérieur.

Mais d'interpretation il n'en faut point: d'autant que puis qu'en termes si expres, les resignations faictes entre les mains des collateurs ordinaires sont exceptées, pour n'estre cōprises sous le priuilege des graduez, il est necessaire de garder l'exception conforme à la liberte qui leur appartient, comme annexée inseparablement à leurs charges, & non pas de rechercher des interpretations cerebrines pour l'aneantir: comme de fait s'il falloit que telles interpretations fussent receuës, le pouuoir des ordinaires leur seroit osté.

Par les raisons cy dessus representées, Bouthillier estime auoir plus que suffisamment iustificié, que les resignations pures & simples faictes entre les mains des collateurs ordinaires, sont bonnes & valables: que la maxime de Richer ne peut estre veritable, par laquelle il veut que *infirmis & vacatio beneficij per obitum imminens inducant presumptionem fraudis*, & qu'elle ne peut estre confirmée par l'opinion d'aucun des Docteurs qui en ont escrit.

Particulierement contre les opinions de Gomes & de Rebuffe.

Mais d'autant qu'il insiste particulièrement sur les opinions de Gomes & de Rebuffe, afin de n'en rien laisser sans response, Bouthillier dit, pour le regard de Gomes, qu'encores qu'il fust plain de doctrine & de suffisance: toutefois il s'est trompé, sous correction, d'escire, que la consideration de la fraude, *militat in resignatione facta coram ordinario extra curia*: tout ainsi qu'en celles de Cour de Rome: dont il ne faut rechercher autre preuue que celle qui est palpable, & à laquelle Richer ne peut respondre. Que les resignations faictes *in curia*, sont conditionnelles, *in fauorem*, par le moien desquelles le resignant dispose de son benefice au profit de celuy qu'il a choisi, & auquel, & non autre il doit estre conféré, qui est vn moien indubitable pour le laisser par testament, comme hereditaire contre la regle *De infirmis*, faicte contre telles dispositions testamentaires: & que les resignations faictes purement & simplement entre les mains des ordinaires sont telles, qu'ils peuuent conferer les benefices

resignez

Concile d'Orleans
l'an 507.

resignez à telles personnes que bon leur semble, *remota omni spe successionis & hereditatis.*

Et pour le regard de Rebuffe, de verité il â esté d'aduis que la regle *De infirmis* doit auoir lieu contre les resignations pures & simples, faictes entre les mains des ordinaires: mais il s'est aussi trompé: d'autant qu'elle n'y peut auoir lieu par les raisons cy dessus représentées, lesquelles il n'est besoin de repeter, & luy-mesme l'â tellement recogneu, que lors qu'il â parlé des fraudes *in verbis, vacantia, & permutationis*, il en raporte tous les argumens contre les permutations.

Bouthillier confesse qu'apres le mot de permutation, Rebuffe â escrit ceux qui s'ensuiuent, *seu resignatio in fraudem*, lesquels Richer veut interpreter, *de pura & simplici resignatione, facta in manibus ordinarij collatoris.* Mais la Cour trouuera que le mot de permutation, tout ainsi que de resignation, est indefini, sans y adiouster celuy qui est au texte *Simplicis*, & qu'en se remettant à ce qu'il â traité, *De permutatione*, il monstre que son intention n'â pas esté de disputer des resignations pures & simples; & qu'en repétant les exemples de fraude, en la mesme dispute des permutations, il est mal-aisé de croire, qu'il ayt entendu parler *De pura & simplici resignatione*, pour la faire declarer frauduleuse.

Le premier exemple qu'il propose est escrit en ces mots. *Primo quando aliquis graui infirmitate detentus, permutat beneficia in mensibus graduatorum.*

Il s'en trouue autant au second exemple: *Quando consanguineus cum consanguineo permutat:* Et au troisieme *quando quis permutat pingue cum tenui.*

Les autres subsequens exemples approchent des precedens, & ne contiennent vn seul mot de resignation pure & simple: estant pour ceste occasion plus necessaire de les rapporter tous à la permutation, *vt scilicet ea quæ subsequuntur ex precedentibus interpretationem accipiant*: ou plustost *repetita censeantur*, l. Titia D. De verbo. obligat.

Et afin de ne laisser sans response l'obiection par laquelle Richer pretend que ce n'est pas à Bouthillier de controller les opinions des anciens Docteurs, il dit en premier lieu, que les anciens Docteurs ne sont aucunement contre luy, & qu'un seul n'â esté d'aduis que la regle deust auoir lieu contre les ordinaires collateurs, ainsi qu'il â esté dit, voire que beaucoup d'eux, l'autorité desquels doit estre plus grande que celles de Gomes & de Rebuffe, sont contre la regle, & n'assistent point aux presomptions de pretenduës fraudes, qu'aucuns veulent faire receuoir contre les mesmes ordinaires: que d'ailleurs il est loisible à toutes personnes de tenir son esprit libre hors de toute preoccupation, & non suiect à chose quelconque, autre que la seule raison: de sorte que toutes les raisons estans pour la liberté des ordinaires, ainsi qu'il â esté pareillement iustifié, c'est là où il se faut du tout arrester.

En fin Richer voiant que tout ce qu'il apporte ne vaut rien, & que ses rapsodies ne sont pas suffisantes pour soustenir que les resignations pures & simples, faictes entre les mains des collateurs ordinaires, puissent estre iustement debatuës, ny par la regle, *De infirmis*, ny par les pretenduës presomptions de fraude, il vse de deux exclamations: l'une que si telles resi-

Deux exclamations de Richer.

gnations sont receuës & autorisées, c'est en somme autoriser les fraudes: & l'autre qu'il ne faudra plus parler du priuilege des graduez: que rien ne vaquera pour eux, & que toutes les vacations qui peuuent aduenir seront diuerties, & les benefices qui leur deuoient elchoir leur seront inuistement ravis.

Contre la premiere qu'en confirmant les resignations ce soit autoriser les fraudes.

A la premiere exclamation Bouthillier respond, que tant s'en faut que en conseruant le droict, le pouuoir, & la liberte des ordinaires, les fraudes soient en sorte quelconque autorisées, qu'au contraire, c'est en effect conseruer l'equite, la iustice, & le reglement approuué par toute l'Eglise Chrestienne, sur la distribution des benefices, & empescher l'vsurpation & l'ingratitude des graduez, qui n'ont autre priuilege que celuy qu'il â pleu aux mesmes collateurs de leur accorder.

Contre la seconde que le priuilege des graduez leur demeureroit inutile, & qu'il ne vaqueroit rien pour eux, & que les benefices leur seroient ravis. L'inconuenient plus grand sans comparaison sur les collateurs ordinaires

Et à la seconde, Bouthillier respond, qu'au cas qu'il y eust quelque inconuenient par telles resignations, lequel tombast contre le priuilege des graduez, *adferre inconueniens non est soluere argumentum*, & que d'ailleurs il est certain que les regles de la raison & de la iustice doiuent demeurer en leur force, nonobstant les inconueniens qui peuuent d'ailleurs aduenir.

Imò verò, s'il falloit considerer les inconueniens, il y en auroit plus, sans comparaison, contre les collateurs ordinaires, qu'il n'y en auroit du costé des graduez, lesquels ne perdent rien des vacations qui leur sont affectées, ainsi qu'il â esté dit cy dessus.

Et au contraire, les collateurs ordinaires sont tellement empeschez en la collation des benefices, lesquels dependent de leurs dispositions, que peu s'en faut qu'ils n'en soient entierement priuez & despoillez: d'autât qu'il y en â fort peu, ou presque point, qui veulent resigner purement & simplement entre les mains des collateurs ordinaires, qu'il est notoire, que ceux qui sont pourueus de benefices les resignent ordinairement en Cour de Rome, en faueur de telles personnes qu'il leur plaist de choisir, lesquelles estans admises, & les benefices conferez avec la clause derogatoire à la regle *De infirmis*, les ordinaires sont entierement priuez d'en disposer, & ne leur restant que le genre de vacation par la mort des beneficiers, les collations leur en sont ostées par ceux que le Roy nomme, en vertu de l'indult accordé à messieurs de la Cour, *pro iucundo aduentu*, *pro iuramento fidelitatis*, & par les graduez, lesquels seuls ostent aux ordinaires quatre mois de leurs collations en chacune année, cela est clair, & ne peut estre denié.

Richer ne denira pas que le droict de conferer tous les benefices n'ait esté acquis aux collateurs ordinaires, dès lors qu'ils ont esté establis sans aucune charge de les conferer à autres personnes quelconques, qu'à ceux qu'ils vouloient, & qu'ils en estimoient capables. Il doit par mesme moie recognoistre que le droict de contraindre les mesmes ordinaires, de conferer aux graduez des benefices vacans en certains mois, estoit vn priuilege particulier à eux accordé, à la charge de ne rien demander ny pretendre en ceux qui sont resignez entre les mains des mesmes ordinaires.

Les droits estâs ainsi establis & recognus: l'un general, naturel, & ordinaire, pour les collateurs: & l'autre vn priuilege particulier pour les graduez:

priuilege, dis-je, duquel les resignations pures & simples sont exceptées: De quel frôt dirós nous que les graduez aiét le plus de suieét de s'escrier, & de se plaindre, s'ils sont priuez de l'esperance des futures vacations, en conseruant le droiét des ordinaires. *Imo*, de quel front pouuons nous desnier que les ordinaires n'aient sans comparaison plus d'occasion de s'escrier, qu'apres les droiétz qui leur sont ostez par le Pape, par ceux que le Roy nomme, & par les graduez, on les veut encores despouiller de la liberté, & du pouuoir d'admettre des resignations pures & simples, si elles sont consenties entre leurs mains.

Apparoissant donc, quel inconuenient est sans comparaison plus grand contre les collateurs ordinaires, que du costé des graduez, il est clair & sans doute, que leur exclamation est, sous correction, insupportable, & sans apparence: & qu'au contraire celle des collateurs ordinaires est tres-equitable: d'autant que si ceste liberté d'admettre les resignations leur est retranchée: c'est leur oster & raur ce qui leur appartient, & dont ils iouissoient auparauant le priuilege des graduez: comme aussi d'ailleurs l'exclamation des graduez est inepte: d'autant qu'elle est d'un rauissement imaginaire des benefices qu'ils n'ont iamais possédez, qui ne leur ont iamais appartenu, & ausquels ils ne peuuent pretendre droiét, ny interest quelconque, sinó d'une future esperáce, l'interest de laquelle ne leur peut donner aucune action, & encores moins aucune occasion de plainte.

C'est en effect ce que dit Rebuffe, auteur si souuent allegué par Richer sur la loy vniue, C. De sent. *qua pro eo quod inter. profer. num. 34.* & quelques autres subsequens, où il remarque vne espece d'interest, qu'il appelle *Iusta alicuius utilitas non petibilis, habita vel non habita, sine alicuius facto iniusto, vel cessatione iniusta*, & en rapporte des exemples, de celuy *qui cum rem suam possideat, illius interest eam habere, & tamen non agit*: c'est celuy qu'il donne *in re habita*, & tout incontinent apres il en propose vn autre, *in re non habita: vt si sartor, inquit, vel alius artifex, veniat ad habitandum in proxima officina similis artificis, illius interest, qui non tantum lucrabitur, tamen non petet l. libertus negotiatorius D. De oper. liberta.*

L'interest des graduez ne leur peut donner aucune action, ny aucun suieét de plainte.

Il en apporte d'autres en sa repetition sur la premiere glose num. 31. & quelques autres subsequens: Item, dit-il, *ponitur non habita, siue alicuius facto iniusto, propter l. Proculus, D. De damno infecto, l. altius, D. De seruit. urban. præd. l. D. De seruit. & aqua: vbi si quis altius tollendo domum suam, obscurat lumina domus meæ, licet mea intersit, tamen non agam: quia iure suo facit, & sic prouenit sine facto iniusto, nisi in casibus positis, per Capolam in Tractatu de seruit. cap. 39.* Ce sont les propres mots dont il use, & apres lesquels il adioute ceux qui s'ensuiuent. *Idem de aqua quæ ex puteo tuo, ad meum venit, tamen non agis.*

Bouthillier y peut adiouter vn texte expres in l. ad exhibendum D. ad exhibendum. où le Iurisconsulte dict, que *ad exhibendum possunt omnes agere, quorum interest: sed quidam consuluit, dict-il, an possit efficere hæc actio, vt rationes aduersarij sibi exhiberentur, quas exhiberi magni eius interesset: respondit non oportere ius ciuile calumniari, neque verba captari: sed qua mente quid diceretur, animaduertere conuenire: nam ea ratione etiam studiosum alicuius doctrine posse dicere sua interesse, illos aut illos libros sibi exhiberi: quia si essent exhibiti, cum eos legisset doctior & melior fieret.*

Les graduez ont interest qu'aucunes resignations ne soient admises, afin que les benefices vacans par mort, leurs expectatiues puissent estre remplies, tout ainsi qu'aucuns ont interest, de voir les memoires & iournaux de leurs voisins, pour en tirer de l'instruction en leurs affaires: & ceux qui estudient de voir des liures, qui sont entre les mains de quelques autres, afin d'en tirer de la science & de la doctrine, qui leur pourroit apporter plus de contentement & de profit, que le reuenu d'un benefice. Apparoissant par ce texte, que tel interest n'engendre point d'action, ny de contrainte, il s'ensuit que les graduez, qui n'ont que le mesme interest, n'en ont point non plus contre les collateurs ordinaires, pour empescher qu'ils n'admettent des resignations suiuant la liberte naturelle qu'ils en ont, & qui leur a esté si expressement reseruee contre le priuilege des mesmes graduez.

Ceste resolution demeurant, comme elle est tres-certaine, que l'interest des graduez ne leur donne action, ny aucune contrainte pour empescher que les ordinaires n'admettent des resignations: il s'ensuit que s'ils en admettent, aucun inconuenient ne peut tomber sur eux: & qu'au contraire il tomberoit, comme il a esté dit, sur les collateurs, s'ils estoient priuez de leur liberte.

Qu'il y a beaucoup de benefices qui vaquent par mort.

Et neantmoins l'exclamation apparoist fausse, sous correction, en ce que Richer se plaint pour les graduez, que si telles resignations estoient permises, rien ne vaqueroit pour eux, & qu'ils seroient priuez de leur priuilege: d'autant que l'experience nous fait cognoistre que de iour à autre, plusieurs benefices vaquent par mort, & que les graduez en sont pourueus & en iouissent.

Contre le pretendu rauissement.

Il n'y a donc aucun inconuenient de la part des graduez, si les ordinaires admettent des resignations. Mais au cas qu'il y en eust, que non, où est-ce que Richer a trouué, que sur la seule esperance que des benefices puissent vaquer par mort, ils soient ravis aux graduez, si les ordinaires en admettent les resignations: ceste exclamation est contre le sens commun, voire contre la nature par laquelle nous apprenons, *que priuatio præsupponit habitum, &c.* partant qu'il est impossible de dire, qu'ils soient priuez des choses qu'ils n'ont iamais eues: & encores plus, qu'elles leur aient esté ravis: voila pourquoy le Iurisculte Vlpian a escrit elegamment *in l. l. Eum qui. D. De vi. & vi. armat. Eum qui neque animo, neque corpore possidebat, non videri deiectum, verius esse. Deijcitur enim, dit-il, qui amittit possessionem nõ qui non accipit.*

Ceste doctrine est aussi confirmée par Thomas de Vio Cardinal Caietan sur saint Thomas, *in secunda secunda quæst. 62. art. 2.* & Martinus de Aspicuelta *Doctor Nauarrus in Manuali confessoriorum cap. 17. num. 69. art. 2.* dont les passages ont esté cy dessus representez en la page dixhuiet, & dixneufiesme.

Contre l'argument de Richer fondé sur le sens commun, & la lumiere naturelle.

Richer insiste que le sens commun & la lumiere naturelle iustifient la fraude aux resignations faictes entre les mains des collateurs ordinaires, & consequemment la plainte & les exclamations, que les graduez ont iuste occasion d'en faire. Mais de preuue de ce pretendu sens commun, de ceste

ceste pretendue lumiere, il n'en â point.

Au contraire le sens commun & la lumiere naturelle nous enseignent, que sous pretexte d'une simple esperance, nous ne pouuons oster ny empescher à personne quelconque les droicts qui luy sont acquis, & qui luy ont esté particulièrement reseruez & conseruez.

Les droicts de la liberte naturelle, d'admettre des resignations pures & simples, & de conferer les benefices ainsi resignez, appartiennent aux collateurs ordinaires par la nature de leurs charges: il s'ensuit donc, que de ce mesme droict naist le sens commun, & la lumiere naturelle, qui nous doiuent porter à la conseruation d'iceux.

Au contraire, les graduez pretendent, non pas vn droict naturel, d'autant qu'il ne se trouue point en la nature, ains vn priuilege & droict positif, contre les droicts naturels des collateurs ordinaires, à la charge de ne rien pretendre aux benefices resignez. Il s'ensuit donc que le sens nō pas commun, ains particulier, nous doit conduire à conseruer ce mesme priuilege pour les graduez, avec ceste mesme exception & limitation, pour ne rien oster ny retrancher du droict naturel des collateurs ordinaires, & sans l'estendre plus auant, contre vne si expresse reseruation.

Nul droict naturel pour les graduez.

Mais Richer est plaissant, quand il dit, que ce que Bouthillier en escrit tombe sous la fallace que les Logiciens appellent *non causa*, vt *causa que fallacia*, dit-il, *admittitur quoties allegatur pretextus cause, que causa non est*. Comme en ce lieu, on voit, dit-il, que le deffendeur, c'est Bouthillier, fonde son obiection sur vne cause specieuse, *que re vera falsa est*.

Bouthillier n'â rien escrit qui tombe sous la fallace que les Logiciens appellent *non causa*.

S'il eust expliqué la cause sur laquelle il pretend que Bouthillier se fonde, & s'il l'eust verifiée fausse, il se fust peut estre esleué en sa suffisance: mais il s'est bien donné garde de l'escire: & au lieu d'icelle, il assure que la vraie cause qui introduict la recherche de la fraude, naist de l'interest des graduez, & autres expectans.

Mais puis qu'il â supprimé la cause sur laquelle Bouthillier se fonde, pour soustenir les resignations admises par les ordinaires, qui est en effect la question de laquelle il s'agit entre les parties, il ne craindra de la repeter, ainsi qu'elle â esté assez amplement discourüe, que c'est le droict & la liberte naturellement acquis aux collateurs ordinaires, de les admettre, & de conferer les benefices ainsi resignez à telles personnes qu'il leur plaist. C'est la seule & vnique cause sur laquelle tous ses droicts sont fondez, & qui est si certaine & si veritable que Richer n'â peu apporter aucun argument, ny aucune raison pour l'esbranler.

La vraie cause par laquelle les resignations doiuent estre conseruées.

En tant que touche celle de la recherche des fraudes que Richer établist sur l'interest des graduez & autres expectans, Bouthillier â iustificié que celui qu'ils pretendent sur des futures esperances, ne leur produict aucune action, ny aucune contrainte contre les ordinaires collateurs: & consequemment qu'il ne leur peut seruir d'aucune accusation de fraude.

La vraie cause des fraudes viēt de la prohibition.

Il adioustera que pareillemēt l'interest que tous les autres homes peuuent pretendre pour la cōseruatiō de leurs personnes, ou de leurs biens, ne leur dōne nō plus aucune action, ny aucun suiet de plainte, sinon lors qu'ils y sont empeschez, blessez, & trauallez ouuertement, ou secretement par



des voies indirectes, contre les conuentions legitimes, la disposition, les deffences, & la prohibition des loix : que ce qui est attenté ouuertement sert de cause des actiōs ou accusatiōs, que nous pouuons proposer : & que ce qui est secretement entrepris nous donne le iuiet de la recherche des fraudes, comme de chose pouruiue contre la deffense & prohibition des conuentions & des loix.

C'est ce qui a esté dit & iustificié cy dessus, que *Is propriè fraudem facere dicitur, qui saluis verbis legis sententiam eius circumuenit*. Que la fraude n'est iamais presumée sinon lors que nous entreprenons de faire ce qui nous est def fendu, & consequemment que la vraie cause de ceste fraude ne vient pas de nostre interest, ainsi que pretend Richer, ains des prohibitions & def fenses qui nous sont faictes, tant par les conuentions legitimes, que par la disposition des loix.

Nous en pouuons trouuer vne infinité d'exemples, entre lesquels Bouthillier se contentera de celuy du chapitre *Quanto*, & de la glose en ces mots, *in fraudem, De priuil. ext. veluti*, dit la glose, *de persona ad personam: si vxor velit donare viro, vel maritus vxori, cum non possit, supra, De donat. inter vir. & vxor. cap. ult. supponit aliam personam cui donat, non valet donatio, D. De donat. inter vir. & vxor. l. hac ratio p. non tantum, 46. distinct. sicut non suo. De re ad rem: Prohibitum ne filio familias pecunia mutuo detur, si tamen aliquid in fraudem factum fuerit, puta dedit frumentum, vel aliquid simile, quod venderet, & pecuniam haberet, fraus fit legi. D. ad senatus. Macedon. sed Iulianus p. mutui, aliàs incipit, Item si filius familias, & l. 4. p. & in usura: Decima quarta quæst. 3. plerique, & quæst. prima sicut nonnulli: De contractu ad contractum: ut puta, vxor non potest donare viro, ut dictum est, vult ei vendere, ut sic, hoc modo, possit donare donatio non valet, D. De Don. inter vir. & vxor. si sponsus circa: sic 16. Quæst. 3. si sacerdotes: Item de cōtractu ad contractum, alio tamen modo quàm supra, ut, cum mulier pro alio fideiubere non posset, principalem se fecit debitoricem: hoc non valet: quia fecit in fraudem legis, D. Ad senatus. Velleian. Quamuis, & c.*

Dauantage nous disons que *fraus fit, quoties in alterius detrimentum aliquid agimus: veluti contra fiscum, patronum, creditores, ceterosque huiusmodi, & eos maxime, quibus fidem dedimus*: d'où vient que Balde a tres-bien écrit, ainsi qu'il a esté remarqué cy dessus, que *fraudem facere, est quasi contra fidem aliquid moliri*: Et saint Paul plus expressement au chapitre 2. de son Epistre aux Romains, que la loy naturelle monstre le peché : comme s'il eust voulu dire, que nous ne deuons pas estimer qu'il y ayt aucune fraude, ny aucun peché, sinon lors que nous attentons contre les loix, lesquelles nous deuons garder sans y contreuenir.

La loy cause du peché, & consequemment de la fraude.

Bouthillier sçait bien que la vraie cause ne vient de la loy : ains de la corruption naturelle des hommes, lesquels entreprennent contre la loy. Mais il peut hardiment asseurer, apres l'autorité de saint Paul, & des Iurisconsultes, qu'outre ce qui procede du vicieus naturel de l'homme, la loy, soit naturelle ou ciuile, est la cause du peché, de la faute, & de la fraude: c'est à dire, qu'elle condamne de fraude ce qui est fait contre le contenu d'icelle.

Cela sera plus nettement entendu, s'il plaist à la Cour de considerer,

que proprement nous appellons *causam*, ainsi que Cicéron dit in lib. *De facto quæ id efficit, cuius est causa, ut vulnus, mortis, cruditas, morbi, &c.* Ainsi devons nous dire de la loy, qu'elle a introduict la contrauention, & la fraude contre elle-mesme, pour eluder l'effect d'icelle: *adeo*, que si elle est ostée, il n'y a plus de contrauention, ny de fraude, ainsi que pareillement il a esté iustificié cy dessus, sans qu'il soit besoin d'vser d'aucune repetition.

Si comme il a esté dit, il y auoit quelque loy ou constitution, par laquelle il fust deffendu aux beneficiers de resigner, & aux collateurs d'admettre les resignations, & que les mesmes beneficiers & collateurs ne laissassent de resigner, & d'admettre des resignations, nul ne pourroit douter que la loy & la constitution ne fussent la vraie cause, pour les reietter en quelque sorte qu'elles peussent estre faictes.

Mais de dire, que l'interest qui n'est qu'en l'esperance des graduez, esperance, dis-je, future, incertaine, & qui ne peut contenir aucune prohibition, ainsi que Richer est contrainct de confesser: que cet interest, dis-je, ou plustost ceste esperance puisse seruir de cause, pour induire qu'une resignation soit frauduleuse, c'est, sous correction, vne grande ignorace.

Voila pourquoy Bouthillier aiant escrit que la cause pour laquelle la preuue de la fraude est receuë en la permutation, prouient de la Decretale vnique *De rer. permutat. in 6.* contenant la prohibition de faire des permutations frauduleuses: & qu'elle prouient aussi d'une autre loy prohibitiue de rendre les benefices hereditaires, comme il seroit aisé si telles permutations frauduleuses estoient autorisées: & quand il a pareillement escrit, qu'il n'y a rien de semblable aux resignations pures & simples, contre lesquelles il n'y a, & n'y eut iamais de prohibition, & ausquelles d'ailleurs il n'y a esperance de succession ny d'heredité: Quand, dis-je, Bouthillier l'a escrit, il n'a rien proposé qui ne soit tres-veritable, & partant d'imaginer comme fait Richer, que la cause pour faire receuoir la preuue des moiens de fraude contre les permutations, vienne de l'interest des graduez; c'est encore vne plus grande ignorance.

Outre les raisons cy dessus representées, Bouthillier apporte vn grand nombre d'arrestz, par lesquels il a esté iugé que la regle *De infirmis*, & toutes les pretenduës presumptions de fraude, desquelles Richer se veut preualoir, ne peuuent estre receuës en sorte quelconque contre les resignations faictes purement & simplement entre les mains des collateurs ordinaires.

Arrests donnez
sur les mesmes
questions.

Le premier est interuenu en la Cour, sur le possessoire de la cure de la Boissiere au pais d'Anjou, le quatriesme du mois d'Apuril 1550. entre Maistre Claude Mestuiier Prestre d'une part, & Maistre Iean Boutier d'autre, par lequel la Cour a iugé indefinimét que la regle *De infirmis* n'auoit point de lieu contre les resignations admises par les ordinaires collateurs. Bien est vray qu'en cest arrest, il n'y auoit point de gradué ny d'autre expectant, qui pretendist la cure, en vertu de son expectatiue: mais quelque chose que ce soit, la these y est iugée que la regle n'a point de lieu.

Celuy interue-
nu sur le posses-
soire de la cure
de la Boissiere
le 4. Auril 1550.

Le second est interuenu au grand Conseil, & prononcé le cinquiesme

L'Arrest donné
au grand Con-
seil au profit de
feu Maistre
Estienne Mau-
guin le 5. Nou-
bre 1574.

Nouembre 1574. au profit de feu Maistre Estienne Mauguin l'aisné, par lequel la pleine maintenue de l'Abbaie, qui est vne dignité en l'Eglise Cathedrale de Clermont en Auvergne, luy a esté adiugée contre plusieurs parties qui la pretendoient, desquels, sçauoir Maistre Mathieu Trauerse & maistre Estienne Mauguin le ieune, auoient esté subrogez aux lieu, droicts & instance de maistre Estienne Blondeau, lequel pretendoit la mesme Abbaie, en vertu de la nomination faicte de sa personne, par feu monsieur Allegrain, Conseiller du Roy en la Cour, & ce nonobstant que maistre Estienne Mauguin l'aisné en eust esté pourueu, par la resignation de feu maistre Guillaume d'Outre, faicte entre les mains de monsieur l'Euesque de Clermont, collateur ordinaire, *ex causa permutationis*, que le resignant fust malade, & decedé dedans les vingt iours, & que la resignation eust esté debatue, tant par la regle *De infirmis*, que par les faicts de fraude sur ce proposez, voire encores que les parties eussent esté appointées à faire preuues, estant pour ceste occasion indubitable que *etiam in permutatione*, quoy qu'elle fust arguée de fraude, messieurs du grand Conseil ont iugé que la regle n'auoit point de lieu en l'ordinaire.

Vn autre donné
au grand Con-
seil le 12. Decé-
bre 1585. pour
M. Quentin
Gehennaut cō-
tre monsieur le
President de
Thou.

Le troisieme est vn autre Arrest donné au grand Conseil, & prononcé le 12. Decembre 1585, par lequel maistre Quentin Gehennaut Docteur en Theologie, a esté maintenu & gardé en la possession de la cure de S. Sauueur en ceste ville de Paris, contre Messire Iaques Auguste de Thou, de present Conseiller d'Estat du Roy, lequel lors de l'Arrest estoit maistre des Requestes ordinaires de l'hostel, & s'estoit fait nōmer par le Roy, pour tenir son indult, sur les Doien, Chanoines, & Chapitre del'Eglise Collegiale de saint Germain del'Auxerrois, à cause de l'estat de Conseiller en ladiete Cour, duquel auparauant qu'il fust maistre des Requestes, il auoit esté pourueu, & contre maistre Iaques Milet: & ce nonobstant que ledit Gehennaut en eust esté pourueu par monsieur l'Euesque de Paris collateur ordinaire, *ex causa permutationis*, faicte entre feu maistre Iean Fremin curé de ladite cure, lequel lors de la resignation estoit malade, & estoit decedé deux iours apres l'admission d'icelle, & que ceste resignatiō fust pareillement debatue, tant par la regle *De infirmis*, que par les moiens de fraude proposez contre icelle: & mesme que la resignation de ladiete cure de saint Sauueur eust esté admise *spreto patrono Ecclesiastico*, qui estoit le chapitre de ladiete Eglise collegiale de saint Germain: ce que Messieurs du grand Conseil n'eussent pas faict contre ledit sieur de Thou, s'ils eussent estimé que ladiete regle deuoit estre gardée, & que les moiens de fraude dependans d'icelle, eussent deu estre receus contre les resignations admises par les collateurs ordinaires.

Vn autre donné
en la Cour le 10.
Ianuier 1609.
au profit de M.
Iean Pelissier.

Le quatrieme est interuenu en la Cour le 10. Ianuier 1609. entre maistre Iean Pelissier d'une part, & maistre Estienne Vasson gradué d'autre, par lequel la recreance d'une Chanoinie & prebende en l'Eglise collegiale de nostre Dame du Pont, située à Clermont en Auvergne, a esté adiugée à Pelissier, nonobstant qu'il en eust esté pourueu par la resignation pure & simple, faicte entre les mains dudit sieur Euesque de Clermont, par feu maistre Bertrand Leonard dernier titulaire, & paisible possesseur d'icelle,

d'icelle le treiziesme du mois d'Octobre, affecté aux graduez simples: que ledit feu Leonard fust decedé le mesme iour, & que Vasson gradué en eust esté pourueu en vertu de son degré, voire que la pleine maintenue luy en eust esté adiugée par le Senechal de Clermont, ou son Lieutenant.

Bien est vray que cest arrest ne contient que la recreance, & qu'il porte ces mots: *Que ladicte Cour a ordonné & ordonne, que les parties articuleront plus amplement dans huitaine leurs faicts, mesmement le fait concernant le temps & l'heure du deceds de deffunct Bertrand Leonard, & de la collation de sa Chanoinie & prebende faicte audit appellant (qui estoit Pelissier) en vertu de la resignation pure & simple dudit feu Leonard, qui leur seront communiquez, pour y respondre à la huitaine ensuiuant: informeront au mois, produiront, bailleront contredits & saluations dans le temps de l'ordonnance: pour ce fait & rapporté dans ledit temps, leur estre fait droit, ainsi que de raison: Et ce pendant a adiugé, & adiuge la recreance de de ladicte Chanoinie & prebende audit appellant, qui est Pelissier.* Par lesquels mots Richer pretend que la Cour n'a pas iugé definitiue-ment la question: que la regle & les moies de pretendue fraude dependans d'icelle, n'ont point de lieu contre les resignations pures & simples, admises par les ordinaires collateurs, ains qu'elle en a differé le iugement, apres que les enquestes des parties seroient rapportées.

Mais tant s'en faut que par ceste forme de prononcer, la Cour ayt reserué le iugement de la question: qu'au contraire, elle l'a iugée definitiue-ment, & n'a reserué autre contestation que celle dependante du fait, lequel y est si nettement expliqué: si la resignation auoit esté admise auparavant, ou apres le deceds de feu Leonard resignant, dautant que si par les enquestes Vasson gradué eust peu verifir qu'elle auoit esté admise apres le decés, il est sans doute, que la chanoinie & prebende eust esté déclarée auoir vaqué par mort, & en ce cas la pleine maintenue d'icelle fust demeurée à Vasson, auquel par la sentence du iuge de Clermont elle auoit esté adiugée: dautant mesmement que hors le fait de ceste mort de Leonard, il n'y en auoit point, sur lequel les parties peussent estre réglées à faire preuue & informer.

Et afin que cela soit dauantage verifié, il se voit par la lecture de la sentence du iuge de Clermont, que la pretendue maxime de Richer, que *infirmitas & vacatio beneficij per obitū probabiliter imminens inducunt presumptionē fraudis*, & les mesmes choses, qu'il propose pour moies de fraude, y estoient si clairement verifiés, qu'il est impossible d'en douter: dautant qu'on demeuroit d'accord, & les pieces y estoient expressees, que feu Leonard resignant malade auoit fait son testament, & disposé de ses biens temporels le 12. du mois d'Octobre: que le mesme iour en disposant des biens temporels qui luy appartenoiēt, il auoit disposé du spirituel, concernant sa Chanoinie & prebende, ayant passé procuration pour la resigner entre les mains du sieur Euesque de Clermont, collateur ordinaire: que le lendemain 13. feu Leonard estoit decedé, & que le mesme iour la resignation auoit esté admise, & la Chanoinie & prebende conseruée à Pelissier, sans qu'il y eust aucune preuue ny presumption du temps, & de l'heure de la mort: sinon que toute personne estensee, & reputée viuante iusques

à ce qu'il y ayt preuue de sa mort.

Quelle preuue de la pretendue maxime de Richer peut-on desirer plus grande, que celle de tous ces faicts verifiez par actes autétiques, desquels les parties demeuroient d'accord? Il est impossible d'en trouuer: & de faict il s'en faut beaucoup que Richer en apporte de si expres: Puis donc que sans y auoir esgard, la Cour â trouué raisonnable d'adiuger la recreance à Pelissier, il s'ensuit qu'elle a iugé, que s'il n'y auoit autre chose, cela n'estoit, & n'est pas suffisant pour empescher que les resignations faictes entre les mains des ordinaires ne demeurent, comme elles sont bonnes & valables. Cela est si clair qu'il est impossible d'en douter.

Vn autre Arrest
donné au grand
Conseil le 15.
Octo. 1613. au
profit de Mai-
stre Jean Loi-
seau.

Le cinquiesme Arrest donné au grand Conseil le quinziesme Octobre 1612. par lequel la pleine maintenue d'une Chanoinie & prebende en l'Eglise d'Orleans, a esté adiugée à maistre Jean Loiseau, contre maistre Pierre le Bon gradué-nommé, & maistre Ruelle, nommé de monsieur maistre del'Aubespine, Conseiller du Roy en ladicte Cour: nonobstant qu'il en eust esté pourueu par la resignation pure & simple, faicte entre les mains de monsieur l'Euesque d'Orleans collateur ordinaire, ou son vicaire, par feu maistre Pierre Briere, dernier titulaire & paisible possesseur d'icelle, lequel estoit malade: que la resignation eust esté admise le 7. du mois de Iuillet: qu'il fust decedé de ceste maladie le lendemain huitiesme du mesme mois, & que Loiseau n'en eust pris possession que le neufiesme, apres la mort de feu Briere resignant: dont la preuue estoit claire, par les pieces recitées en la sentence interuenue au siege d'Orleans.

De verité par ceste sentence, laquelle est du 25. Iuin 1612. le Bailli d'Orleans, ou son Lieutenant auoit adiugé la pleine maintenue à maistre Pierre le Bon gradué-nommé, estimant que par le recit du fait de ceste resignation la Chanoinie & prebende auoit vaqué par la mort de Briere; mais d'autant qu'auparauant qu'elle fust donnée, Ruellé, nommé de monsieur del'Aubespine, s'estoit pourueu au grand Conseil, auquel priuatiuement à tous autres iuges, il appartient de cognoistre des proces concernant messieurs de la Cour, pretendant que la Chanoinie & prebende, de laquelle il auoit esté pourueu, en vertu de sa nomination, luy appartenoit, il est aduenu que ceste sentence a esté en effect aneantie, comme interuenue au preiudice de la iurisdiction de messieurs dudit grand Conseil: & que tant le gradué nommé, qui estoit le Bon, que le nommé de monsieur del'Aubespine ont perdu leur cause, aians lesdicts sieurs du grand Conseil iugé derechef, que la regle *De infirmis*, & les moiens de fraude dependans d'icelle, proposez contre les resignations pures & simples admises par les collateurs ordinaires, ne les pouuoient empescher, ny esbranler en sorte quelconque.

Contre cest Arrest, par lequel le gradué-nommé & l'indultaire de la Cour ont perdu leur cause, & le resignataire l'a gagnée, Richer dit que le resignataire & le nommé de monsieur del'Aubespine Conseiller en la Cour colludoient: Que monsieur l'Euesque d'Orleans qui auoit admis

la resignation, colludoit aussi avec eux, comme frere du Conseiller; que le Bon, gradué, qui auoit gagné sa cause au siege d'Orleans, a micux aymé s'en departir, apres qu'il s'est veu tiré au grand Conseil: & que monsieur l'Euesque d'Orleans a fait son interet de ce procez, l'a luy-mesme recommandé & employé ses amis pour le faire gagner au resignataire.

Que monsieur l'Euesque d'Orleans & monsieur de l'Aubespine soient freres, nul ne le peut desnier: mais de tous les autres faits, il n'y en a preuve quelconque, & encore moins, que le Bon se soit retiré du procez: d'autant que l'Arrest porte seulement qu'il a déclaré qu'il consentoit que Ruellé, nommé de monsieur de l'Aubespine, fust maintenu & gardé en la possession & iouissance de la Chanoinie & prebende contentieuse entre eux, moyennant qu'il fust deschargé de la sentence par luy obtenue du Bailly d'Orleans à l'encontre dudit Loiseau: inferer de là, qu'il se soit departi du procez, la consequence, sous correction de la Cour, est vicieuse: & de fait l'Arrest iustifie qu'il y est toujours demeuré partie.

Richer apporte vn autre eschappatoire contre le mesme Arrest, que les collateurs ordinaires doiuent conferer dedans les six mois: que par ceste raison les indultaires & graduez ont le mesme temps pour requerir le benefice qui a vaqué: qu'icelluy expiré ils ne le peuuent plus demander: que le 17. Decembre 1611. Ruellé auoit passé procuration pour requerir la Chanoinie & prebende, mentionnée en cest Arrest: que toutefois son procureur ne l'a requis, sinon le 2. May ensuiuant 1612. hors des six mois: & consequemment qu'il n'auoit aucun droit en icelle, au cas que le Bon eust voulu soustenir ses droits.

Que le temps
des six mois
pour requerir
ne court: sinon à
die scientia.

Pour le regard du temps de conferer, Bouthillier accorde qu'il n'est que de six mois, apres lesquels *ius conferendi deuoluitur ad Superiorem*. Mais Richer doit recognoistre, ce qu'il a supprimé, qu'ils ne courrēt fin à *tempore scientia*, ainsi qu'il est contenu *in cap. quia diuersitatem*, sur la fin *De Concess. preben. in Antiq. Tempus autem*, dit ce texte, *non à tempore vacationis prebendarum, sed notitia illius volumus computari*.

Richer se trompe, sous correction, au 92. article, où il a écrit, que le 27. Decembre 1612. Ruellé, nommé de monsieur de l'Aubespine, passa procuration pour requerir la Chanoinie & prebende, laquelle a esté adiugée à Loiseau par le mesme Arrest: d'autant que le contraire est verifié par les mots qui s'ensuiuent, écrits au veu de l'Arrest: *Procuracion dudit Ruellé pour requerir que la premiere Chanoinie & prebende qui viendra à vaquer en ladicte Eglise, luy soit conserée du 27. Decembre audit an.*

Ceste procuration ainsi qu'elle est recitée en l'Arrest, n'estant que pour requerir la premiere prebende qui viendrait à vaquer, de quel front est-ce que Richer a osé soustenir qu'elle estoit pour requerir la prebende mentionnée en cest arrest? *Imo verò*, tant s'en faut, que lors qu'il a passé la procuration, il sceust que la prebende contentieuse vacast, qu'au contraire les mesmes mots écrits en la procuration, iustificient qu'il ne sceuoit rien de la vacation, d'autant que s'il l'eust sceue, il eust passé ceste procuration pour la requerir comme vacante, & non pour requerir celle qui vient droit à vaquer.

Il a esté dit, & le texte de droict y est tres-expres, que les six mois pour conferer, & consequemment pour requerir, ne courent que *à die scientia*: & si ceste disposition doit estre gardée, c'est pour vous, messieurs, & pour vos nommez: (dautant qu'ils ne font rien d'eux-mesmes) c'est vous qui en faictes les diligences: vos charges, & les occupations, pour le service du Roy, & du public, vous empeschent de prendre garde, & de vous enquerir si curieusement de ceux qui meurent, pour demander au nom de vos nommez, les benefices qui viennent à vaquer par leur decez. Et partant de vouloir que le temps de six mois coure contre vous, auparauant que vous peussiez seulement estre aduertis des vacations, ce seroit en somme vous priuer de ce qui est accordé à tous les collateurs, par la commune disposition de droict, & cela, sous correction, ne reçoit point de response.

Bourhillier adioustera que messieurs du grand Conseil n'ont pas ignoré ce qui est de la disposition de droict: ils ont eux-mesmes remarqué les dattes, par lesquels le temps de la mort du resignant aduenü au mois de Iuillet 1611. est verifié, depuis lequel au cas que feu monsieur de l'Aubespine Conseiller, s'il en eust esté aduertí, eust peu requerir ladite Chanoinie & prebende contentieuse en cest Arrest. Ils ont remarqué le datte de la requisition, que le Procureur de Ruellé indultaire auoit faicte, qui est du 11. May 1612. Ils ont veu d'auantage, qu'il n'y auoit point de preuue, qu'il en eust sceu la vacation dedans les six mois: *Imo*, ils ont veu, que lors de la procuration du 17. Decembre, monsieur de l'Aubespine Conseiller ne la scauoit pas: & partant de dire qu'ils eussent faict contre la disposition de droict, s'ils l'eussent adiugée à Ruellé indultaire, la Cour voit que c'est vne obiection qui ne peut ny ne doit estre receüe contre les Arrests des Cours souueraines, & que la verité est que Ruellé indultaire a perdu sa cause, tout ainsi que le gradué: dautant que la Chanoinie & prebende auoit vaqué par la resignation, & non par la mort de feu Briere.

Autre Arrest
donné au grand
Conseil le 26.
Mars 1614. au
profit de mai-
stre Jean de la
Mare, contre le
nommé de mon-
sieur Barantin
maistre des Re-
questes, & autres

Le sixiesme Arrest a pareillement esté donné au grand Conseil le 26. du mois de Mars dernier 1614. par lequel la pleine maintenüe d'une Chanoinie & prebende en l'Eglise Cathedrale d'Eureux, a esté adiugée à maistre Jean de la Mare, nonobstant qu'il en eust esté pourueu, par la resignation pure & simple de maistre Jean Des-Champs, dernier titulaire & paisible possesseur d'icelle, le 26. du mois d'Auril, affecté aux graduez simples, & que ledit feu Des-Champs fust decedé non seulement dedas les 20. iour de la regle, ains le lendemain 27. & que maistre Sanson Martin, & maistre Gabriel des Montiers, & Maistre Charles Barantin l'eussent demandée, & en eussent esté pourueus, sçauoir lesdicts Martin & des Montiers, en vertu des nominations faictes de leur personnes pour le serment de fidelité: & ledit Barantin comme nommé, & tenant l'indult de Monsieur maistre Charles Barantin Conseiller du Roy, & maistre des Requestes ordinaires de son hostel: ce qui ne fust pas aduenü, si messieurs du grand Conseil eussent estimé que la regle *De infirmis* deust auoir lieu contre les resignations admises par les ordinaires.

Et le septiesme & dernier Arrest a esté pareillement donné au grand Conseil, & prononcé le 27. du mesme mois de Mars 1614. par lequel M.

Baptiste

Baptiste Bedin a esté aussi maintenu & gardé en la possession & iouissance d'une Chanoinie & prebende en l'Eglise du Mans, de laquelle il auoit esté pourueu, par la pure & simple resignation de feu maistre André le Cheurier dernier possesseur d'icelle, le 27. du mois de Iuillet 1613. nonobstant que feu Cheurier resignant fust decédé le mesme iour, ou le lendemain: que maistre Charles Fougeu, nommé par le Roy sur l'Euesché du Mans, pour le droict de serment de fidelité, l'eust demandée: qu'en vertu de ceste nomination, il en eust esté pourueu, & que par vn Arrest donné au mesme Conseil le 10. Octobre 1612. l'Euesque du Mans auoit esté condamné de luy conferer la premiere prebende qui viendroit à vaquer; & afin que Richer ne die pas que cest Arrest soit interuenu sans cognoissance de cause, il contient tous les moiens que luy-mesme represente pour les graduez, contre les resignations admises par les ordinaires, fondez tant sur la regle, que sur les pretendues fraudes: & mesme que si telles resignations estoient autorisées, les nommez ne pourroient iamais obtenir aucun benefice: & que les beneficiers malades quittoient ce qu'ils ne pouuoient plus garder, afin de frauder les nommez, contre tous lesquels moiens messieurs du grand Conseil ont trouué la cause du resignant la meilleure, & luy ont adiugé la maintenue, ainsi qu'il a esté dit.

Et afin que Richer ne die pas non plus, qu'entre ces Arrests il n'y en a que deux interuenus contre des graduez, & qu'ils ont esté donnez la plus part contre des nommez, en vertu de l'indult de messieurs de la Cour: *pro incundo aduentu*: ou pour le serment de fidelité, Bouthillier apporte l'extrait tiré du greffe du mesme grand Conseil, des lettres patentes en forme de declaration dattées du 13. Mars 1543. par lesquelles il a voulu que les nommez de messieurs de la Cour fussent preferez aux graduez: & la verité est que les mesmes ont iugé la mesme preference pour les nommez, *pro incundo aduentu*, contre les mesmes graduez: de sorte que la question aiant esté iugée contre eux par tant d'Arrests, & avec si grande cognoissance de cause, il n'y a point de doute qu'il ne les faille garder.

At verò, de la part de Richer, tout ainsi qu'il n'a point de raisons pour confirmer ses imaginations, il n'a non plus aucun arrest pour les autoriser: d'autant que pour le regard de l'arresté qu'il dit auoir esté fait en la Cour, lors de l'arrest de la cure de la Boissiere le quatriesme du mois d'AOust 1550. il ne s'en trouue rien au greffe d'icelle, ny en autheur quelconque de ce temps, sinon en Du-Moulin, lequel a escrit que lors de cest arrest, la Cour arresta que par iceluy aucun preiudice ne seroit fait au droit des graduez.

Bouthillier ne veut pas accuser la memoire d'un si grand personnage, & neantmoins il peut soustenir avec raison, que Du-Moulin l'a peu escrire, l'ayant ainsi ouy dire, estimant qu'il fust veritable: & d'autant aussi que son aduis, contraire à soy-mesme, ainsi qu'il a esté dit cy dessus, estoit que les graduez pouuoient debattre les resignations pures & simples, faictes entre les mains des ordinaires, par les trois presumptions de fraude, auxquelles il a esté respondu.

La Cour sçait trop mieux que les arrestez sont attachez ordinairement

Autre Arrest
donné au grand
Conseil le 27.
Mars 1614. au
profit de Mai-
stre Baptiste Be-
din.

Les nommez
de Messieurs de
la Cour prefe-
rez aux graduez.

Richer n'a au-
cun Arrest de sa
part cõtre l'Ar-
resté pretendu
fait lors de l'Ar-
rest de la Bois-
siere.

au dictum des arrests, ou bien enregistrés au registre de la Chambre: ne s'en trouuant rien, ainsi qu'il a esté dit, il est aisé de cognoistre qu'il n'y en eust iamais, & que feu Du-Moulin, comme il estoit homme de tres-bon naturel, s'en est fié au rapport d'autrui.

Au cas que cest arresté fust veritable, qu'est-ce que Richer en peut tirer, sinon ce que luy-mesme en a escrit, que par l'arrest la Cour n'a point entendu faire aucun preiudice aux graduez ? c'est à dire aux droicts qui leur pouuoient appartenir contre telles resignations?

Il a esté iustificié cy dessus, que les graduez ne les pouuoient, comme encore ils ne les peuuent debatre, sinon lors qu'elles sont faictes par permutations frauduleuses: il s'ensuit donc, qu'au pis aller, cest arresté ne peut auoir autre effect, que pour les debatre, & non pour aneantir les resignations faictes purement & simplement entre les mains des collateurs ordinaires, par le moien desquelles la pleine & naturelle disposition des benefices reuient sans aucun soupçon d'heredité & de succession entre les mains des ordinaires collateurs.

Contre l'Arrest
donné au profit
de l'Allemand
& autres sem-
blables.

Outre ce pretendu arresté Richer se veut preualoir de deux arrests donnez en la Cour, recitez par monsieur Louet en son recueil, l'un desquels il dit estre interuenu au mois de Mars 1585. entre Michelet, Pontet, & de Langre, & l'autre le sixiesme Septembre 1603. entre maistre François Lallemand, & maistre François Cheuille, sur le possessoire d'une Chanoinie & prebende en l'Eglise collegiale d'Issoudun. Mais ces deux arrests sont interuenus en des permutations frauduleuses, ainsi qu'il se voit par la lecture d'iceux, & la Cour verra qu'au discours des moiens, sur lesquels ils sont interuenus, ceux qui les ont dressez, ont recogneu qu'ils ne pouuoient auoir lieu contre les resignations pures & simples, aufquelles ceux qu'ils propoisoient ne peuuent tomber.

Contre l'Arrest
donné au profit
de Maistre
Adrian Behote
le 18. Iuillet
1609.

Richer pour le plus grand de ses boucliers, apportel l'arrest donné en la Cour le 18. Iuillet 1609. au profit de maistre Adrian Behotte, maistre es Arts, pourueu par la mort de feu maistre François Cabart, d'une Chanoinie & prebende en l'Eglise Cathedrale de Rouan, contre maistre Louis Bretel pourueu de la mesme Chanoinie & prebende par la resignation pure & simple, qu'il pretendoit en auoir esté faicte par Cabart: cest arrest, dis-je, contenant que la pleine maintenue a esté adiugée à Behotte, mais de bon heur luy-mesme a faict imprimer l'extraict, que monsieur le Maistre Conseiller du Roy en ladicte Cour, auoit faict du procez, sur lequel il est interuenu; par la lecture duquel il est clairement verifié, que sans entrer en la question de la regle *De infirmis*, ny aux pretendues presumptions de fraude, il y a cinq arguments indubitables, le moindre desquels estoit suffisant pour faire perdre la cause à Bretel.

Cinq argumens
tirez de mon-
sieur le Maistre
Conseiller du
Roy en la Cour
contre l'Arrest
de Behote.

Le premier qu'en la procuration pour resigner passée par Cabart, il n'y auoit que deux tesmoins, l'un desquels nommé François Briffault, estoit nepueu du resignataire.

Le second que la mesme procuration pour resigner, l'admission d'icelle, la collation & la mort de Cabart resignant, se trouuent d'un mesme iour, qui est le 18. Octobre 1603. sans qu'il apparaisse, si auparauant, ou

apres Cabart resignataire estoit decedé.

Le troisieme est qu'en l'extraict dudit sieur le Maistre, où les pieces sont fidelement extraictes, il n'y a point de lettre de tonsure de Briffaut, lequel par ce moien estât incapable de la collatió qui luy auoit esté faicte de ladite Chanoinie & prebède, n'auoit peu empescher qu'elle n'eust vaqué par le decés de Cabart, qui est la cause, pour laquelle il l'auoit remis entre les mains de Pigni, Vicaire de monsieur l'Archeuesque de Rouan.

Le quatrieme, qu'il n'y auoit non plus au procez aucune lettre de Tonsure de Bretel, & que sur l'article de la production d'icelle, il y auoit vn D, qui signifie *desicit*, ainsi qu'il est representé audit extraict de monsieur le Maistre.

Et le cinquiesme, qu'au mesme extraict, la copie dudit pretendu Vicariat est recitée sans date, sans insinuation, & sans clause particuliere, laquelle y soit exprimée, portant pouuoir d'admettre les resignations.

Que tous ces argumens ne soient pertinents, pour monstrier que la Chanoinie & prebende n'auoit peu vaquer par resignation sans y meller le faict de la regle, nul n'en peut douter: mais il y a en outre deux autres raisons, par lesquelles la Chanoinie & prebende ne pouuoit appartenir à maistre Adrian Behote en vertu de son degré, ains seulement en vertu de la signature de prouision qu'il en auoit obtenüe de nostre S. Pere.

Deux autres raisons pour monstrier que Behote ne pouuoit rien pretendre en vertu de son degré.

L'une, qu'il y a preuue par l'extraict dudit sieur le Maistre, qu'il auoit fait insinuer ses lettres de degré & de nomination à monsieur l'Archeuesque de Rouen, ou son Vicaire, mais non pas qu'il eust laissé les copies, ce qui est necessaire tant par la Pragmatique, que par le Concordat.

Et l'autre qu'en ceste insinuation & signification ne sont pas comprises les lettres de temps d'estude, comme aussi il estoit impossible de les y comprendre, d'autant qu'elles sont du mois de Feburier 1604. deux ans, ou peu s'en faut, apres cest acte d'insinuation, qui est du 6. Mars 1602. & quatre mois apres la mort de Cabart aduenüe au mois d'Octobre 1603. ainsi qu'il est iustifié par le mesme extraict.

Particulieremēt cōtre la procuration que feu maistre Pierre de Serre a passée pour resigner la Chanoinie & prebède cōtētieuse, Richer dit qu'elle est nulle, d'autāt que Nicolini l'un des tesmoins d'icelle, auoit espousé la niepce de feu de Serre: que par l'ordonnance il n'a peu estre valablement appelé pour tesmoin en icelle, & qu'encores que de ce mariage il n'y ayt point d'enfans, & que la niepce soit decedée, toutefois l'alliance, & consequemment la prohibition de l'ordonnance demeueroit.

Contre l'objection que Nicolini, l'un des tesmoins en la procuration, auoit espousé la niepce de feu de Serre resignant.

Si Nicolini auoit espousé la niepce de feu de Serre ou non, c'est chose dont Bouthillier ne peut respondre: mais quand ainsi seroit, il soustient qu'il n'est pas compris en l'ordonnance, dont voicy les mots: *N'auront esgard aux instruments de procurations pour resigner les benefices, si lesdicts Notaires n'appellent deux tesmoins, pour le moins gens domiciliés & cognus es lieux où ils reçoient lesdictes procurations, & non parens, ny domestiques, c'est à sçauoir pere, aieul, & ascendant, frere, oncle, ou cousin germain des resignans & resignataires.* Nicolini n'estoit rien de tout cela. Il s'ensuit donc que rien n'a peu empescher qu'il n'y ayt esté appelé.

Quand il seroit compris en l'ordonnance, que non, si la niepce de feu de Serre estoit morte, ainsi que Richer reconnoist, Bouthillier soustient que l'alliance a esté entièrement finie, & qu'elle n'a peu empescher qu'il n'ayt esté valablement appelé pour tesmoin en ceste procuration, d'autant que *etiam in foro contentioso*, les alliez, *nulla lege à dicendo testimonio excusantur*, l. 1. *Et duabus sequentibus D. de Testibus*: mais quād il y en auroit quelque deffense *in foro contentioso*, que non, *qua fronte* pourroit soustenir Richer, qu'il la faut estendre aux tesmoins, lesquels sont appelez pour passer des contractz, procurations, & autres actes, *in iurisdictione voluntaria*, pardeuant Notaires?

Les actes ausquels il est besoin de plus de solemnité sont les testamēts, & neantmoins toutes sortes de personnes y peuuent estre appellées *cum quibus testamenti factio est*, fors & excepté les femmes, les impuberes, les esclaves, les furieux, les muets, les sourds, les condamnez, & les spécifiez par Iustinian en ses Institutes *in p. testes autem*, & aux deux subsequens, apres le recit desquels *in p. legatariis*: il adioust, *Legatariis autem Et fidei commissariis, quia non iuris successores sunt, Et aliis personis eis coniunctis, testimonium non denegamus: imò in quadam nostra constitutione Et hoc specialiter eis concessimus*.

Puis donc que par disposition de droict, il est permis d'appeller toutes sortes de personnes pour tesmoins, pourueu que *sint integra fama*, & que l'ordonnance pour les procurations à resigner n'excepte que les parens, avec l'expression des degrez de pere, aieul, & ascendant, frere, oncle, ou cousin germain des resignans, ou resignataires, il s'ensuit que ceste prohibition ne peut comprendre en sorte quelconque les alliez, & conséquēment que Nicolini qui seroit seulement allié, au cas que sa femme fust vivante, ne peut estre compris *inter personas prohibitas*.

Mais qu'est-il besoin d'entrer plus auant en ceste dispute, Richer confesse que celle qu'il dit auoir esté femme de Nicolini, & niepce de feu Serre est morte, & qu'il n'y â point eu d'enfans de leur mariage: il reconnoist, comme il est veritable, que par sa mort l'alliance est finie: Pourquoy donc veut-il que Nicolini lequel n'estoit plus allié de feu de Serre, soit compris en la prohibition del'edit?

Il insiste, & sur ce il perd beaucoup de Latin, pour monstrier que l'alliance dure mesme apres le deceds de ceux par le moien desquels elle â esté cōtractée: ce que Bouthillier ne luy veut desnier, sçachant assez qu'en aucuns cas elle doit durer, comme si quelqu'un â espousé l'une des deux sœurs, & qu'elle vienne à deceder, l'alliance contractée en l'espousant, dure tellement apres son decés, qu'il ne peut espouser l'autre: comme aussi il y â de semblables cas, esquels la consideration de l'alliance apporte des obstacles & des empeschemens.

Mais nostre question ne tombe en aucun de ces cas, ains en celuy auquel nous demandons si les alliez sont compris *inter personas prohibitas*, pour ne pouuoir estre tesmoins en vne procuration pour resigner, & si au cas qu'ils y soient compris, que non, l'alliance finie, la mesme prohibition doit demeurer, c'est la question en laquelle le Latin de Richer s'est confondu.

Or Bouthillier

Or Bouthillier pour decider ceste question, ne veut rechercher autre autorité que celle de Rebuffe, sur lequel Richer fonde les principaux arguments dont il se veut preualoir au fonds de cest affaire : Il a escrit *in Tractatu De reprobationibus, & saluationibus testium num. 37.* que *affinis in causa sui affinis à testimonio repellitur*, ce qu'il confirme par auctoritez & par arguments, apres lesquels il en apporte plusieurs autres, pour reietter ce reproche *in versicul. saluatur*, sous le mesme nombre. *Saluatur*, dit-il, *si affinitas sit dissoluta, quia tunc soluta affectio, & amor, glossa singularis in l. sed & hoc D. De re iudic. quia priuilegium tantum durat affinitate durante, vt concludit Alexander Consil. 207. ponderatis in sexto volumine, idem in famulo decidit Aufre. in Decisio. Tholosan quæst. 4. quia paria sunt non esse affinem, vel solutam esse affinitatem, Angelus in l. cui eorum p. 1. D. de postulando. Albericus in tracta. De test.*

Ce sont les propres mots dont il vse, apres lesquels il adiouste vne autre saluatiõ contre ce reproche, sçauoir que l'affinité pour s'en seruir doit estre *in linea directa, non transversali*: Ores- est-il que l'alliance de Nicolini, s'il y en auoit, n'est pas *in linea directa sed in transversali*: Mais ce point est tellement certain, qu'il estime que la Cour n'en recherchera dauantage l'esclaircissement, & qu'elle ne s'arrestera pas à vne si friuole obiection, attendu mesmement que Rebuffe parle des tescmoins ouis sur des faicts contestez, & non pas de ceux qui sont appelez pour aslister à des actes volontaires.

Outre la pretenduë alliance de Nicolini, Richer a fait escrire que Nicolini n'estoit domicilié: mais le fait de l'alliance qu'il a proposé, & la qualité de gentilhomme seruant de la Roine Regente, & la notorieté de sa demeure en ce royaume iustifient le contraire.

Contre l'obiection que Nicolini ne fust pas domicilié.

Richer dit dauantage contre la mesme procuration, qu'en icelle est employé pour tescmoin Maistre Claude Richer, Clerc du diocese d'Angers, qu'il dit estre incognu, sans domicile, clerc du Notaire qui a receu la procuration, & consequemment incapable d'y auoir aslisté : ce qu'il dit estre confirmé par l'ordonnance.

Contre l'obiection faicte sur la personne de Claude Richer, l'autre des tescmoins.

Qu'il soit incognu, & sans domicile, sa qualité de Clerc du diocese d'Angers, & de Clerc de Gallot Notaire Apostolique, lequel a receu la procuration, iustifient le contraire, estant impossible de dire que puis qu'il a son domicile ordinaire en la maison de son maistre, il soit incognu & non domicilié.

Richer adiouste que Claude Richer est vn tescmoin bannier de Gallot son maistre, & qu'il a signé la procuration, encores qu'il n'y fust pas lors qu'elle a esté passée. Mais si en autres actes que son maistre a passés, il a esté employé comme tescmoin, il ne s'ensuit pourtant qu'il doiue estre appelé tescmoin bannier, dautant que l'experience nous fait cognoistre le contraire, qu'ordinairement les Notaires Apostoliques appellent pour tescmoins aux actes par eux expediez leur Clercs & domestiques, comme personnes desquelles ils ont le plus de cognoissance.

Et de dire qu'il ne fust present lors que la procuration a esté pas-

fée, c'est vne euidente calomnie de Richer, aussi est-ce vn fait lequel ne peut estre proposé ny receu sans inscription.

Contre l'obiection des deux diuerses specialitez contenues en la procuracion.

Outre les tefmoins, Richer accuse la procuracion en ce que la minute d'icelle contenoit deux diuerses specialitez, l'une pour resigner entre les mains de nostre Saint Pere en faueur de quelqu'un laissé en blanc pour le remplir: & sur ce pour la destruire, il propose trois arguments, selon que Bouthillier les a peu recueillir de ses contredits: Le premier, que les resignations conditionnelles entre les mains des collateurs ordinaires sont nulles, abusiuës, & reprouuées: le second, que ceste cumulation est vn abus manifeste: & le troisieme, que l'employ de ceste cause *in fauorem* est vne ruse affectée pour couvrir l'abus.

Bouthillier sur le premier recognoist que les resignations conditionnelles *in fauorem* sont abusiuës & reprouuées entre les mains des ordinaires: mais tant s'en faut que celle en vertu de laquelle il a esté pourueu soit de ceste nature, qu'au contraire elle se trouue simple, & sans aucune condition: Bouthillier en a produit la grosse, il en est demeuré vne semblable entre les mains de monsieur le Cardinal de Gondy: il s'ensuit donc que la collation de Bouthillier ayant esté expédiée sur icelle, il est impossible que l'expedition en ayt esté faite sur vne resignation *in fauorem*.

Au second Bouthillier recognoist qu'encores que la clause *in fauorem* fust entiere, voire que le nom mesme y fust inseré, & que le blanc y fust remply, que non, toutefois il seroit impossible de dire qu'elle fust *in fauorem*, d'autant que la principale clause pour resigner purement & simplement y estant entiere, il demeureroit libre à monsieur le Cardinal de conferer à telle personne que bon luy sembloit.

Si elle n'eust cōtenu autre clause que celle *in fauorē*, qu'elle eust esté mise entre les mains de l'ordinaire en ceste forme pour resigner en faueur de Bouthillier, & que sur icelle monsieur le Cardinal de Gondy luy eust donné sa collation, elle eust esté nulle, & abusiuë, d'autant qu'il n'eust peu conferer à autre qu'à luy: mais apparouissant qu'elle contient l'autre clause tres-expresse, voire qu'elle est seule pour resigner purement & simplement, & qu'en vertu d'icelle monsieur le Cardinal a eu la liberré de cōferer à telle personne qu'il a voulu, il est impossible de dire qu'il ayt peu estre contrainct en sa collation, & encore moins que la collation qu'il en a faite puisse estre debatüe.

Au troisieme, Bouthillier respond qu'il ne peut y auoir aucune affection particuliere pour couvrir l'abus, d'autant qu'il n'y en auoit point, & que la liberré demeureroit entiere à monsieur le Cardinal de conferer à telle personne qu'il voudroit.

Et pour n'insister plus longuement sur ceste obiection, se trouuant que la clause *in fauorem* est bastonnée, & raiée en la minute de ceste procuracion, soit que le Notaire l'ayt rayée de soy-mesme, apres auoir entendu la volonté de feu de Serre, qui vouloit qu'elle fust pure & simple, ou qu'il l'ayt rayée en passant ceste mesme procuracion, il est vray de dire qu'elle n'y est pas, & consequemment que c'est en vain que Richer se veut preualoir de la rature d'icelle.

Maxime, qu'au cas qu'elle fust entiere elle ne pourroit de rien seruir, puis que personne n'y est nommé, que le blanc pour l'emploier est encore entier en la minute, & qu'il n'a iamais esté rempli, ainsi qu'il se voit par la copie figurée estant sur la fin du mesme cahier produict sous la cotte P.

Le mal, s'il y en auoit, que non, prouient de ce que les Notaires Apostoliques tiennent des minutes de procurations toutes prestes, afin qu'il les puissent fournir à ceux qui les veulent passer, comme estant le modele du tout semblable: qu'en icelles ils ont accoustumé de mettre les deux specialitez pour resigner entre les mains de nostre Sainct Pere, en faueur de telle personne, dont le resignant donnera le nom, pour l'emploier au blanc delaisé pour cest effect, ou purement & simplement entre les mains des ordinaires, sans aucun blanc: Que Gallot Notaire en a pris vne, laquelle auoit ces deux clauses, & apres auoir entendu l'intention de feu de Serre, ainsi qu'il a esté dit, il a rayé celle de *in fauorem*, le blanc de laquelle n'estoit pas remply: & partant de vouloir contre vne si constante verité que la resignation soit tenuë & reputée comme si elle estoit conditionnelle, & en faueur de Bouthillier, la Cour voit que, sous sa correction, c'est vne euidente calomnie.

Richer dit dauantage contre la procuration, qu'elle a esté passée pour continuer la fraude que feu de Serre auoit proiettée de disposer comme par forme de testament, & de succession de la Chanoinie & prebende contentieuse, & en tire l'argument de la permutation traictée entre luy, & M. Preuost, comme si par le moié d'icelle il y auoit du monopole pour le priuer: mais tant s'en faut que ce qui a esté fait pour ladicte permutation face preiudice à Bouthillier, qu'au contraire il sert pour monstrier que feu de Serre aiant eu ceste volonté de faire tomber sa prebende entre les mains de Preuost, il est impossible de dire qu'il pensast d'en disposer au profit de maistre Sebastien Bouthillier partie en ce procez.

Contre l'objection prise de la permutation proiettée entre feu de Serre & Preuost.

Comme aussi ce traicté de permutation, & le refus fait par monsieur le Cardinal de Gondy d'en admettre la resignation, seruent pour monstrier combien est faux, sous correction, ce que Richer pretend qu'il y a eu du monopole pour le priuer de la Chanoinie & prebende contentieuse, d'autant que s'il y en eust eu, ledit sieur Cardinal n'eust pas refusé d'admettre ceste resignation, & de la conferer à Preuost, suiuant la volonté de feu de Serre.

Et dauantage ce refus sert pour monstrier quelle est la liberté de laquelle ledict sieur Cardinal a vsé en ceste affaire, n'ayant voulu autre resignation que celle qui estoit pure & simple, & par laquelle sans aucune induction, ny paction, il peust conferer la Chanoinie & prebende contentieuse à vn homme capable, comme il l'a conferee à Bouthillier.

Richer se doit ressouuenir de ce qu'il a si souuent & si iniurieusement escrit, que les collateurs ordinaires s'accommodoient *tacita fiducia* avec les beneficiers resignans, & que par des promesses secretes en admettant les resignations, ils rendoient en effect les benefices hereditaires, en les conferant à ceux que les mesmes resignans leur auoient secretement nommé: cela se fust peu dire en ce qui a esté faict avec Preuost, que sous le

voile & pretexte de permutation, qu'il vouloit que la prebende contentieuse luy fust conferée: La volonté de Serre est écrite par la procuration qu'il auoit passée pour la resigner, en faueur de Preuost, *ex eadem permutationis causa*, & en ce faisant il l'essisoit pour son successeur en ce benefice: Monsieur le Cardinal de Gondy ne l'ayant pas voulu: n'est-ce pas vne preuue certaine & indubitable qu'il a reiecté ceste espee de succession, & ne l'a pas voulu permettre.

Qu'est-ce que Richer peut remarquer de semblable en la procuration pour resigner purement & simplement entre les mains de monsieur le Cardinal? Peut-il dire que *tacita esset contracta fiducia*, de la conferer à Bouthillier partie en ce procez, lequel n'est nommé, ny compris en aucune des pieces que Richer a produictes, fors & excepté en la collation qu'il a pleu à monsieur le Cardinal de Gondy luy en faire de son mouuement?

Contre les in-
iures que Ri-
cher impose à
maistre Denys
Bouthillier Pe-
re.

Richer propose aussi contre la mesme procuration, qu'elle contient des pactions illicites, que maistre Denys Bouthillier pere, estant Aduocat de feu de Serre, auoit deuoré en esperance la Chanoinie & prebende contentieuse, & auoit trouué moien de retirer ceste procuration pour en faire pouruoir son fils.

Mais où est-ce que Richer prend des pactions illicites que Bouthillier ayt faictes avec de Serre, ou autre personne quelconque? où est le premier ou plustost le moindre soupçon que Bouthillier eust deuoré en esperance, ny qu'il ayt seulement demandé ce benefice, ny aucun des autres, que feu de Serre possédoit? La verité est que feu de Serre auoit outre sa prebende deux Prieurez, sçauoir le Prieuré de Choisi, & celui de Rouures, le moindre desquels valoit mieux que la Chanoinie & prebende contentieuse, & qu'il auoit passé des procuratiōs pour les resigner: où est la preuue que Bouthillier y ayt oncques assisté, ny qu'il ayt seulement ouuert la bouche pour les demander?

Luy-mesme recognoist que Bouthillier n'a esté present aux conuentions accordées entre feu de Serre & Preuost, pour la permutation de ceste Chanoinie & prebende, qu'il n'estoit pareillement present, ny assistant lors que la procuration pour resigner purement la prebende contentieuse fut passée, & que les grosses d'icelles ont esté deliurées à Pinfaure. Quelle preuue donc a-t'il que Bouthillier pere l'eust deuorée en esperance, & qu'il ayt faict des conuentions sordides & illicites que Richer luy impose, pour arracher ce benefice des mains de feu de Serre?

Il l'auoit esleu executeur de son testament, à cause de l'assurance qu'il auoit prise en luy durant le cours de trente années & dauantage, durant lesquelles il l'auoit assisté en toutes ses affaires: si Bouthillier luy eust auparavant demandé quelque vn de ses benefices, & si *turpi & scelerata depectione*, comme dit Richer, il eust stipulé de luy la resignatiō d'iceux, l'eust-il choisi pour executeur de son testament?

Et denuò, si Bouthillier pere eust tiré de luy aucune promesse de la Chanoinie & prebende contentieuse, l'eust-il voulu resigner *causa permutationis* en faueur de Preuost? eust-il passé procuration pour la resigner purement & simplement entre les mains du collateur ordinaire, & chargé le

Notaire

Notaire de n'é deliurer les grosses qu'à Puifaure? Bouthillier auoit-il part en tout cela, où il n'auoit esté appellé ny ouy?

Richer adiouste que les deux grosses de ceste procuration auoient esté mises entre les mains de Puifaure, nepueu de feu de Serre, lequel colludoit & monopoloit avec Bouthillier pere, pour s'accómoder de la Chanoinie & prebende contentieuse, & en priuer les graduez.

Contre l'obiection du prétendu monopole entre Bouthillier Pere, & Puifaure l'un des nepueus du resignant.

Mais où est la preuue de ce pretendu monopole, où en est seulement le soupçon? Tant s'en faut qu'il y en ayt, qu'au contraire, il y a preuue certaine qu'il n'y en auoit point, d'autant que par la requeste que Bouthillier a présentée au Bailly du Chapitre le 8. du mois de Iuillet, il declare contre Puifaure & la Chassaigne nepueux du feu sieur de Serre, qu'il auoit entendu qu'ils estoient mescontens du testament de leur oncle, & qu'en l'absence des autres nepueus & niepces, ils vouloient s'accommoder de tous les biens dudit feu sieur de Serre, pour en priuer leurs coheritiers, qui sont au pais de Limosin, voire qu'il couroit vn bruiet qu'ils auoient desia commandé d'en destourner.

Après vne plainte si expresse de Bouthillier contre Puifaure? y-a-il homme au monde, qui puisse dire qu'il y eust entr'eux aucun monopole secret pour le benefice contentieux: & afin que Richer ne die pas que ceste plainte vint de quelque nouveau subiect de mescontentement que Bouthillier eust conceu contre Puifaure *hoc primum est*, que la plainte n'est pas contre luy seul, ains contre la Chassaigne son cousin, & consequemment qu'il n'y a point d'apparence de dire qu'il y eust rien de particulier contre Puifaure.

Et dauantage, les informations que Richer a faict mettre au Greffe de la Cour, employées par luy en son inuentaie, seruent d'une preuue certaine & asseuree, que la plainte de Bouthillier escrete en la requeste présentée au Bailly du Chapitre, n'estoit vaine, d'autant qu'il a esté informé contre eux du destournement des biens, & de l'expilation d'heredité.

Particulierement Richer dit contre la mesme procuration qu'en icelle il y a vn espace en blanc lequel n'est pas remply, & que n'y ayant point de Procureur escret pour l'effectuer, elle est nulle, & ne vaut rien: à quoy Bouthillier respond en peu de mots, qu'en toutes les procurations pour resigner, les Notaires ont accoustumé de laisser des espaces en blanc, pour les remplir des noms de ceux, entre les mains desquels elles sont mises pour les executer.

Contre l'objection de l'espace en blanc pour y mettre les noms des Procureurs.

Il a esté dit que l'une des grosses de celle dont il s'agit entre les parties, a esté mise entre les mains de mondit sieur le Cardinal, ou plustost de son Secretaire, comme elle y est encore auourd'hui: le blanc d'icelle ayant esté réply du nó de M. Courtin, par lequel elle a esté executée, & la resignation faicte, ainsi qu'il est contenu en la collation sur ce expédiée: & partant, de dire qu'il n'y ayt point eu de Procureur qui l'ayt executée, c'est, sous correction, aduancer contre la verité de la piece.

De verité, Bouthillier en a leué vne troisieme grosse pour la faire insinuer, mais celle en vertu de laquelle a esté faicte la resignation, demeurant en sa force, la verité demeure pareillement qu'elle a esté executée par

le Procureur rempli au blanc d'icelle, denommé en la collation, & consequemment quel'obiection de Richer appuiée sur vn si mauuais fondement, est impertinente, & ne vaut rien.

Contre l'obiection, que la procuration de feu de Serre n'a pas esté insinuée dedans les six mois.

Encore y-a-il vne obiection que Richer propose contre la mesme procuration, sçauoir qu'elle n'a pas esté insinuée dedans le temps de l'ordonnance: mais à cela il est aisé de respondre, que la prouision faicte en vertu d'icelle, & la reception sur ce interuenue au profit de Bouthillier ont esté insinuées, & consequemment que c'est autant que si la procuration, la grosse de laquelle est demeurée au Secretariat dudit sieur Cardinal, auoit esté inserée de mot à mot au Greffe des insinuations.

Bouthillier dit en outre qu'elle a esté insinuée peu de iours apres le temps de l'ordonnance, ainsi qu'il se voit par l'acte qui en a esté expédié: & partant que ceste pretendue defectuosité ne peut esbranler la validité d'icelle.

Il adioustera que si telle pretendue defectuosité estoit considerable, que non, Richer se deuroit condamner soy-mesme, d'autant qu'un seul des actes en vertu desquels il pretend auoir esté pourueu de la Chanoinie & prebende contentieuse, depuis le deceds de feu de Serre n'a esté insinué.

Peius istud que ses lettres de Dimissoire, & sa lettre de Tonsure se trouuent de l'année 1578. & l'insinuation d'icelles du mois d'Aoust 1612. depuis le deceds de feu de Serre, sinon que la lettre de Tonsure est insinuée à Chartres en l'année 1608. que sa lettre pour les autres ordres est de l'année 1582. & n'est insinuée nō pl⁹ qu'au mois d'Aoust 1612. que ses lettres d'Acolyte Ordres Mineures, celles de Soufdiacre, de Diacre, & Prestre, se trouuent de la mesme année 1582. & ne sont insinuées qu'audit mois d'Aoust 1612: que sa pretendue lettre de degré & de tēps d'estude, d'autant qu'il n'en a qu'une, & celle de nomination se trouuent de l'année 1603. & n'ont esté insinuées qu'en l'année 1608. de sorte que Bouthillier peut iustement asseurer qu'il n'en a vne seule insinuée dedans le temps de l'ordonnance, la pluspart estans sans insinuation, & consequemment que tant s'en faut que ce pretendu defect d'insinuation face preiudice à Bouthillier, qu'au contraire il luy sert, pour monstrier qu'il n'y a vne seule des pieces de Richer, à laquelle par sa propre recognoissance la Cour se doiue arrester.

Il est vray qu'en insistant par Richer sur ceste pretendue defectuosité d'insinuation, il pretend qu'elle ne luy peut estre opposée, mais de raison, il n'en dit pas, comme aussi il ne sçauoit.

Contre l'obiection que Du-pré, & le Febure tesmoins en la collation de monsieur le Cardinal de Gondy soient ses domestiques

Après les arguments que Richer a proposez cōtre la procuration pour resigner, il se iecte sur la collation que ledit sieur Cardinal a faicte à Bouthillier fils, de la Chanoinie & prebende contentieuse, & dit qu'elle est nulle, d'autant qu'en icelle sont escrits pour tesmoins les nommez, Du-Pré, & le Febure, qu'il dit estre domestiques de monsieur le Cardinal de Gondy collateur: mais cela, sous correction, est du tout esloigné de la verité, d'autant que pour le regard de Du-Pré, Richer mesme confesse qu'il demouroit avec Auberville son oncle, sous lequel, comme son commis, il auoit long temps fait la recepte de monsieur le Cardinal en l'Eues-

ché de Paris, qu'il ne dit pas, comme aussi il ne pourroit, que d'Auberuille fust domestique de monsieur le Cardinal, & que pour ceste occasion il n'y a point d'apparence non plus, de dire que Du-Pré le fust.

Et pour le regard de le Febure, Richer dit qu'il estoit domestique de la la feue Dame de Mausi: & partant de dire qu'il fust domestique de mondit sieur le Cardinal, il ne se peut, sous correction.

Aussi voyant que les faicts de ceste pretendue domesticité sont faux, sous correction, il passe outre, & dit que ceste collation a esté antidatée, & en apporte des arguments, dont le premier est, que Puifauré, nepveu de feu de Serre, ayant leué premierement vne grosse de ceste procuration pure & simple, & l'ayant mise entre les mains de monsieur le Cardinal de Gondy, collateur ordinaire, il en a leué vne seconde le 7. du mois, ce qu'il n'eust faict, dit-il, s'il y eust eu prouision du iour precedent, *quasi verò*, l'expédition d'une seconde grosse, puisse induire que la prouision expédiée en vertu de la premiere eust esté antidatée.

Contre les arguments de pretendue antidatée proposez par Richer, contre la prouision de monsieur le Cardinal de Gondy.

Imo verò, l'experience ordinaire nous faict cognoistre qu'apres l'expédition de la premiere grosse, laquelle selon le subiect est enuoiée en Cour de Rome pour en obtenir l'exécution, ou bien mise entre les mains de l'ordinaire collateur pour l'exécuter comme il luy plaira, ceux qui en esperent quelque chose, ont accoustumé d'en leuer vne seconde, tant pour la faire insinuer, au cas que le benefice resigné leur soit conféré, que pour s'en seruir.

Bouthillier n'a point leué ceste seconde grosse de procuration, d'autant que son pere & luy n'en sçauoient rien, & ne s'y attendoient en sorte quelconque: mais depuis qu'il a sceu qu'il auoit pleu à monsieur le Cardinal de Gondy de luy conférer la Chanoinie & prebende contentieuse, apres en auoir admis la resignation, suiuant la procuration que Puifauré auoit mise entre ses mains pour la conférer: depuis, dis-je, qu'il en a esté aduertí, il en a leué vne troisieme pour la faire insinuer, comme il a faict: faut-il de là inferer que l'ayant leuée pour la troisieme fois, non plus que s'il l'auoit leuée pour la seconde, la prouision ayt esté antidatée? *nihil minus*.

De faict, Richer mesme recognoist qu'il estoit necessaire d'en leuer vne seconde, ou vne troisieme grosse, d'autant que l'un des moiens qu'il propose pour impugner la collation faicte à Bouthillier, est que ceste procuration n'est pas insinuée dedans le temps de l'ordonnance, étant certain qu'il ne la pouuoit insinuer, s'il n'en eust leué la troisieme, tout ainsi que Puifauré auoit leué la seconde, laquelle il n'eust pas voulu deliurer à Bouthillier.

Le second argument par lequel il pretend verifier ce pretendu antidatée, n'est pas meilleur que le precedent, sçauoir que le mesme iour septiesme Iuillet, feu de Serre auoit passé procuration pour resigner la mesme Chanoinie & prebende entre les mains de nostre S. Pere, en faueur de M^e Denys Victor Bouthillier, & que Bouthillier pere, en auoit receu vne grosse, d'où il pretend inferer, quoy qu'il ne l'ayt pas escrit en cet article, que la collation n'en auoit pas en core esté expédiée, d'autant que si l'ex-

pedition en eust esté faicte dès le iour precedent, qui estoit le sixiesme, Bouthillier pere, n'eust pas retiré la procuration que feu de Serre auoit passée ledit iour septiesme, en faueur dudit Victor Bouthillier son autre fils?

Si maistre Denys Bouthillier pere, eust eu l'une des grosses de la procuration passée pour resigner purement & simplement, & qu'il l'eust portée à monsieur le Cardinal de Gondy, il y auroit, peut-estre, quelque apparence de dire qu'il n'eust eu que faire de recevoir du Notaire la procuration passée en faueur de Victor Bouthillier son autre fils, bien que cela ne luy peust nuire.

Mais Richer ne peut desnier que Puiffaure apres l'auoir leuee, ne l'eust portée audit sieur Cardinal dès le mesme iour: il n'y a rien en cela du faict de Bouthillier pere, ny d'aucun de ses enfans, ils n'ont peu sçauoir ce que monsieur le Cardinal en auoit fait, comme de verité ils n'en sçauoiét rien lors: & partant d'inferer de ce que maistre Denys Bouthillier pere auoit receu la grosse de ceste derniere procuration passée en faueur de Victor Bouthillier son fils, que la collation precedente que monsieur le Cardinal de Gondy en auoit accordée, non à Victor, mais à Sebastien Bouthillier, soit antidatée, la consequence est vitieuse, & ne vaut rien.

Contre l'objection que maistre Denys Bouthillier pere, ayt qualifié de Serre, Chanoine depuis sa resignation admise.

Il adioute vn troisieme argument de ce pretendu antidate, qu'il tire d'un acte passé le mesme iour septiesme Iuillet, auquel Bouthillier qualifie feu de Serre Chanoine, & d'une requeste qu'il a présentée le lendemain 8. par laquelle il luy donne la mesme qualité, dont il veut inferer, quoy qu'il ne l'ayt pas bien expliqué: que puis que luy-mesme le recognoist & le qualifie Chanoine, il s'ensuit qu'il l'estoit, que monsieur le Cardinal de Condé n'auoit pas admis la resignation, & consequemment que la collation qu'il en auoit faicte le sixiesme est antidatée, comme si l'attribution d'une qualité estoit suffisante pour conuaincre d'antidate une collation autentique.

L'expérience ordinaire nous fait cognoistre que ceux qui ont une qualité à cause de leurs offices, ou benefices, ne la perdent pas si tost qu'ils les ont resignez, dont il ne faut rechercher autre preuue qu'en la personne de feu de Serre, lequel aiant esté Prieur de saint Florent, qui est vn Prieuré assis à la Rochefoucault au pais d'Angoulmois, & l'ayant resigné plus de quinze ou seize ans auparauant son deceds, il auoit neantmoins ceste qualité de saint Florent, laquelle luy est tousiours demeuree.

Cela est verifié par les mesmes acte & requeste dont Richer se veut preualoir, d'autant qu'en l'acte inferé, comme il a esté dit, au cahier cotté Z, en la production de Richer fol. 7. sont escrits les mots qui s'ensuiuent, de noble personne M. Pierre de Serre sieur de saint Florent, Chanoine en l'Eglise de Paris, repetée en la requeste fol. 3. vers. du mesme cahier, que maistre Pierre de Serre sieur de saint Florent Chanoine en l'Eglise Cathedrale de ceste ville de Paris. Et toutefois il n'auoit ny l'un ny l'autre benefice, d'autant ainsi qu'il a esté dit cy dessus qu'il auoit resigné le Prieuré de saint Florent 15. ou 16. années auparauant, & qu'il auoit resigné la Chanoinie & prebende, ayant esté la resignation admise, & la collation d'icelle faicte le iour precedent sixiesme du mesme mois.

Voila

Voyla pourquoy apparoiſſant que les qualitez & denominations demeurent aux beneficiers, encore que bien ſouuent ils n'aient plus les benefices deſquels ils l'auoient priſe : & apparoiſſant d'ailleurs que la reſignation de feu de Serre n'auoit eſté admife que deux iours auparauant, & le ſixieſme du meſme mois, nul ne peut dire que Bouthillier ayt failly de ſuiure la meſme qualite en la perſone de feu de Serre, & encore moins inferer de là que la collation faiçte à ſon fils ayt eſté antidatee.

Caterum, d'autant qu'aux meſmes articles Richer aduance des faiçts que Bouthillier le pere ſ'eſt faſché de la ſeconde procuration leuee par Puifauſe, de la deliurance d'icelle à la Dame de Ragny, de ce qu'il apperceut que Puifauſe le vouloit tromper, & autres ſemblables, dont il n'y a point de preuue, Bouthillier ſupplie bien humblement la Cour de croire qu'ils ſont inuentez par Richer, & qu'il n'eſt pas raifonnable de ſ'y arreſter.

Il adioute que le faiçt de pretendue antidate ne peut eſtre receu ſans inſcription, en laquelle il eſtime que Richer ſe donnera bien garde d'entrer.

Et d'autant qu'outre ces trois argumens, Richer en adioute vn quatrieſme, ſçauoir que Bouthillier a employé ſous la cote P, de ſon inuentaire, vn procez verbal faiçt à la requeſte de Richer, par lequel au cas qu'il fuſt entier, ainſi qu'il auoit eſté dreſſé en la preſence de celuy que Bouthillier y auoit enuoie, il y auroit preuue que le Notaire Gallot qui auoit receu la procuration pour reſigner, dont il ſ'agit entre les parties, en auoit donné deux groſſes à Puifauſe auparauant que feu de Serre fuſt decedé, que Bouthillier n'en auoit eu iamais aucune groſſe, ſinon depuis la collation qui luy auoit eſté faiçte de la prebende contentieufe : que pour ceſte occaſion il eſt impoſſible qu'il y ayt eu aucune poursuite faite de ſon coſté pour en obtenir la prouiſion, & qu'au contraire la preuue demeurant, comme elle eſtoit certaine, qu'ayant iceluy Puifauſe mis ou fait mettre entre les mains de monſieur le Cardinal de Gondy leſdictes deux groſſes, ou l'vne d'icelle, il auoit vſé de la liberté qui luy appartenoit, d'admettre la reſignation, & de conferer, ayant, diſ-je, eſcrit les meſmes mots ſous ceſte cote P, de ſon inuentaire, voicy l'argument que Richer en veut tirer, ſelon que Bouthillier l'a peu recueillir de l'obſcurité des meſmes articles.

Puifauſe, dit-il, auoit retiré les deux groſſes les 6. & 7. du mois de Iuliet, apparoiſſant par la recognoiſſance de Bouthillier en cet article que Puifauſe les auoit miſes, ou l'vne d'icelles, entre les mains de monſieur le Cardinal, lequel auoit conferé : il eſt impoſſible qu'il l'ayt peu faire auparavant le ſeptieſme, qu'il dit eſtre le datte de la deliurance de la ſeconde : il ſ'enſuit donc que la collation du ſixieſme eſt fauſſe, & qu'elle a eſté antidatee.

C'eſt, diſ-je, en eſſect l'argument de Richer, lequel il a tres-mal rencontré en ſes analogies, d'autant que toutes les parties d'iceluy apparoiſſent du tout eſloignées de la verité.

Primò, en ce que Richer prend les mots de Bouthillier, comme ſ'il auoit eſcrit qu'au parauant que Monſieur le Cardinal conferaſt Puifauſe

Sur la ſeconde
groſſe de pro-
curation leuee
par Puifauſe.

Contre l'obie-
ction de la deli-
urée des groſ-
ſes des procura-
tions.

auoit mis ces deux procurations entre ses mains: & toutefois la naturelle signification des mots n'y peut estre accommodée, d'autant qu'il a escrit que Puifauvre auoit mis entre les mains dudit sieur Cardinal les deux grosses ou l'une d'icelles: de sorte que les ayant receuës, l'une ou les deux, il suffit qu'il y en ayt une, laquelle il y ayt peu mettre, comme de faict il auoit mise entre ses mains la premiere, ainsi que le succez l'a monstre: Tant y a que de ces mots escripts en l'inventaire de Bouthillier, il est impossible d'inferer qu'il ayt voulu soustenir ny recognoistre que les deux grosses aient esté mises entre les mains de monsieur le Cardinal auparavant qu'il eust conféré, & au contraire l'interpretation demeure entiere, que sur l'une il auoit peu conferer, comme de faict la collation en a esté expédiée.

Secundo, en ce que Richer presuppose que Bouthillier sçauoit les iours que ces deux grosses auoient esté deliurées à Puifauvre, qui estoient les 6. & 7. Iuillet: & toutefois il n'en a iamais rien sceu, dont il ne faut rechercher autre preuue qu'au mesme article de son inventaire, au commencement de la cote duquel sont escripts les mots qui s'ensuiuent cy dessus remarquez, en escriuant du procez verbal, faict à la requeste de Richer, au cas qu'il soit entier, ainsi qu'il auoit esté dressé en presence de celui qui auoit assisté de la part dudit Bouthillier, par lesquels mots il est clair & sans doute que Bouthillier ne l'auoit pas veu: & consequemment que lors qu'il a escrit des deux grosses ou de l'une d'icelles, il en escrit douteusement, comme n'en estant pas assuré.

Voilà pourquoy apparaisant que les parties de l'argument de Richer ne sont pas veritables, Bouthillier soustient que la Cour, sous sa correction, ne s'y doit aucunement arrester, ains doit tenir pour constant & tres-veritable, comme il est, que Puifauvre ayant receu la premiere grosse le 6. Iuillet, il l'a portee au mesme instant à monsieur le Cardinal, ou plustost au Procureur, lequel a resigné en vertu d'icelle, pensant, peut-estre, qu'il luy en accorderoit la gratification, & qu'ayant la resignation esté faicte, monsieur le Cardinal a esleu Bouthillier partie en ce procez, auquel comme il luy estoit loisible, il l'a gratuitement conféré.

Aussi voyant que toutes ces petites subtilitez & recherches de presumptions sont impertinentes, il soustient positiuement au 295. art. que la prouision est fausse & antidatée, mais il se donnera bien de garde de s'inscrire en faux, sçachant bien qu'elle est tres-veritable: & Bouthillier soustient que sans inscription les faicts de ce pretendu antidaté ne peuvent, ny ne doiuent estre receus.

Contre l'objection que Bouthillier & Gouault colludent ensemble.

Ne sçachant plus Richer de quel costé se tourner, il fait une grande exclamation, & une ardente poursuite, sur ce qu'il y a une requeste presentee par Gouault, laquelle se trouue escrite de la main de Girardin, qui est un ieune garçon, que maistre Denys Bouthillier pere a depuis quelque temps à son seruice, & de la main duquel les escritures & l'inventaire de Bouthillier produicts au procez, sont escripts: *Ergo*, dit-il, il y a de la collusion entre eux, par la seule consideration de laquelle Bouthillier doit perdre sa cause, *quasi verò* l'écriture d'un Clerc puisse seruir de preuue

d'aucune collusion, & qu'il soit en sa puissance de faire perdre la cause à son maître par l'escriture d'une requeste: ce seroit vne trop dangereuse ouuerture.

La collusion defendue par la disposition de droit est celle par laquelle Clerici inter se collusione facta super beneficiis quæ possident, se sustinent ab aliis molestari, & postea, vt quæstioni cedatur: & iidem clerici beneficia quietè possideant, quasi nomine transactionis soluunt aliis de ipsis beneficiis annuam pensionem, vt post mortem eorum in beneficiis illis, super quibus est collusio facta ius sibi valeant vindicare in cap. audiuius. de collusione detegenda, ou bien lors que inter actorem & reum latens est, & fraudulenta conuentio, ainsi que dit la glose sur ce mesme texte in verbo Collusione, c'est à dire, l'accusateur & l'accusé, ex can. si quem pænitet rit 2. q. 3.

Il n'y a rien de semblable en cest affaire, imò verò, si nous prenons ce mot de collusion, non pas en la forme du droit Canon, ains comme le le Iurisculte l'interprete in l. si pariter D. De liber. caus. quoties alterius collusione aut inertia alterius ius corrumpitur: & au cas qu'il se trouue quelqu'un lequel ayt interest en vn affaire pour empescher qu'il ne soit empiré par la collusion & intelligence de deux autres, qui se peuuent entendre secretement: la loy luy donne le remede pour interuenir in l. si suspecta D. De inoff. testam. & si la collusion est descouuerte, la peine du droit Ciuil est que sententia si qua interuenit ipso iure non noceat, ainsi que dit la glose in l. si seruus plurium p. 1. in verbis, non nocebit legatariis D. De legat. 1.

Richer ne peut dire que par ceste requeste presentee pour Gouault pour estre escrite de la main de Girardin, son droit soit en sorte quelconque alteré, changé, ny corrompu, il ne peut dire qu'il y ayt rien de iugé contre luy: & partant d'accuser Bouthillier de ce vice de collusion, ainsi qu'il est interpreté, soit par le droit Canon ou par la disposition du droit ciuil, il n'y a point d'apparence.

Bouthillier poursuit les droits qui luy appartiennent, Richer, Gouault, & Bailly font le semblable, si les clerics de leurs Aduocats & Procureurs se frequentent & se dispensent d'escire pour les vns ou les autres, il n'y a personne autre que Richer qui voulust soustenir que ceste escriture fust suffisante pour faire perdre leur cause, si d'ailleurs elle se trouue equitable & iuste.

Si Bouthillier auoit accordé avec Gouault & Bailly, & que pour se redimer de procez il eust pris cession de leurs droits, soit ouuirement ou secretement, Richer n'auroit aucun subiect de s'en plaindre, non plus que Gouault & Bailly, si Bouthillier auoit accordé avec Richer: c'est le pis qu'ils sçaueroiét dire auoir esté fait par Bouthillier, lequel confesseroit hardiment le Concordat, s'il y en auoit, & ne craindroit pas de le descouurir: & partant de vouloir que sous pretexte de ceste requeste escrite par l'un des clerics de son pere, il doive perdre sa cause, c'est vne pure moquerie.

Ce qui a esté respondu contre tous les arguments & obiections de Richer doit seruir contre Gouault & Bailly, lesquels les ont emploiez, & ne pourroient en apporter d'aduantage.

Apparoissant par tous les moiens cy dessus representez que Richer, Gouault & Bailly ne sont capables en qualité de graduez-nomez, pour debattre la prouision de Bouthillier, & que d'ailleurs tous les moiens qui sont proposez contre icelle, & mesme ceux qu'ils s'efforcent de tirer de la regle *De infirmis*, & des pretendues presomptions de fraude, ne peuuent estre proposez contre les resignations admises par les collateurs ordinaires, comme est celle de Bouthillier, & que d'ailleurs il est capable & bien qualifié pour tenir la Chanoinie & prebende contentieuse: il s'ensuit qu'il n'y a que tenir, sous correction, qu'il ne soit maintenu & gardé definitiuelement en la possession & iouissance d'icelle.

Que l'insinuation des pretendues lettres de Richer ont esté faictes par personnes qui n'auoient aucune procuration de luy.

Bouthillier a obmis contre les pretendues lettres de degré, temps d'estude, & nominatió, que l'acte particulier de l'insinuation que Richer dit en auoir esté faicte à monsieur l'Euesque de Paris, ou à l'un de ses Vicaires, est nul & ne vaut rien, d'autant qu'il a esté faict par maistre Claude Gilbert au nom & comme son Procureur: & toutefois de procuration il n'en eust iamais.

De dire par Richer qu'il a eu pour agreable ceste insinuation par les actes subsequens, il ne se peut, d'autant qu'il n'y en a qu'un lequel en face mention, sçauoir celuy par lequel maistre Iean Richer a insinué le precedent acte au Greffe des insinuations, mais il n'auoit non plus aucune procuration pour cest effect.

Pareillement de dire, ainsi que Richer l'a faict escrire, qu'il auoit baillé procuration verbale rant à maistre Claude Gilbert qu'à maistre Iean Richer, d'en faire ces deux insinuations, cela auroit peut-estre quelque apparence, au cas qu'il y en eust preuue, mais n'y en ayant point *de his que non sunt, & non apparent idem iudicium fieri debet*, & n'est pas raisonnable de s'en arrester à la parole ny à la conscience de Richer.

Et dauantage s'il disoit qu'il n'est besoin de procuration, Bouthillier apporte les textes de la Pragmatique, de l'ordonnance du Roy Loys 12. & du Concordat, sçauoir de la Pragmatique *in tit. de Collat. p. Teneantur*, en ces mots, *exhibere per se vel procuratorem, quod si non fecerint collatio seu presentatio aliter quam vt premittitur facta propterea irrita censeantur*, & du Concordat sous le mesme tiltre *de collat. in p. Teneantur*, en ces mots, *per se vel procuratorem suum*, par tous lesquels il est necessaire que ces actes soient faicts en personne, ou par procureur, qu'autremét ils soient nuls, & n'obligent aucunement les collateurs ny les patrons.

Quant à ce que Richer presque en tous les endroiets de ses escritures & contredicts a escrit un grand nombre de faicts contre maistre Denys Bouthillier pere du deffendeur, il supplie bien humblement de considerer que de preuue entre les pieces de Richer il n'y en a point, & consequemment qu'ils sont tous faux, & calomnieux, & qu'ils ne prouient que de l'inimitié qu'il a conceuë contre luy à cause de ce procez, & de ce qu'en iceluy il deffend le droit de son fils.

Auparauant qu'il fust commencé, Richer en personne ayant reproché à Bouthillier pere qu'il n'auoit pas tousiours esté de l'aduis lequel il soustenoit pour son fils, qu'il auoit consulté & signé le contraire, Bouthillier

pere

pere fit imprimer la trezieme question des commentaires qu'il auoit commencez, & bien aduancez sur les nominations du Roy, & principalement sur celles qui appartiennent à messieurs de la Cour, en laquelle sans nommer, ny offenser personne, il auoit expliqué son aduis, & les principales raisons d'iceluy.

Richer ne pouuant supporter la verité que Bouthillier faisoit paroistre en public contre la calomnie qu'il luy auoit improperee, suscite Adrien Behotte maistre es Arts, qui enflé d'orgueil, à cause d'une Chanoinie & prebende, & du grand Archidiaconé dont il auoit esté pourueu en l'Eglise Cathedrale de Rouan, quoy que maistre Denys Bouthillier pere ne l'eust iamais offensé, faict imprimer vne responce à ceste question, toute remplie d'iniures & de calomnies contre luy, & mesme de celle que Richer luy auoit dicté de ses pretendus aduis & consultations contraires à ce qu'il soustenoit pour son fils.

Bouthillier recognoist que son pere y a respondu par vne animaduersion, & que derechef vn de ses amis a pareillement respondu à certaine censure imprimee sous le nom du mesme Behote: mais pour monstrier que toutes ces iniures & impostures viennent de Richer, & qu'il en est le premier auteur, il a mis en ses escritures & contredicts ce que Behote a escrit en ses libelles, voire en aucuns endroicts il a repeté les mesmes mots.

C'est vne chose estrange, qu'à cause que maistre Denys Bouthillier pere a entrepris la deffence de la cause de son fils, sans autre suiet quelconque, Richer ayt faict complot pour l'iniurier & le charger de toutes les calomnies & impostures qu'il a peu inuenter.

Mais afin qu'on cognoisse encore mieux quelle est l'ame & la conscience de cest homme, il ne s'est pas contenté de s'attaquer à Bouthillier pere, il s'est aussi attaqué en diuers endroicts de ses escritures sans aucune distinction aux Prelats collateurs, entre lesquels sont messieurs les Cardinaux, les Archeuesques, & Euesques, les accusant d'exercer des traffiqs & des yurongneries, ce sont les beaux mots de Richer aux collations des benefices qui dependent d'eux.

Imò verò, il n'a pas seulement espargné les Iuges qu'il doit respecter, les causes desquels pour l'exercice de leurs charges, appartiennent à vous, Messieurs, qui iugerez ce procez, ayant escrit en quelque endroict de ses contredicts, que Bouthillier pere auoit de grands & puissans intercesseurs qui auoient paru au procez d'entre Pierre Langlois gradué, & Pierre luillard resignataire, parti au mois d'Aoust 1613. en la cinquiesme Chambre des Enquestes, comme s'il vouloit accuser ceux qui ont assisté au partage, d'auoir esté intercesseurs, & non pas Iuges, qui est vne calomnie laquelle ne doit estre toleree, & sur la consideration de laquelle Bouthillier pere a subiect de ne trouuer pas estrange si Richer s'est attaqué à luy, voire il peut iustement dire ce qu'un Poëte a escrit sur vn pareil suiet.

*Ne ve in me stolidæ conuicia fundere lingua
Admiremur eum, vobis quoque digna pudore
Obijcit.*

R

SOMMAIRE DES PRINCIPAUX chefs.



- O**ntestation des parties. p. 1. Les deux fraudes contre lesquelles a esté
Richer, Gouault, & Bailly ne faiete la regle ne tomboient & ne pou-
peuvent rien demander, si- uoient tomber aux ordinaires. p. 9.
non en vertu de leurs pre- Cõtre l'obiection que les ordinaires s'ac-
tendus degrez & nominations. ib. commodent avec les resignans mala-
des. ibid.
Trois lettres requises pour les graduez- Par les resignations pures & simples les
nommez. ib. droicts de conferer sont conseruez aux
collateurs. ibid.
Contre les pretendues lettres de Richer. Les benefices permutez ne pouuoient
ibid. estre demandez par les madataires. p. 10.
La lettre pretendue par Richer n'est qu'un Sinon que les permutations fussent frau-
simple certificat. p. 2. duleuses. ibid.
Que la pretendue lettre de Richer n'est La regle se rapporte au iour du consens,
signee de la main du Secretaire, ny lequel n'a iamais esté appose aux col-
seellée du seau del' Vniuersité, ny de la lations des ordinaires. ibid.
faculté. ibid. Cela est confirmé par la conference des
Panet n'a rendu aucun compte sur lequel deux regles *De public. & de infirmis*. p. 11
il ayt peu deliurer la pretendue lettre La regle faiete en faueur des ordinaires
de Richer. p. 3. ne peut ny ne doit estre retorquee cõ-
Panet n'a eu aucune charge d'expedier & tre eux. p. 12.
deliurer ceste pretendue lettre. ib. Particulierement que les graduez ne se
Nul registre de la pretendue lettre de Ri- peuvent ayder de la regle contre les
cher. ibid. collateurs ordinaires. ib.
Preuve certaine que Richer n'a pas estu- La regle faiete pour les madataires Apo-
dié dix ans en Theologie. p. 4. stoliques, en consequence & du chef
Que l'insinuation des pretendues lettres des collateurs ordinaires. ib.
de Richer ont esté faietes par person- Par la mesme raison, les graduez se peu-
nes qui n'auoient aucune procuration uent ayder de la regle. ibid.
de luy. *C'est art. auoit esté obmis*. p. 64. Mais non contre les ordinaires. p. 13.
Incapacité en la personne de Richer à L'exemple sur l'indult de Messieurs les
cause de ses Theses. p. 4. Cardinaux. ibid.
Contre les pretendues lettres de Gou- Par les decrets de la Pragmatique & du
ault. p. 5. Concordat, les graduez ne peuvent
Contre les pretendues lettres de maistre rien pretendre contre les resignations
Pierre Bailly. p. 6. pures & simples admises par les ordi-
Obiection des trois graduez, que la pro- naires. ibid.
uision par la pure & simple resignation de feu de Serre octroyée à Bouthil-
lier est frauduleuse. p. 7.

Remarques touchant la regle De infirmis.

- Que la regle *De infirmis* a esté faiete contre les resignations conditionnelles, *infanorem*, faietes en Cour de Rome. ib.
La regle *De infirmis* sous le tiltre des regles de Chancellerie de Rome ib.
Qu'elles ne peuvent estre appellées con-
stitutions generales. ib.
La regle faiete seulement pour obuier à deux fraudes. p. 8.

Des presumptions de fraude.

- Les mesmes resignations exemptes de fraude, tout ainsi que leurs autres collations. ib.
La liberté de conferer appartient aux collateurs ordinaires. ibid.
Celuy lequel vse de ses droicts ne fait iniure, dol, ny fraude contre personne. p. 14.
La doctrine de celuy lequel vse de ses droicts confirmée par les Theologiens. ib.

Nullus damnum facit, nisi qui id facit, quod facere ius non habet. p.15.

La fraude ne peut estre presumee, sinon quand nous entreprenons de faire ce qui est deffendu. ib.

Prohibition de donner *ultra licitam quantitatem*. ib.

Prohibition au debiteur de rien faire au preiudice de ses creanciers. ib.

Ne quidem fauore libertatis. ib.

Prohibition de donner entre mary & femme. p.16.

Deffence de prester à vsure. ib.

Deffence en matiere de seruitudes. ib.

Si la prohibition & deffence sont ostées, il n'y a plus de suiet de presumer aucune fraude. ib.

Les graduez n'ont qu'une esperance & expectatiue par mort. p.17.

Les simples esperances & expectatiues n'emportent aucune prohibition, ny consequemment aucun soupçon de fraude. ib.

L'esperance & expectatiue des enfans pour succeder aux biens de leurs peres. ib.

L'expectatiue de la succession des peres aux biens qu'ils ont donnez à leurs enfans. p.18.

L'expectatiue & l'esperance des graduez n'empesche les resignations. ib.

Les Theologiens assurent que ceux qui empeschent l'effect des expectatiues beneficales ne commettent aucune fraude ny peché. ib.

Aucun des anciens Docteurs n'a esté d'avis que la regle ayt lieu contre les ordinaires. p.19.

Les plus celebres Docteurs qui ont esté depuis l'an 1298. que la regle fut faicte iusques en l'année 1500. ib.

La liberte des ordinaires entiere auparavant la regle. p.20.

Vn seul de tant de Docteurs n'a escrit que ceste liberte leur ayt esté retranchee pour executer la regle contre eux. ib.

Ioannes Andreas, Cinus, Oldrade. ib.

Calderinus, Albericus, Balde, Angelus de Vbaldis, & Bartholomæus de Saliceto, Petrus de Anchorano, Panormitanus, Alexander de Immola. p.21.

Cepola, Marianus Socinus, & Philippus Cornæus, Boerius, Andreas Siculus, Barbaria. p.22.

Puis que tant de grands personages n'en ont rien dit, il faut inferer que cela n'est pas. p.23.

Gomes & Rebuffe entre les Docteurs qui ont esté depuis l'année 1500. iusques en l'année 1560. ont esté seuls d'avis que la regle eust lieu contre les ordinaires. ib.

Philippus Decius contre la regle. ib.

Guilielmus Benedicti dit que la regle a esté faicte contre les resignations de Cour de Rome, pour conseruer les droicts des ordinaires. ib.

Maistre Iean Imbert, Que la regle n'a point de lieu contre les ordinaires. ib.

Du-Moulin est du mesme aduis. ib.

Contre la maxime par laquelle Richer veut que *infirmetas & vacatio beneficij imminens inducunt presumptionem fraudis*. Elle est verifiee fausse par les resignations admises en Cour de Rome. p.24.

Par les resignations faictes entre les mains des ordinaires. ib.

Qu'elle ne peut auoir lieu en faueur d'aucun expectant. ibid.

Responſes aux obiections tirees du droit & des Docteurs.

Qu'elle ne peut estre confirmee par le chapitre vnique *De rer. permutat. in sexto*. ibid.

Ny par le chapitre second *De renunt.* au mesme liure. p.25.

Ny par les auctoritez des Docteurs que Richer allegue. ib.

Derechef sur la difference d'entre les resignations pures & simples, & celles de permutation. p.26.

Particulierement la pretendue maxime de Richer n'est confirmee par l'opinion de Balde. ib.

Qu'ils ne pouuoient escrire que des permutations. ib.

La pretendue maxime de Richer nullement confirmee par Oldrade. ib.

Elle n'est confirmee non plus par Bellamera, ny par Anchoranus. ib.

Les textes citez par Anchoranus sont tous en actes prohibez. p.28.

Celuy de la loy *Filia mea* fondé sur la promesse du mary, & la stipulation du pere. ibid.

Celuy de la loy *Si filia D. De diu. & repud.* ne parle de maladie ny de mort. ib.

Celuy in l. *Si maritus p. fin. D. Qui & à quib. manum.* parle d'un acte deffendu. ib.

Idem in l. post contractum D. De Donat. ib.

Côtrel'argumēt que *habeatur pro cincto*. ib.

Stephanus Bertrandus & Aymo Craueta
ne confirment non plus la pretendue
maxime de Richer. p. 29.

Elle n'est confirmee non plus par le glosa-
teur de la Pragmatique. ib.

Ny par l'interpretation de Richer sur des
mots du mesme glosateur, que *moriens*
non dicitur cedere beneficium. &c. ib.

Contre les presumptions de maistre Charles du Moulin.

Ny par les pretendues presumptions de
fraude que feu Maistre Charles Du-
Moulin a proposees, qu'il fonde sur la
disposition de droict, & non sur la re-
gle. p. 30.

Elles ne furent iamais proposees aupara-
uant la regle, & ne s'en trouue rien en
droict. p. 31.

Particulierement contre la premiere pre-
tendue presumption de fraude fondee
sur l'infirmité. p. 32.

Contre la seconde fondee sur la constan-
guinité. ibid.

Contre la troisieme fondee en l'affecta-
tion. p. 33.

Contre la prohibition *implicite* inuentee
par Richer. ib.

Mauuais eschapatoire pour Richer sur la
puissance du Pape. p. 34.

Qu'au cas que les presumptions de frau-
de deussent estre receues, que non, la
cause de Bouthillier ne laisse d'estre
bonne par la resolution de Du-Mou-
lin. p. 35.

Capacité de Bouthillier. ib.

Contre ce que Richer a escrit que la loy
de la liberte & du droict d'admettre
des resignations par les ordinaires soit
nouuelle. ib.

Responſe à Gomes & Rebuffe.

Particulierement contre les opinions de
Gomes & de Rebuffe. p. 36.

Deux exclamations de Richer. p. 37.

Contre la premiere qu'en confirmant les
resignations ce soit autoriser les frau-
des. p. 38.

Contre la seconde, que le priuilege des
graduez leur demeureroit inutile, &
qu'il ne vaqueroit rien pour eux, &
que les benefices leur seroient ravis.
ibid.

L'inconuenient plus grand sans compa-

raison pour les collateurs ordinaires. ib.
L'interest des graduez ne leur peut don-
ner aucune action, ny aucun suiet de
plainte. p. 39.

Qu'il y a beaucoup de benefices qui va-
quent par mort. p. 40.

Contre le pretendu rauissement. ib.

Contre l'argument de Richer fonde sur
le sens commun, & la lumiere naturel-
le. ib.

Nul droict naturel pour les graduez. p. 41.

Bouthillier n'a rien escrit qui tombe tous
la fallace que les Logiciens appellent
non causa. ibid.

La vraye cause par laquelle les resigna-
tions doiuent estre conseruees. ib.

La vraye cause des fraudes vient de la pro-
hibition. ib.

La loy cause du peché, & consequemmēt
de la fraude. p. 42.

Arrests au profit des Ordinaires.

Arrests donez sur les mesmes questions.
p. 43.

Celuy interuenu sur le possessoire de la
Cure de la Boissiere le 4. Avril 1550. ib.

L'Arrest donne au grand Conseil au pro-
fit de feu Maistre Estienne Mauguin le
5. Nouembre 1574. p. 44.

Vn autre donne au grand Conseil le 12.
Decembre 1585. pour M. Quentin Ge-
hennault contre monsieur le Presidēt
de Thou. ib.

Vn autre donne en la Cour le 10. Ianuier
1609. au profit de maistre Jean Pelis-
sier. ibid.

Vn autre Arrest donne au grand Conseil
le 15. Octobre 1613. au profit de Maistre
Jean Loiseau. p. 46.

Que le temps des six mois pour requerir
ne court sinon *a die scientia.* p. 47.

Autre Arrest donne au grand Conseil le
26. Mars 1614. au profit de maistre Jean
de la Mare, contre le nommē de mon-
sieur Barantin maistre des Requestes,
& autres. p. 48.

Autre Arrest donne au grand Conseil le
27. Mars 1614. au profit de maistre Ba-
ptiste Bedin. p. 49.

Les nommez de Messieurs de la Cour
preferez aux graduez. ib.

Responſe aux Arrests de Richer.

Richer n'a aucun Arrest de sa part.

Contre


- Contre l'Arresté pretendu fait lors de l'Arrest de la Boissiere. ib.
- Contre l'Arrest donné au profit de l'Allemand & autres semblables. p.50.
- Contre l'Arrest donné au profit de maistre Adrian Behote le 18. Iuillet 1609. ibid.
- Cinq arguments tirez de monsieur le Maistre Conseiller du Roy en la Cour contre l'Arrest de Behote. ib.
- Deux autres raisons pour monstrier que Behote ne pouuoit rien pretendre en vertu de son degré. p.51.
- maistre Denys Bouthillier pere. p.56.
- Contre l'obiection du pretendu monopole entre Bouthillier pere, & Puyfaure l'un des nepueus du resignant. p.57.
- Contre l'obiection de l'espace en blanc pour y mettre les noms des Procureurs. ibid.
- Contre l'obiection, que la procuration de feu de Serre n'a pas esté insinuée dedans les six mois. p.58.
- Contre l'obiection que Du-Pré, & le Febure tesmoins en la collation de monsieur le Cardinal de Gondy soient domestiques. ib.

Responce aux obiections contre la Procuration.

Responce aux obiections contre la collation de monsieur le Cardinal.

- Contre l'obiection que Nicolini, l'un des tesmoins en la procuration, auoit espousé la niepce de feu de Serre resignant. ibid.
- Contre l'obiection que Nicolini ne fust pas domicilié. p.53.
- Contre l'obiection faite sur la personne de Claude Richer, l'autre des tesmoins. ibid.
- Contre l'obiection des deux diuerses specialitez contenues en la procuration. p.54.
- Contre l'obiection prise de la permutation proiettee entre feu de Serre & Preuost. p.55.
- Contre les iniures que Richer impose à
- Contre les arguments de pretendue antidate proposez par Richer, contre la prouision de monsieur le Cardinal de Gondy. p.59.
- Contre l'obiection que maistre Denys Bouthillier pere, ayt qualifié de Serre, Chanoine depuis sa resignation admise. p.60.
- Sur la seconde grosse de procuratio leuée par Puifauvre. p.61.
- Contre l'obiection de la deliurance des grosses des procurations. ibid.
- Contre l'obiection que Bouthillier & Gouault colludent ensemble. p.62.

FIN.



S

Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise

Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise

Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise

Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise
Contre l'abus de la sainte Eglise

